



15056. 57. f. 5. L. 8. o.

Dat he is cij: niet

Franskeje

js 77
Paten & Vines.
Wendl

J. H.

990,25 ~~or~~ 28,30

G G. 30

77 216
12 316

15057

¶ DIALOGI QVATVOR ¶
DE LIBRO, Q VEM
STANISLAVS OSIVS, GERM A= NO POLONVS, EPISCOPVS VARMIEN-
sis, proximo superiore anno, contra Brentium & Vergerium
Coloniæ edi-
dit.

DE Q V E ALII S DV O BV S E IV S D E M
Osij libellis Dilingæ impreßis, quorum alteri est titulus
de expresso uerbo Dei, alteri uero, num
calicem Laicis. &c.

A V T O R E V E R G E R I O.

ANNO DOMINI M. D. LIX.
Mense Martio,

ХІІІ СЛУЖОВАНИЯ

030056545

ILLVSTRISSIMO

PRINCIPI ET DOMINO D.
ALBERTO BRANDEBVRGENSI

Duci Prussiæ, & Illustrissimo Principi
& Domino, D. Nicolao Radzi=
uillo, Duc Olichæ &
Nieuës.

Vestris auspicijs, vestræ autoritate munitus et
fretus. Illustrissimi Principes, antè biennium,
primo in Prussiam, deinde in Lituaniam usq;
Postremò in maiorem & minorem Poloniam
ingressus, quod me decebat feci. Quocunq;
enim perrexi, tum voce, tum libellis conatus sum, pro virili,
his qui nescirent, persuadere, Papatum esse meram impostur
am, quare oportere ab eo se se extricare hominem, qui cupe
ret esse saluus, atq; adiungere puræ genuineç; doctrinæ,
quam filius Dei attulisset ex sinu Patris. Quantum profice
rem, non potui statim intelligere, sed paucis antè mensibus,
demum animaduerti, me per Dei gratiam, profecisse nonni
hil. Prodiit enim furentissimus & venenatissimus Osij Epi
scopi Varmiensis liber, qui planum omnibus facit, meam il
lam peregrinationem quam molestissimam fuisse Domino
& Magistro suo Sathanæ, gratā itaq; Domino & Magistro
meo Iesu Christo filio Dei, quo nomine mihi gratulor, quod
vestro præsidio tectus potuerim aliquid. Pergite, amplissimi
Principes, reliquos seruos Dei vestræ autoritate iuuare, quod
possint eadem ratione, qua ego, istos Osios & Sathanas ad
indignationem & rabiem prouocare, quod est certissimum
signum promotæ glorie Dei. Quod ad Osianum librum at
tinet, videor mihi posse affirmare, nullum hactenus contrà

A ij coelestem,

E P I S T O L A

cœlestem, quam profitemur, doctrinam scriptum fuisse, in quo tantum execrabilis maledicentia, tantum mendaciorū, tantum virulentia, & venenī, tantum denique blasphemias rum congestum fuerit, quantum in hoc vno. Reliqui Papistici propugnatores, prorsus nihil sunt in hoc genere, si cum isto Apostolo conferantur. Habeat sibi hanc laudem, quam ille dicit maximam: est enim verè in reprobissimum sensum datus. Dicerem me mirari, eum nullam habuisse rationem clarissimorum Regum & Principum, aliorumque statuum atque ordinum amplissimorum, qui nostram doctrinam passim complexi sunt. Sed quid Regum & Principum rationē haberet, qui necque Euangeli Sacrosancti, necque vnigeniti filij Dei rationem habuerit? Nam Diaboli verbum, ipsissimum Dei verbum, nominare non est veritus fermè decies, homo blasphemus, ut reliqua nunc taceam. His atrocissimis contumis, quibus suas chartas petulantissimè aspersit, cum omnino fuerit respondendum, & quidem citò, saltem pro infirmioribus sustentandis, ne de diuina doctrina renascente minus honorificè sentirent propter Osij, & similiū impotuntissimas vociferationes, scripsi statim quatuor Dialogos, quibus, quāquam multas concesserim, tamen nec viceliam partem blasphemiarum eius patefecī atque perstrinxī, quos ideo in lucem mitto, ut interea legantur, dum reliqua, quae in hoc genere adorno, compareant. Spero autem propediem comparitura, & multò grauiora allatura, si Dominus voluerit. Vestrīs autem Illustrissimis excellentijs hoc, quicquid est laboris, inscribo atque commendo, vt vestra scilicet, quae maxima est, autoritate, Dialogi mei, pro defendenda gloria Dei, spargantur & promoueantur: Nam illorum promotio & defensio ad eos potissimum pertinet, qui, ut scriberentur, fuerunt origo & causa, hoc est, ad Cels. Vestrās, quarum auspicijs & præsidio in vestras terras veni (vt dixi) istasque Paparum creaturas, & capitales filij Dei hostes ad tantam

DEDICATORIA.

3

tantam rabiem prouocauit. Valete, optimi Principes, deqp
in lucem vindicanda ex densis tenebris, vbi facebat sepulta,
doctrina D.N.Iesu Christi, dies noctesqp diligentius, quam
vnquam ante^a cogitate, cum videre possitis istos Osios
& Osores lucis & veritatis, Sophistica, & pra.
stigij*s* hoc maxim*e* laborare, ut eam
rursus tenebris inuol*u*ant.

Tubingae Calendis Martij, Anno,
M. D. LIX.

VERGERIVS.

A iij ATHA,

DIALOGVS PRIMVS.

A THANASIVS.
HILARIUS.

A TH. Audio prodijisse ex proximis nundinis Francfordianis librum , autore Stanislao O= sio, Episcopo Varmiensi, contra Brentium ac Ver= gerium, sed neq; librum inuenire, necq; quemquam conuenire possum, qui legerit, unde cuiusmodi sit intelligam. HIL. Ego legi, & fortassis possum præ= stare id, quod uis. A T H A. Tu ne obsecro. HIL. Ego. A T H. Quam libenter audio, oro , ne pigeat dicere, qualis tibi uideatur . HIL. Faciam libenter: Incipiam autem à dictione, utpote à re minoris mo= menti, quæ mihi videtur erudita. A T H A. Fucum verborum nihil moror, quale hominis iudicium in rebus ipsis. HIL. Deprauatum, necq; hoc dico , quia sit Papista , & quidem ex crassioribus & pertinacio= ribus, sed quia reuerà in sua ipsius uia huiusmodi est, Zelo præterea amarissimo in omnem nostram re= ligionem, atq; in omnes nostrates , & maledicentia prorsus incomparabili A T H. Valde inuitus ho= rum hominum libros soleo legere . Videtur ne tibi Theologus. HIL. Quis sit nescio , certè non appa= ret linguis nouisse, atq; in ipsis Bibliorum fontibus uersatum. Sed duntaxat in Patrib. utcunq; atq; etiā in Scholasticis nonnihil, Nam video illum citare Io. Scotum, Thomam de Aquino, Gabrielem Biel , & id

id genus, Videtur mihi in summa corruptam illam
Papistarum Philosophiam (ipsi Theologiam no-
minant) sequutus potius quam sincerā Theologi-
am. A TH. Isti solent esse purioris doctrinæ hostes
acerrimi . Sed quid tandem agit , de qua materia:
HIL . Diuisum est volumen in quinqꝫ Libros, in
primo recenset ab origine nostri temporis Hæreses
(ut ipse uocat) A TH. Quorsum: HIL A. Ut dis-
famet nostram doctrinam, huc enim spectat, potissi-
mum in auribus Serenissimi Poloniae Regis, cui li-
brum inscribit. Scio te vidisse librum Friderici Sta-
phyli, quem pro dignitate excepit Iacobus And.
Fabri, pastor Gœppingensis, & ante Fabrum, Phi-
lippus Melanthon, paucioribus quidem, quam Fa-
ber, sed aliquibus in locis aliquantò durius, dum
eum appellat sceleratum Sycophantam, ut reliqua
taceam. A TH. Vidi magna uis stomachi, & dolo-
ris fuerit oportet, quæ Melanthoni, tam placido &
mansueto ingenio homini expresserit tam dura uer-
ba. HIL. An nescis Staphylum fuisse Vittember-
gensis scholæ, & Philippi ipsius alumnū : profel-
sum nostram doctrinam palam, & nunc repudiassē
turpissimeqꝫ negasse, quin & sophistico scripto ad-
modum uirulenter agnitam veritatem impugnasse,
an non iusta tibi uidetur causa, quamobrem Philip-
pus in istum Mammoluchum scribendo, exueret il-
lam semper lenitatem: A TH A. Non nego. HIL.
Sed cùm multa animaduerterim in istius Staphyli
Topicis

DIALOGVS PRIMVS.

Topicis, Metaphysicis & Antilogijs sine iudicio ef-
futita, ita, ut magis, magisq; denudet, patefaciatq;
pudenda sui Papatus, id in primis vidi esse huius=modi, cum ait in octauo Topico, Scholasticam Theologiam esse custodem Ecclesiæ, sicut Canes ouium:
A TH, Praeclarum uero custodem. HIL. Sed distinguanus de Ecclesia, Papistice quidem appositissimam custodem dixerimus inanem & rixosam illā corruptam (ut paulo antè dixi) Philosophiam.
Nam cum totus Papatus carnalis quædam res sit, consuta ex fraudibus & mendacij, nulli Canes, nulli Staphyli (nam se ipsum & reliquos Scholasticos Staphylus met appellat Canes) nulli in summa custodes poterāt illi adhiberi decentiores, quam Scho-
lastici, & Sophisticæ rixæ, que ueluti præstigijs qui-
busdam homines dementarent, atq; in errore conti-
nerent, A nostra uero, hoc est, à Christi Ecclesia, face-
scat procul ista custos carnalis & Staphyliana: quia
custodem habemus Deum patrem & vnigenitum
eius filium, qui Spiritu sancto & verbo suo nos cu-
stodit, ne per Sophisticam decipiamur, & ab Euan-
gelio ad Traditiones, à certitudine salutis ad Dubi-
tationē, deniq; à Christo ad Antichristum abripia-
mur. A TH. Est ne tanta, & tam procax conuician=di libido in Osio, quanta in Staphylo: HIL. Multo
maior. Osius enim plenis buccis sæpiissimè crepat,
nostram doctrinam esse Diaboli verbum, Sathanismum quendam, A TH. Diaboli ne verbum: Satha-
nismum

nissimum ne? **HIL.** Maximè, & nos, qui eam profitemur Sathanistas, ut ulciscatur, quia illos uocamus Papistas. Aliquando etiam ioculariter & scurriliter ait, **Mart. Luterum** esse nostrum Deum, & nos amplecti quintum quoddam Euangelium, quod saepissime inculcat, Placet enim sibi hoc nomine homo (ut videri vult) facetus, **A TH A.** Imò isti Osores quintum quoddam Euangelium amplectuntur ipsis, quod uerè, & propriè possumus dicere. Nam præter ea, quæ sunt à quatuor Euangelistis, literis mandata, habent in pretio & delitijs, nescio quas imaginarias Traditiones, quas aiunt per manus traditas ad se uenisse, affirmantq; pari pietatis affectu & reuerentia suscipiendas, & colendas, atq; ipsum scriptum Euangelium. **HIL.** Agnosco ista verba, quæ sunt in Decretis **X I.** Dist. Cap. Ecclesiasticarum, deinde repetita in sessione tertia Conciliabuli Tridentini, nimirum pari reuerentia et pietatis affectu. Sed animaduerto Osorem non consentire, hac in re, cum suis Papistis. Cum enim reliqui Papistæ dicāt, quod pari eodemq; affectu, reuerentiaq; debeant suscipi Traditiones non scriptæ, atq; ipsum scriptum Euangelium, Osor inquit, Primum locum obtainere scriptum Euangelium, proximum Traditiones. **A TH.** Hoc audet dicere: **HIL.** Audet, **A TH A.** Haud profecto bonam gratiā inibit apud suos Romanenses, Nesciuit, opinor, eiectum fuisse Tridentino à Conciliaribus Patribus, seu Laruis Episcopum **B** Clugensem,

DIALOGVS PRIMVS

Clugensem aut Fossæ Clodiæ quod dixisset sibi non
placere illa verba, P A R I reuerentia , & pietatis af-
fectu:HIL. Videor mihi obseruasse quædam alia lo-
ca, sed valde pauca, in quibus à reliquis Episcopis &
Patribus Osius videtur dissentire. A TH. Dic ve-
num locum aut alterum, si in promptu habes. HIL.
Puto me habere. Adduxerat Brentius ex Cap. 17.
Deutronomi, hæc verba: Et docuerint te iuxta legem
eius: quibus clarè euincit iudicem cogi, ut intrà limi-
tes legis Domini , iudicet iuxta legem , non iuxta
proprium arbitrium. At Osius, cum uideret nullum
esse tergiuersationi locum, inuenit hoc effugium, ut
diceret ea verba nec in translatione septuaginta, nec
in interpretatione Caldaica, neq; in Hæbreo reperi-
ri , negat ergo ueterem translationem disertissime
contrà decretum tertiae sessionis Concilij Tridenti-
ni, quo iubetur, ne quis veterem, aut vulgatam ver-
sionem in disputationibus, aut expositionibus aude-
at reñcere. A TH. Est aliquid, quod Osius summus
alioquin Paparum adulator (ut abs te audio) eam
versionem, hoc est, Papæ decretum repudiare fuerit
ausus. HIL. Audi aliud, haud fermè inuenias, nostro
tempore, Papistam, qui cum in aliquo scripto memi-
nerit Catholicæ & Apostolicæ Ecclesiæ , non addat
R O M A N Æ, certè Inquisitores, qui sunt in Italia,
cum exigunt à reis fidei confessionem , qui respon-
deant, se credere , unā sanctam Catholicam & Apo-
stolicā Ecclesiam non solent esse contenti eo respon-
so,

so, quippè quod ambiguum esse existiment, At isto
ambiguo semper vtitur Osius. Cum enim saepissime
iactitet unam sanctam Catholicam & Apostolicam
Ecclesiam (quam nos reuerenter amplectimur & au-
dimus, quicquid Osius blatteret) nunquam addit
ROMANAM. ATH. Papæ & Papistæ con-
niuebunt, dum in reliquis tuendis, sit bene pertinax,
nec tantillum concedat, necq; in leuiculis quidem.

HILA. Affirmo neminem hac ætate ex omnibus
his, qui contrà nos scripserunt fuisse, qui cum isto in
hoc genere conferri possit: nihil enim est durius, ni-
hil pertinacius Osio, ut sol Euangeliū undiq; erum-
pens videatur illi perstrinxisse aciem oculorum, i-
mo prorsus excecasse hominem & indurasse; ATH.
Nondum dixisti argumentum reliquorum libro-
rum. HILA. Scribit contrà Prolegomena Bren-
tiū. ATHANAS. Contra quæ scripsit Asotus?

HILAR. Contra ea ipsa, quia animaduertit A-
sotum nihil potuisse contrà Brentium. ATHA.
Osius fecit iniuriam Asoto, nam nemo non iudi-
cabit, sic rem se habere, ut tu dicis, & verum est, A-
sotum, ipsiusmet Osij iudicio, nihil profecisse con-
tra Brentium scribendo. HILAR. Habes ergò
de isto Libro quod voluisti. ATHA. Nondum
omnia, plura aueo scire. Si contra Brentium &
Prolegomena scribit, cur in isto ludo admiscet
Vergerium? HILAR. Cum is ante biennium
in Prussia esset, vocabatur à nonnullis Polonis

Bij potentio-

DIALOGVS PRIMVS

potentioribus Varschauiam , vbi comitia agebantur, quibus Nuntius Papæ Aloysius Lippomanus, Veronæ Episcopus intererat. Cum ergo audisset Vergerius , ab eodem Nuntio eiusq; satellitibus & clientibus quotidie magna insolentia iactari, omnē de causa religionis cognitionem, & dijicationem ad Papam atq; eius Episcopos, iure diuino, pertinere, arripuit Prolegomena Brentij, vbi docetur, non ad Episcopos tantum, imo ne quidem ad eos Episcopos, qui sunt hostes piæ doctrinæ , sed etiam ad pios Reges & Principes seculares, adhibitis Ecclesiæ ministris , & alijs pijs ac eruditis viris , iure diuino eam cognitionem & dijicationē pertinere, eumq; Librum Serenissimo Regi obtulit, una cum Epistola, qua dicebat, se uelle cum ipso Nuntio , eius Sacra Regia Maiestate iudice, ea de re conferre & disceptare. A TH. Propterea ne Osius in illum inuehitur? HIL. Hanc ipsam ob causam , & superbissimè indignatur , ausum fuisse Vergerium ad pugnam prouocare Ecclesiæ Rom. Internuncium. A TH. Respondit ne, quod scias , Nuntius Vergerius sunt ne congressi: HIL. Nihil minus, quamuis Vergerius urgeret, ut in disputationem descenderet , non descendit nec per se, necq; per alium, & nunc post biennium maledictis proscindunt hominem , & primum quidem, statim in titulo libri, aiunt Vergerium TEMERE fecisse. A TH. Fecisset temere , si Lippomanus internuncius in harenam descendens

victor

victor extitisset , temerè enim facit , qui , non metis suis viribus , prouocat ad disputationem aliquem , à quo postea vincitur & conculcatur . **HIL.** Ita est , sed indignum facinus putat Osius , si Papæ Nuntius prouocetur , neç habeatur ratio eius personæ , quām sustinet . **A TH.** Indignum facinus putet , si ad crapulandum , ad ludendum , aut aliquid huiusmodi prouocetur , non si ad conferendum de Religione & ad veritatem indagandam , patefaciandamq' . Sed scio rem totam , isti Nuntij habent in mandatis ab eorum Papis , ne disputent ipsi , nec siannt vlla Colloquia de religione institui . Sed dunt taxat , ut quos potuerint ex nostris ad supplicia rapiant , he sunt disputationes , he venationes istorum Luporum , quare qui illos ad indagandam , per amicam collationem , ueritatem prouocant dicuntur ab illis temerè facere . **HIL.** Adde Lippomanum esse reuerà indoctum , & sine ullo iudicio , & propterea abstinuisse à disputatione , non modò quia Papa mandarat . **A TH.** Noui ego ad vnguem quis ille sit , edidit ingentes aliquot tomos de **S A N C T I S** , in quibus tot ineptias , tot feces , tot blasphemias ex Voragine & alijs Lacunis consarcinavit , ut vix quippiam visum fuerit nostra ætate futilius & minori iudicio factum , decuisset illum , cum à Vergerio prouocaretur , nec tamen vellet publicè discipere , uocare hominem ad se (Accessisset enim Vergerius) agere humānè , conferre etiam de articulo

DIALOGVS PRIMVS

controuerso, si non plenè, tamen non nihil & potuā
isset ad hunc modum effugere, ne illi inureretur su-
perbiæ & imperitiæ nota , Sed cùm neutrum fece-
rit, iure illi talia crímina impinguntur, ut uerè utroq;
laborat. Quid deinde ait Osius de Vergerio ? HIL.

Valde exclamat, quòd librum Brentij AVREVM
• appellarit, si ex auro est, inquit, ex Tolosano auro cō-
• flatus est, quòd in eo Brentius ordinem omnem per
• uertat, Politiam, Pacem, & Tranquillitatem destru-
at. A TH. Quia docet cognitionem & dñjudicatio-
nem rerum Ecclesiasticarum, etiam ad pios Reges &
Principes seculares pertinere, adhibitis Ecclesiæ mi-
nistris, alijscq; pijs & eruditis viris? HIL. Ita ATH.
Osius iure queritur, nam isto axiomate, quod plane
verum est, D. Prelati & Mitrati exiuntur potestate
& prærogatiua, quam iniuste tyraniceq; sibi usur-
parant, Faciunt verò , ut cœtus Latronum solent,
qui cùm diutius versati in latrocinijs , ubi licuerit eis
indulgere genio, tandem verò proditi, ut eorum alij
crucibus affigantur, alij fuga sibi consulant, conque-
runtur inter se, sibi esse turbatam tranquillitatem &
pacem. HIL. Sed audi quid de Vergerio subiungat,
illum abnegasse Christianismum. A TH A. O in-
signem Osorem Christi Osim, si hoc dicit , An est
negare Christianismum , si quis deserat sentinas,
tamq; horribiles & spurcissimas Antichristi idolo-
manias , prorripiat autem se ad filium Dei Iesum
Christum, crucifixum, eiusq; purā & synceram do-
ctrinam

Etinam amplectatur Actum de isto Osio, non pu-
tassem esse tam impium & tam blasphemum, Absit,
ut comparem mihi tam venenatum Librum, Chri-
stianismum ne abnegat, qui à Papis desciscit, ut
coniungat se Christo: quis possit ferre tantam im-
pietatem & impudentiam, præsertim in tanta, quæ
vndiqꝫ erumpit, Euangelij luce: videtur omnino
ab ea excecatus (ut paulo ante dixisti) HILA. Au-
di pauca adhuc, quæ iste Apostorus in Vergeri-
um euomuit, Is cùm in aliquo eius Libello euul-
gasset arctissimam illam iurisiurandi formulam, qua
Episcopi obstringunt se Rom. Episcopo, subiun-
xit, se, quemadmodum alij quoqꝫ Praelati, iuramen-
tum Papæ præstitisse, Osius ergo indignabundus
insurgit, & non solum in Præfatione, sed in Libro
secundo rugit ac inquit, non te pudet gloriari, quod
violaris iuramentum D E O præstitum. ATHA.
Insanit & peruerit omnia suo furore, Tale enim
iuramentum, quod Papæ ab Episcopis tyranicè
exigunt, non præstatur D E O, sed SATHA-
NÆ, à quo Antichristi didicerunt miseros Episco-
pos tot laqueis inuoluere, totqꝫ iuramentis obstrin-
gere, puto esse quatuor eorum formulas, et postrema
est grauissima omnium, Nam crescente potentia, &
tyrannide Paparum semper durior facta est Episco-
porum conditio, & seruitus, ut nunc sit miserrima.
Decuissest Osium, cùm Episcopus sit, aut seruitutē ex-
cutere, aut saltē nō insultare his, qui spiritu Dei incēsi
eam

DIALOGVS PRIMVS.

eam excusserunt, sed cum amet gloriam mundi, magis quam gloriam Dei, conculcat suum ordinem, & Papæ adulatur. HIL A. eodem in loco, ubi tale iuramentum exprobrat, passus est sibi excidere verbum satis imprudenter: Cum enim cupiat deformatum, & passim diffamatum Vergerium, oportuisset dicere, neminem in Polonia fuisse inuentum, qui voluerit Vergerij scripta legere, aut legisse cum tædio, & indignatione eos, qui legissent, aut saltem silentio hunc locum præterire. Verum longè aliud fecit, affirmauit enim inueniri in Polonia, qui nō sine quādam animorum assensione Vergerij Libros legant. ATH. Video futilem esse Osium. HIL. Audies de illo insultiora, sed sine vnum atq[ue] alterum adhuc dicam, in quo nititur Vergerium deformatre, iniquissimo animo fert, quod is ausus fuerit, Serenissimo Poloniæ Regi Prolegumena Brentii, cum Epistola offerre, hic cœlum terris immiscet, & omnia rugibus complet, Contaminatur enim, inquit, & polluitur hac ratione nomen tuæ Maiestatis, imo duobus in locis affirmat, se ista potissimum indignitate cōmotum, non potuisse à scriptione abstinere. ATH. Ineptit, nam & Carolo Quinto Cesari, & Ferdinandio Romanorum Regi, & Francisco Regi Galorum, & Venetæ Reip. Principi, quin & ipsis Papis nostri Theologi sæpe suos Libros inscriperunt, nec tamen fuit ullus ex his, qui degunt apud tantos Principes, Episcopus, qui id quereretur: Nunc Osius

sius vult nouis Cato haberi. HIL. Imo ipsimet Se-
 renissimo Poloniæ Regi, atq; etiam omnibus Pro-
 ceribus et ordinibus Regni simul, ante biennium, li-
 brum de forma ac ratione Ecclesiastici ministerij di-
 cauit insignis ille Roman, imposturarum insectator
 d. Lascus, qui egit de Papatu funditus subuertendo,
 Quis autē aut Episcoporum, aut aliorum Procerum
 Poloniæ tantopere, eā ob causam, insaniuit, ut nunc
 insanit iste Osor omnium piorum? ATH. Suspicio
 eum non ausum fuisse irritare D. Lascum. HIL A.
 Rem acutetigisti, imo adducit alicubi eius autorita-
 tem prose, & videtur quodammodo blandiri, nam
 uidet eum magno in pretio et existimatione, merito,
 haberī inter suos, quorum potentiam timet Osius,
 Interea voluit conceptam rabiem euomere in pere-
 grinos, qui longè absunt à Sarmatia, Brentium &
 Vergerium. ATH. Memini me, summa cum vo-
 luptate, ante duos annos legisse Epistolam, qua ar-
 dens ille renascentis doctrinæ Iesu Christi propug-
 nator Radziuilus summa (vt audio) apud Serenissi-
 sum Poloniæ Regem autoritate & pietate Prin-
 ceps, Papæ Nuntium Lippomanum pro dignitate
 exceptit, Quæro igitur an hunc quoq; Principem
 Osius maledictis, ob eam Epistolam, quæ fuerat per
 Poloniā à Vergerio sparsa, proscindat? HIL. Al-
 tissimum de Radziuilo silentium, quantum hacte-
 nus legi. ATH. Timet potentiores, & mundo ser-
 uit contra conscientiam. HIL. Audi aliud, nititur

C falsi

DIALOGVS PRIMVS

falsi conuincere Vergerium, quod in eadem, cuius superius, memini ad Serenissimum Regem Epistola scripsiterit, religionis constituendæ causa Varschauiensia Comitia fuisse indicta, non enim fuit opus, inquit Osius, ullis comitijs in ea causa: quandoquidem Religio recte est apud nos constituta. Quæsiuī à Vergerio, quomodo hic sit responsurus, & in summa mihi satisfecit, satisfacietq; haud dubie alij quoque, Primum ait, Non solere Nuntios Paparum ē Roma in Poloniam, imo in Lituaniā usq; euocari, nisi sit de Religione agendum. Vocatum autem fuisse Lippomanum Osius disertè fatetur in Præfatione, sed cum afferat à Proceribus Regni à Papa petitam fuisse eam Legationem, crediderim Osius hac in re, sed vrgentibus Episcopis Polonicis, quorum causa agebatur, petitam, erat enim eorum Iurisdictio autoritate Regis, & Comitorum suspensa, & propterea ipsi Episcopi Lippomanum multa pecunia onerarunt, ita, ut is à dono Regio sibi abstinentium putarit. Sed ad punctum, ait Osius, Comitia Varschauiensia non fuisse propter illa Religionis negotia indicta. Tamen Papa sciuit futura illa comitia, nam in literis, quas Calendis Augusti 1556. ad Senatores Laicos dedit sic incipit. Cum certiores facti essemus, conuentum istum celebratum iri. Cur fuisse factus de illo conuentu certior, si nihil, quod ad Religionem attineret, fuisse tractandum: imo fuisse factum certiorem, quod de Religione erat agendum declarant hæc verba, quæ sunt in eisdē literis: debetis.

debetis uestra autoritate perficere , ut Episcopi suam^e
autoritatem , iurisdictionemq^z suspensam recuper= ^e
rent , sua Ecclesijs & Sacerdotibus bona ab hæreti= ^e
cis ablata , suæ item Ecclesiæ Catholicis reddantur.^e
Quare Vergerius non somniauit, cùm scripserit, in
illis Comitijs de Religione agendum fuisse, cùm ip= ^e
semet Papa id scripserit, & Nuntius eius interfuerit,
statimq^z post finita Comitia , magnis itinerib. quod
sentiret se omnium ordinum odia in se, sua importu= ^e
nitate, cōcitasse, ex Polonia profugerit: imo cùm in
ipsis Comitijs actum reuera fuerit de Religione , &
statutum, ne quid innouaretur usq^z ad alia Comitia,
suspensa tamen maneret Episcoporum Iurisdic^{tio}.
A TH. Quid refert, siue ob eā, siue aliam ob causam
Comitia fuerint indicta^s HIL A. Osor putat pluri= ^m
mum interesse, multaq^z de hoc nugatur. Cum enim
existimet, omnia, que ad religionem attinent, recte es= ^f
se apud Polonos cōstituta, necq^z ulla emendatione in= ^d
digere, censet Sereniss. Regi, & toti regno fieri iniu= ⁱ
riam multò maximam, si quis scribat, ut scripsit Ver= ^g
gerius, Comitia religionis cōstituendæ aut corrigē= ^d
dæ gratia esse indicta. A TH. Osius vanus homo est,
& summa impietate(quantum ex his paucis eius ver= ^b
bis colligo) quod scilicet omnia putet recte in Po= ^a
lonia, quod ad Religionem attinet, constituta, ut ni= ^c
hil sit, quod corrigi oporteat; is videtur omnium Pa= ^{pa}
parum , omnium Rasorum & Vnctorum deteri= ^{re}
mus, Papę enim Rasi et Vncti non negant irrepsisse

C ñ multos

DIALOGVS PRIMVS.

multos abusus, multasq; superstitiones, imo errores,
quocq; in Ecclesiam, & quotidie nituntur nos lactare
inani spe, quod velint vniuersale Concilium cele-
brare, Ecclesiamq; emendare. At iste Osor, in tanta
(quod sæpè dico) Euangelij luce pronuntiat, in Ec-
clesijs Polonicis, quæ adhuc Papatum retinent, om-
nia esse rectè constituta. Quorsum ergo istius Scri-
pta legeremus? cum ea neget, quæ sui Papæ, & Car-
dinales, & reliqui sui Episcopi, clarissimis verbis cō-
fitentur? Non est dubium, quin iste, qui nunc Papa
est, cum Cardinalem ageret, unà cum nonnullis alijs
Cardinalibus, & Episcopis libellum ediderit, cui ti-
tulum dedit, Consilium de emēdanda Ecclesia, Qua-
re ex solo hoc titulo euincitur, Ecclesiam opus habe-
re emendatione, Quid ergo delirat Osius? Cur ad-
uersus suum idolum, & creatorem insurgit, negans
in Ecclesia opus esse ulla correctione? Sed si ipsum
postea libellum Papæ legas, Deum immortalem,
quam grauiter & vere aliquibus in locis (vtinam fe-
cisset reuerā id, quod videbatur sentire) videas auto-
rem dicere, Papas prurientes auribus coaceruare sibi
Magistros ad desideria sua, nō ut ab eis discant quod
facere debeant, sed, ut eorum studio & calliditate in-
ueniatur ratio, qua liceat id, quod libet, Adesse illis
perpetuò adulatores, qui doceant uoluntatem Papa-
rum, qualiscunq; ea fuerit, debere esse pro regula,
qua eius operationes dirigantur, è Papatu, tanquam
ex equo Troiano irrupisse in Ecclesiam Dei grauif-
simos:

simos morbos & abusus , quibus ipsa ad desperatio= ^{nem usq; salutis laborat. Per Papas & Cardinales}
nomē Christi blasphemari inter gentes: Deinde Le= ^{gati Concilij Tridentini, quid non dixerunt in hoc ge=}
nere: inter alia, si verum fateri volumus , inquiunt,
aliter dicere non possumus , quin nobis conscijsi= ^{mus tantorum malorum , ad quæ corrigenda voca=}
mur causam extitisse, deinde addunt, se deseruisse ue= ^{ros fontes doctrinæ Christianæ, suos Sacerdotes per=}
dendis animis intentos esse, et multa in hanc senten= ^{tiā. HIL A.}
HIL A. Osius hic responderet, necq; Papam,
neq; Cardinales & Legatos Cōciliū loquutos fuisse
de Ecclesijs Polonicis. A T H A. Profecto suspicor
eum esse tanta impudentia, ut dicturus sit , quicquid
de reliquis Ecclesijs sit , nostræ Polonicæ nihil ha= ^{bent, quod corrigi oporteat, Sed si Romana est ma=}
gistra (ut ipsi prædicant) Ecclesiarum , quomodo
possunt Polonicæ discipulæ bonæ esse & emenda= ^{tæ, cum magistra sit pessima: HIL A R.}
HIL A R. Dixi tibi,
paulo ante , Osium omnes Papistas in hoc genere
superare , & tu quoq; recte dixisti , eum tibi videri
omnium Paparum , omnium Rasorum & Vncto= ^{rum deterrimum, dicam autem paulo post quædam}
de eo horribilia sanè, sed sine prius absoluam quid de
Vergerio. Ait se plures legisse illius libellos , falla= ^{cij, & fraude refertos, Interea tamen nullam fraudē,}
nullam fallaciam ostendit , multò minus confutat.
Verbi gratia, Vergerius scripsit libellum , cui titu=

C. ij. lumen

DIALOGVS PRIMVS

Ium dedit, de Gregorio Magno, quē ostendit uolu-
isse cōmunire Purgatorium, intercessionē Sancto-
rum Mortuorum, & Monachatum ineptissimis &
insulssimis quibusdā fabulis, imo diabolicis (ut di-
cam quod est) cūm uideret se non posse è scripturis,
Osor reprehendit Verg. eo nomine, atq;ait (ut so-
let) indignabundus, indignum facinus esse , quod
ausus fuerit, aliquot cōuitiorum plaustris in Grego-
rium inuehi. Sed interea, nihil omnino respondit ad
rē, putat se satis fecisse & cōfutasse, quia sua autoritate
obiurgaret libelli autorem , & dixerit nescio quid de
plaustris conuitiorum. At nō satis id esse quis nō ui-
det: oportuit solidum aliquid afferre pro trium illo-
rum articulorum, quibus totus Papatus nititur, de-
fensione, si modo, quod potuisset afferri, habuit. Cer-
tè scio neq; Osium, neq; ullum alium esse , quanta-
cunq; demum fuerit eruditione, eloquentia & auto-
ritate, qui possit Gregorium in his, de quib. à Ver-
gerio accusatur, defendere, aut excusare , Cædō, qua
unquā ratione potest defendi , aut excusari, qui af-
firmarit quinq; aut sex nescio quos ab INFERNO,
quē ad locum mortui detrusi fuerant , in uitā rediſ-
se, ut scelerum suorum penitentiam agerent. Quin è
COEL O quoq; rediſſe, quo mortui ascenderant,
nōnullos. At Gregorius, inter alia nugarum mōstra-
hæc, quæ dixi, affirmauit. In eo præterea defendere
Ro. Eccl. Osius debuisset, quod ea asseueret, Purga-
torio igne , grauia & enormia peccata purgari, cūm
V ergerius ostenderit Gregorium scripsisse, Purga-
toria

torio igne , purgari duntaxat leuicula & minutæ
Nulla quidem peccata purgantur igne, sed duntaxat
sanguine filij Dei, quæ sunt purganda. Sed cum Pa= 12
patus à Verg. accusaretur, quod contrà clarā & aper= 13
tam sententiam Greg. cognomento Magni, in re
haud parui momenti, cōtrarium statuerit, non satis= 14
fecit Osius , cum tantum dixerit , Verg. esse impro= 15
bum. A TH. Placet hoc audisse de Purgatorio, nem= 16
pè quòd aliter Gregorius de eo, aliter moderni Papæ
statuant , proderit aliquando id habere in promptu
cōtrà Papistas , qui iactant , summam esse apud illos
doctrinarum consensionem , cum sepissime sint ual= 17
de inter se discordes & contrarij. HIL. Eckius in suis
locis cōmuniibus istam dissensionē per pulchre con= 18
ciliat. A TH. Conciliat ne an est huiusmodi , quæ
possit conciliari. HIL. Quomodo conciliet paucis
dicam; Gregorius dicit, De quibusdam LEVIBVS
culpis ante iudicium Purgatorium ignem creden= 19
dum esse , deinde addit , pro peccatis minutis & le= 20
uissimis esse purgatorium , quæ ignis facile consu= 21
mat, sicut est assidue ociosus sermo immoderatus ri= 22
sus, uel peccatum curæ familiaris. Eckius uero citando
hunc locum, truncat sua Machera uerba illa LEVI= 23
BVS, MINVTIS, LEVISSIMIS, ne qua appare= 24
at inter Gregorium & alios Papas dissonantia. A T.
Hoc ne est conciliare ? Mihi videtur corrumpere &
falsum committere, qui ad hunc modum facit. H I= 25
LARIVS. Sic isti solent; sed nolo facere iniuriam
Eckij

DIALOGVS PRIMVS

Eckij manibus, puto enim illum non legisse Gregorium in fonte, non fuisse corruptorem, sed, aut Christianum, cum suum decretum compilaret, aut alium post eum, Nam in Cap. qualis, Dist. 26. corrupta leguntur Gregorij uerba ad eum scilicet modum, quo ab Eckio citantur, qui riuulum vidit, fontem (ut dixi) non vidit fortassis. HIL. Nostrum Osor idem egit de alio Vergerij libello, cui Titulus Scholia in literas Papae ad Senatores Laicos Regni Poloniæ, et ad Ill. D. Tarnouium quod egit de eo, qui de Gregorio Magno inscriptus est: nam duntaxat meminuit illius, atque ait Vergerium vrgere præcisionē eius regni (ut reuera vrgebat) à corpore Rom. Ecclesiæ, hoc tantum Osius: verum de alijs articulis, qui sunt in eo libello, satis quidem ponderosi, verbum prorsus nullum. Nam (inter alia) Vergerius ostendit definitionem hæretici quæ est in C. Hæreticus & in c. dixit 24. q. 3. per pulchrè quadrare in Papistas, qui temporalis commodi & maximè vanæ glorie, principatusque sui tuendi gratia (sunt verba textus) falsas, ac nouas opiniones gignunt & sequuntur. Ostendit etiam quam enorimenter Papa mētitus fuerit, cum scripserit se velle vniuersale Concilium celebrare, ETIAM SI BELLA FVTURA ESSENT, sic enim reuera in Poloniam scripserat in illis, quarum antea memini literis, datis calendis Augusti 1556. quo nihil potuisset dici magis falsum, magisue absurdum, & putidum. At bonus Osor iactat

Etat se, quod omnes hos libros legerit, in quibus etiam
leuicula quædam obiter uellicat, sed ad ea, quæ
sunt grauiora non audet accedere, ueritus ne tan= quam ad scopulos naufragium faceret, quod egit de eo potissimum libello, cuius supra meminimus, in quo agitur de iuramentis, retegiturq; haud obscura coniuratio omnium ordinum, quæ erat aliquando & est etiamnum adhuc alicubi, pro Papa contra Iesum Christum filium Dei, Necq; parui momenti res est, Cùm enim isti Osores sæpe nobis obijciant, non modo Notarios, Iureconsultos, Sacrificulos, Monachos, Canonicos, Abbates, Præpositos, Episcopos, Archiepiscopos, Patriarchas, Primates, sed Duces, sed Reges, sed deniq; Cæsares, qui usq; adeo demittunt se Papis, ut ad suauiandos eorum pedes & penè uestigia & puluerē prorruant, multum intererat scire, hoc fieri ab illis coacte & non sponte. Nam Papæ, inaudita tyrannide, cogunt eos, uelint nolint, iuramentis se astringere, quod uelint mancipia eorum esse. In primis, ad id proderat illorum iuramentorum formulas in publicum proferre, ut omnes commonefierent Prælatos, quos Pape ad Concilia solent conuocare, solenne iuramentum præstissem, quod perpetuo contra omnem hominem (sunt uerba ex formula iuramenti) uelint Patrum defendere atq; conseruare. Osius, inquam, huius quoq; libelli diseriè meminit, uerum ubi conuictus debacchatus fuerit, & illud, quod paulò ante

D dix-

DIALOGVS PRIMVS

diximus effutisuit, nempe Vergerium uiolasse ius-
jurandum deo præstitum, mox fugit acōgressu, hoc
ne est respondere & confutare? cur non ostendit aut
Petrum reliquos Apostolos, aut ueteres Rom. Epi-
scopos reliquos totius Christiani orbis Episcopos
(ut de reliquis taceam) adegitte, ut iureiurando fidē
obstringerent, quod uellent eorum uasalli & man-
cipia esse? A T. Futilis est, ut dixi: Nam aut diffi-
mulare oportuit, aut si cōfiteri uolebat, se eum quoq;
libellum legisse, oportuit refellere & confutare quæ
cōtraria suo Idolo uidebantur (siquidem potuisset)
q; cum minus fecerit, non est dubium, quin cordati
uiri iudicaturisint, quod desperauerit, se posse cōfu-
tare. H I: Quin animaduerti istum Apostcopum, ad
eundē modum contrā Brētium egisse, recitat, n. eius
modo uerba, modo sententiam, s̄epissimē etiā per-
uersē et præpostere, quandoq; truncatē, Rhetoricaē,
Iudificat sophistica, & prestigīs, postq; autem uno
uerbo frigide respondit, atq; inepit & multo sepius
callide & insidiosē, mox solet abire, ut canis in Ægi-
pto, babit & fugit, Sed audi quid postremō loco de
Vergerio: Fuit (inquit) aliquando Vergerius in
Christi corpore, quomodo sunt humores mali in
humano corpore, qui cum euomunt, corpus releua-
tur, sic et iste, posteaq; exiuit, Christi corpus, Eccle-
sia, multum est releuata, gaudēdum, ut sit exiuisse ta-
lē, Hic puto ad hunc modum responsurum Verge-
rium, si fui malus humor in corpore uestrę Ecclesię,
multo

multò deteriores humores (ut tuo modo de uiris
doctissimis et p̄ijs loquar) fuerunt in eodē corpore,
tā multi ex omnibus partibus Europæ, qui suis scri-
ptis uestras Idolomanias, nostra ætate, uiriliter op-
pugnāt: Nam ex his neminem esse palam est, qui nō
fuerit aliquando in corpore uestre sinagogę, sed po-
tentī manu Dei inde abscessi, fuere in Christo inserti,
ut suauissimos fructus nunc ferāt. Quare uos uide-
ritis, an gaudēdum uobis sit exiūsse tales, et an corpus
uestre Ecclesiæ fuerit ob illā ueluti uomitionē (ut tu
dicis) releuatum, an uero longè amplior facta fue-
rit ægritudo, ut iam sit lætal is. Verum quicq; iacti-
tes Osio, puto te aliter scribere, quam sentias (ut s̄ap̄e
alioqui soles) maluisses, n. ut sub tua Babylone mā-
sissemus oēs, aut si reuerā lætaris, te esse omnium
mortaliū arrogantissimum, quis non uidet? Certe
plurimi affirmant, & credibile est, Papas cum suo sa-
tellitio non lētari, sed discretiari animo, q̄ tam mul-
ti exierimus, ut nunq̄ desit uarijs artibus ambire, ut
ad se redeamus, sed hinc licet æstimare, quanta sit tua
rabies, quod tibi ipsi minimē cōstes; hic enim dixisti
gaudendum esse, quod exierim, at alibi dicis, Ponti-
ficem incredibiles animi cruciatus perferre, dum se=
cum reputat quid nos moliamur, addiscq; nostrates
hoc tēpore multò grauissimam seruitutē uobis Pa-
pisticis Episcopis effecisse. A TH. Oportebat mē-
dacē esse memorem, sed hic apparet, Osium nō fuisse
memorē, qui dixerit gaudēdum esse exiūsse talem.

D ij HIL.

DIALOGVS PRIMVS.

HIL. Quòd si dices Osi, alios esse, non Vergeri-
um, propter quos Papa incredibiles animi cruciatus
perfert, & alios esse, non Vergerium, qui hoc tem-
pore seruitutem uestrorum Episcoporum multò
grauissimam effecerint, responderem, imo, te duo-
bus in locis disertissimis uerbis testatum reliquisse,
quòd Vergerius fuerit tibi causa, quamobrem hanc
molestiā & laborem scribendi nunc subieris. A TH.
Ego, si Vergerij loco essem, nihil essem solicitus
quid de me garriret Osius, imo letarer, & in laude
ponerem, quòd à tam magno Pharisœo atq; hipocri-
ta maledictis proscinderer. Sed cur putas hunc tam
acerbè & uirulenter agere, ut præ rabie non uideat
quid dicat, & sibi ipsi aduersetur? HIL. Ex innato
odio Euangeli, cui Vergerius seruit, ut periculum
faceret, an posset excutere è manibus serenissimi
Regis & reliquorum Polonorum Vergerij libros,
qui (ut ipsem Osius fatetur) libenter leguntur, ut
morem gereret Lippomano, à quo scit Vergerium,
utpotè Christianum, hominem summo odio haberi,
deniq; quia putauit se rem gratam facturum Domi-
nio Papæ, ab eo enim uenatur purpureum galerum,
Aposcopus ambitiosus, et nunc Romæ est, eius ue-
nationis gratia. A T. Fortasse nō ita acerbè perstrin-
git Brentium. HIL A. Imo multò magis, sed pro-
pinat se nihilominus deridendum, Ait enim Bren-
tium non aliunde constare, quām ex felle, & ideò
summam esse in eo amarulentiam, præterea uocat

illum

illum iocularem & leuissimum hominem, uocat pe-
tulantem & improbum, doctrinam eius plenam se-
ditionis & rebellionis, scurram, mimum, asotum,
satellitem Sathanæ, & quid non? A T H A . Hæc
conuicia in Brentium iactantur ab hoste piæ do-
ctrinæ, & (ut uno verbo omnia complectar) à Pa-
pista: Nam quod Brentius paulo liberius, præter
suam consuetudinem, in Asotum inuehitur, excita-
tus fuit rei indignitate & aduersarij impietate, Bel-
lum enim Brentio est, non cum amico ueræ Christi
ecclæsiae, sed cum impudentissimo propugnatore
Antichristi. Quæso autem te, unde isti Osio tanta
arrogantia & licentia: ubi tantos spiritus concepit?
HIL. Cardinalatur animus, quare decet eum arro-
gantiorem & truculentioresse. Adde, quod antè
biennium, aut triennium, Osius fuerit haud medio-
criter extimulatus à quoppam ex nostris fratribus,
ut non potuerit se continere, quin nunc, per occasio-
nem huius libri, concepta rabiem euomeret, & ulci-
siceretur suum dolorem. A T H . Quid? Scripsit ne
aliquis aduersus illum HIL. Scripsit. A T H . Quis
nam? HIL. Hieronimus Mencelius pastor ad S.
Nicol. Islebij, vir pius & eruditus, qui probè eum
depexuit, nulla habita ipsius mitræ, aut episcopalis
ordinis ratione, cùm uocarit eum maledicentissi-
mum impostorem, improbum, uanum, conuictato-
rem, criminatorem, uirulentum, mendacem, uene-
natum, ad ueritatis prædicationem surdum, impu-

Dij dentem,

DIALOGVS PRIMVS.

dentem, Sycophātam, Nequissimum Dei hostem,
Insidiosum, Astutum, Ambitiosum, Garrulum, qui
nihil habeat, præter inanem strepitum uerborum,
Lupum immanem, PseudoEpiscopum, Tyrañum,
suis in summa coloribus pinxit hominem, atq; id in
sola ad eò dedicatoria, ad Illustrissimum Radziuil-
lum, epistola, præfatione c; Titulus libri est. Re-
sponsio ad calumnias Osij, in quibus tum Elbingē-
ses, tum omnes alios, qui Augustanæ Confessionis
doctrinam amplectuntur non solum schismatis, sed
defectionis ab Ecclesia & Heræeos accusat. HIL.
Cœpit ergo innotescere Ecclesij noster Osius: ne-
sciebam. A T H A. Cœpit quidem, uerum innote-
scet magis atq; magis, non multò post, incedet q;
clarioribus titulis atq; elogijs exornatus, aut certe
in clarioribus locis. Verum dic mihi Hilari, quām
probas tu, ut nostri paulo seuerius aliquando exci-
piant istos Osios: sunt enim qui non probent,
quod ad hunc modum arguantur, atq; increpen-
tur. HIL A. Paulus aliter sentit, cum Timothe-
um monet, ut arguat, increpetq; eos, qui sanam do-
ctrinam non sustinent, qui à ueritate aures auer-
tunt, quanto ergo magis, si eam acerbissimè & tru-
culentissimè insectentur, ut facit Osor: Deinde,
si licet, ut cerè licet, excutere, aut extorquere gla-
dium è manu furiosi, licet quoq; exuere omni exi-
stimatione, conculcareq; tales Apostkopos cala-
mo

mo furentes, Cur parceremus? cur non grauiſſe
mē obiurgaremus eum, quem uidemus tot horri-
bilia mendacia, totq; criminatōnes iactare in spon-
sam Christi, atq; in filios Dei, nostros fratres, ut eos
in odium atq; in inuidiam omnium adducat, prin-
cipum præsertim, qui postea de nostris Ecclesijs du-
rius statuere cogitent. Quare censeo non esse par-
cendum istis furiosis atq; blasphemis, imo uix ha-
bere cordi gloriam Dei eum, qui parcendum exi-
stimat, præsertim, cum prius fuerint moniti atq;
obiurgati, nec tamen desistant, imo indies uehemē-
tius nos urgeat, ut facit præfractissimus Osius atq;
incorrigibilis. Sed audi diligenter id, quod nunc
dicam, quod me mirum in modum commouit, &
tibi quoq; haud dubie stomachum mouebit, sta-
tim initio operis (absolui enim quæ ad præfati-
onem pertinent) sic orditur. Fuisse antè XL an-
nos Christianum orbem in summa pace & consen-
sione, ut dici de eo potuerit, quod in Genesi scri-
ptum legimus, erat terra labij unius & sermo-
num eorundem, quodq; scribitur in actis Apo-
stolorum de his, qui primum in Christum crede-
re cæperunt, multitudinis credentium erat cor-
unum, & anima una, omnes Christum vnanī-
miter professos fuisse, in hoc solo gloriatos &
nullum potuisse sibi nomen dari glorioſius exi-
stimas. A T H A N A S I V S . Bone
D i i s j . Deus

DIALOGVS PRIMVS.

Deus, quid audio, ita ne Osius ante XL annos in
Papatu, omnes Christum fuisse professos: HILA.
Omnino ita, ne dubites, in prima adeo pagina, hoc
principium dedit adueniens, Audi etiam quid subi-
ciat, Homines fuisse rectos & simplices, qui non in
contentione sermonis, sed in simplicitate fidei reg-
num Dei esse crederent, nec aliud scirent Euange-
lium (audi Athanasi, audi) nisi quod à Christi spi-
ritu profectum, de Christo, per Christi discipulos,
scriptum esset. ATH. Dicerem hominem delira-
re, sed uocabulum deliri mihi non uidetur sufficere
ad exprimendam rei indignitatem & absurditatem,
Vix in summa credidisse, inter eos, qui uolunt pro-
doctis haberi, esse aliquem tanta leuitate & uanitate,
nisi forte sit astutia & malitia, qua uoluerit serenissi-
mo Regi imponere, deinde etiam alijs, qui paulo in-
cautius legissent, ut uero ab his, quæ adduxisti, po-
stremis uerbis incipiam, Falsissimum est, ita, ut falsi-
us nihil unquam scriptum, auditum, aut cogitatum
fuerit, quod scilicet ante XL annos homines nul-
lum aliud Euangelium sciuerint, nisi quod à Christi
spiritu profectum, de Christo, per Christi discipulos
fuisset scriptum: Nam tale Euangelium iacebat om-
nino neglectum, nec in scholis, nec in Ecclesijs,
multo minus in priuatis ædibus sonabat, Quid di-
co iacuisse neglectum? Conculcatum erat contume-
liose Paparum & suarum creaturarum pedibus, ob-
rutumq; magnis ceu montibus traditionum & nu-
garum

garum humanarum superstitionum, Idolomania=rum & blasphemiarum, Quid aliud, nisi hoc, que=runtur nostri, totos hosce X L annos: cur tantum in scholis, tantum in Ecclesijs uiuis uocibus & scri=ptis laborant: imo cur plurimi passi sunt, sibi sang=uinem & uitam eripi, nisi quia non potuerunt sibi temperare, quin Papas grauissime accusarent, quod uiderent eos proiecisse ex Ecclesijs & conculcasse pedibus (ut dixi) Illud Euangelium, quod a Christi spiritu profectum, de Christo, per Christi discipu=los scriptum est: H I L. Quid si iste Osor ueritatis forte sibi persuaderet (ut vulgus Papistarum solet) quod Christus suo ore instituerit mandaritque ser=uanda ea prorsus omnia, quae in Paparum templis hodiè cernuntur atque audiuntur: A T H. Non est tam rudis, aut cæcus, qui si Euangelia in manum sumpserit, non uideat, quanta fuerit grauitas, quan=ta maiestas Ecclesiæ a filio Dei institutæ, et uicissim, eum, qui sit in Papistarum templis cultum & agen=di modum, esse inanem fucum, & tenuem quandam umbram religionis, omnia autem a Christo institu=ta, fuisse inuersa & corrupta ridiculis additionibus falsisque interpretationibus, non ergo sibi persuadet quod tu putas, sed haud dubiè malus Osor, prudens & sciens, uoluit imponere (ut prius dixi) Serenissimo Regi suo & quibuscumque posset, atque illud le=ctorum animis instillare, quod Papisticæ Ecclesiæ non aliud seruent Euangelium, quam quod a Chri=

E sti spi-

DIALOGVS PRIMVS.

sti Spiritu profectum, de Christo, per Christi disci-
pulos scriptum fuit, & quod nos simus hi, qui tale
Euāgelium detestemur, uelimusq; obtrudere quin-
tum, nescio quod, Euāgelium. At nos reuerā susci-
pimus & reuerenter exosculamur istam propositi-
onem, diuinam prorsus, (libenter eam repeato, quia
summopere mihi placet) Non esse scilicet audien-
dum ullum Euāgelium, nisi quod à Christi spiritu
profectum, de Christo, per discipulos Christi scrip-
tum est, imo nullo alio telo contrā Papistas utimur,
quām hoc, & nullo alio, quām hoc, maior uastitas
facta est in toto Papatu. At iste malus Osor præcla-
rum iſtud axioma pro se nunc arripit inepte & im-
pudenter, aut subdole & malicioſe potius. HIL A.
Sed aliud in his, quæ recitaui, uerbis annotaui, ait
antè XL annos fuisse homines simplices, qui non
in contenrione sermonis, sed in simplicitate fidei re-
gnū esse Dei cederent. Ego nihil dubito, quin
Osij sit sententia, prorsus nihil referre, si homines
ignorent, quid Christus reuera, & quid Aposto-
li docuerint, prorsusq; nesciant reddere eorum
fidei rationem, sed satis esse, si responderint, se
credere uera esse omnia, quæ à sacrificulis indi-
ces iubentur, nec sint solliciti, nec quærant ampli-
us, ubi hoc dixerint, quicquid illi iubeant, siue
rectum, siue prauum: Nam tales erant, qui ab Osio
laudantur, & antè XL annos uixerunt, non e mil-
ibus, neq; decē millibus unum inueniſſes, qui po-
tuſſet.

euisset ullam prorsus suæ fidei rationem reddere, hanc noster Osor simplicitatem fidei uocat, hanc laudat, hanc cupit reuocatam: Nam, in talibus tenebris, tyrannis commodius ab Rasis & unctis exercetur, Cum autem uerbo FIDEI utatur, non est dubium, quin intelligat historicam fidem, non uiuam illam, non Spiritum Dei & Aram, qua salui sumus: Nam hanc ignorat animalis Osius. Sed aliud audi, ille ait, fuisse ante XL annos summam pacem & consensionem in omnibus Paparum Ecclesijs, ita, ut impudentissime illas audeat cum Apostolorum Ecclesia conferre, quo nihil potest dici, excogitari ue magis ridiculum & blasphemum: Nam consensio inter eos nunquam fuit minor, quam florente Papatu: Nunquam enim magis rixati digladiati sunt monachi, in tam uarijs sectis dissecti, certe non paucioribus centum, & alii quidam Theologastri, in omnibus templis & in omnibus scholis, in quibus nihil audierat praeter quæstiunculas & nugamenta sophistica, quibus ueram Theologiam sedissimè inuolerant atque discerpserant, Quid multis: usque ad eo inualuerat ista pestis, ut in eo, cuius superius meminimus de emendanda Ecclesia libello, actum fuerit de ea, ex ipso Papatu, in quo erat nata & regnabat, ut eiānum regnat, tollenda, atque ut prorsus uarentur ab Episcopis rixosæ disputationes de rebus theologicis. Vellemus quidem eas nunquam fuisse literis mandatas: quia sunt, procul dubio, ho-

E ñ stes

DIALOGVS PRIMVS.

stes capitales doctrinæ filij Dei, sed tamen, quando= quidem sunt scriptæ, lætamur extare tales libros, quibus conuinci & confundi possint isti Osores, quos minimè pudet spargere, Ecclesiæ, quæ fuerunt ante XL annos, fuisse similes Ecclesiæ Apostolo= rum, suāmīcē in illis fuisse consensionem. A TH. Reuera qui legisset librum Osij, necq; fuisse saltem mediocriter, in his materijs exercitatus, haud diffi= culter potuisset seduci, & putare Romanam Ecclesi= am habere bonam causam, nos uero pessimam, hanc laudem Osio tribuamus, ita est à Sathana edoctus HIL. Non est dubium, quibusdam enim uerbo= rum præstigijs, ita solet aliquando lectorum oculis fumum offundere, ut uix possint discernere uerum ab apparente, saltem infirmiores A TH. Ante om= nia optarim, ut quicunq; is demum siue Brentius, siue Vergerius, siue alius fuerit, qui prouintiam re= spondendi isti uenenato libro suscepit, diligenter curet, ut bene diluat quod isti Osores & Staphyli tanta lætitia & exultatione nobis exprobrant, de quibusdam dissensionibus, quæ sint inter nostrates, quod uideo nullo negotio posse fieri, Certe si prop= terea nostra doctrina non est dicenda uera & genu= ina filij Dei doctrina, quia nos, in hoc renascentis E= uangelij initio, statim post tam densas tenebras & tam magnas difficultates, sumus adhuc in aliquo ar= ticulo dissentientes, neq; ea, quam profitebantur A= postoli genuina filij Dei doctrina erit dicenda; Nam

eo tempore quoque extiterunt, etiam inter ipsos met Apostolos, dissensiones & altercationes, nimisrum inter Paulum & Barnabam, inter Petrum & Paulum, atque inter alios quoque, ut opus fuerit Concilium congregare, statim in illa primitiua, tanta diuini Spiritus luce referta, quanta nulla unquam Ecclesia fuit. **HIL.** Dicam tibi Athanasi similitudinem, qua soleo uti, si quando incido in Papistas, qui me, propter nostrorum dissensiones, diuexert (ut solent, cum aliud uix habeant, quod nobis obijciant) & audiam quid tu sentias. Quispam succidit ingentem syluam radices extirpauit, terram subegit aratro saepius & benè comminuit, mox optimum semen in ea proiecit, quod enatum est fœliciter, creuit & ematuerit, uerum quidu una cum frumento enata est Zizania (ut fit præsertim si fuerint noualia) quæ potest quidem euelli & à frumento segregari, sed studio & labore opus est. Nunc quæro an laudandus sit, qui bonos agros illic, ubi erat sylua, magnis laboribus & eruminis, fecerit, bonumque frumentum seminarit, an uero uituperandus: quia uidetur fuisse origo & causa, ut Zizania enata fuerit, quam tamen omni studio curat a frumento segregare & seorsum absumere? **A TH.** Est facilis responsio. Nam quis non uidet, summe esse laudandum qui hoc fecerit? **HILA.** Ergo sumus laude, non uituperatione digni, cum superstitionum, idolomaniarum & blasphemiarum, quæ in nostris Ecclesijs creuerat syl-

E iij uam,

DIALOGVS PRIMVS.

nam, adiuti à Deo & patre D. N. Iesu Christi, securi
uerbi sui, succiderimus, extirpauerimusqz, purum
autem Euangelium ibidem seminauerimus. Quod
si aliquæ malæ doctrinæ, in peruersis quorundam
mentibus, interea enatæ sunt, non sumus uitupe=
randi. Quæ, malum, est ista calumnia : quasi, ut istæ
nascerentur de industria laborauerimus quod non
pudet malignos Osios & Staphylos nobis expro=brare ac non potius laborauerimus, ut illustraretur
gloria Dei, quam etiam ob causam dies noctesqz
cogitamus, qua ratione possimus illas malas doctri=nas & uere Zizania euellere, nec desperamus suc=cessorum id nobis, scimus Dominum uelle, ut euel=lantur propediem. A TH. Faciunt luculentam iniuriam Euangeli Filij Dei, non solum nobis isti,
qui aiunt sectas, aut haereses a nobis esse profectas.

HIL. Atqui hæc est perpetua Osij Cantilena, nunquā ab hac desistit, ut neqz Staphylus. A TH. Vis dicam unde sint sectæ & haereses : à Papa & à suis
clientibus satellitibusqz: Nam, cùm is sua tyrannide
impedit, ne autoritate principum & magistratus
possit fieri ubiqz Ecclesiarum, ad normam Euange=lii reformatio, populi autem interea esuriant bonum
uerbum Dei, multi incident in clancularios præce=ptores, a quibus malam (proh dolor) doctrinam
hauriunt: Nam uidere licet eas prouintias, ubi au=toritate principis & magistratus, est constituta re=ligio

ligio, hic haud fermè inuenias sectarios, aut per paucos & eos ualde occultos inuenias, in ditionibus uero papisticis, haud dubie plures. Cum enim non habeant publica autoritate Ecclesiam constitutam, pariunt sibi sectas in angulis, maximo nostro cum dolore, ut nemo sit, qui se illis magis obficiat, quam nos. Sed (ut tu dixisti) speramus fore, ut Pater cœlestis sit, per Spiritum sanctum, indicatus rationem atque uiam, qua possint tolli, atque una dissensiones componi, Sciat autem Osius hoc multo citius futurum, quam ipse vellet: Nam ipse in primis, pro suo amarissimo in renascentes Ecclesiis Christi zelo, palam laetatur atque exultat, quod sectas & dissensiones alicubi videat. Potuimus, per Dei gratiam, quod omnium maximum, difficillimum, atque impossibile videbatur, hoc est, auellere nos & extricare a tyrannide & unguibus Paparum. Quare nihil metuendum, quin, per eandem gratiam, possimus deinceps quæ minora sunt confiscere, iacta sunt enim bona fundamenta, imo bona pars fabricæ est superædificata, principium autem (si modò principium tantum habemus) plus esse, quam dimidium totius, omnes norunt. HILA RIVS. Redeo ad pauca illa verba, quæ ex initio Osiani libri recitaui, Obserua obsecro, quam pudendum & quam

DIALOGVS PRIMVS

quam enorme mendacium hic quoque effutiat. Ait. n.
quod ante XL annos omnes unanimiter Christum
profitebantur & in solo Christo gloriabantur, quo
nomine nullum sibi dari posse nomine gloriosius exi-
stimabant. A T H. Ut nihil istos pudet tam falsa
spargere, quam fidelis putandus erit Osor, in reli-
quis rebus recitandis, si hic in tam aperto mendacio
deprehenditur. HIL. Utinam id fuisset, quod re-
citat, ante scilicet XL annos, omnes unanimiter
Christum fuisse professos, omnes in solo Christo
gloriatos, quo nomine nullum sibi posse dari no-
men gloriosius existimasse. Hoc si fuisset, Ecclesia
Christi staret meliore loco, & nos tot labores non
exemplaremus, non tantæ inuidiae, tanto odio, &
tantis periculis capita nostra obijceremus, ut Chri-
stus, qui fuerat obliuioni cum ea doctrina, quam at-
tulit e sinu patris traditus, in memoriam, & ueluti
postliminio, reuocaretur. Diximus supra, istum O-
sorem esse deteriorem Papis, deteriorem Cardinali-
bus & reliquis hominibus sui ordinis, atque ita est
profecto, illi enim uerecundius uidentur hanc cau-
sam agere, & non usque adeo omnem pudorem fron-
temque abiecisse, certe iustificantur ab isto nonnihil,
illi enim in eo, quem diximus de emendanda Eccl-
esia libello sic aiunt. Te uero speramus electum (a-
gunt cum Paulo ij. ut nomen Christi iam OBLI-
TVM à gentibus & à nobis Clericis restituas in
cordibus & in operibus nostris, ægritudines sanes,
oues

oues Christi in unum ouile reducas , amoueasq; à nobis iram Dei, & ultionem eam , quam meremur iam paratam , iam ceruicibus nostris imminentem . Papa ergo cum delectis quibusdam Cardinalibus & Episcopis, disertissimis uerbis atq; ingenuè fateatur sibi imminere ultionem Dei , propterea quod Christum obliuioni tradiderit , neq; in operibus , neq; in cordibus illum amplius haberet . Legati etiā Concilij Tridentini , quorum duo fuerunt Papæ Montanus & Cruceius (tu quoq; eorum paulò ante meministi) ad hunc modum sunt contestati . Merito de nobis dicitur quod Propheta , in persona Dei , ueterem populum accusat dicens , Duo mala fecit populus hic , dereliquerunt fontem aquæ uiuæ , & foderunt sibi cisternas non ualentes continere aquas . Deinde subdunt : Sacerdotes contempserunt legem meam & polluerunt sanctuaria mea , inter sacrum & prophanum non habuerunt distantiam . Principes in medio , quasi lupi rapientes prædam , ad effundendum sanguinem , ad perdēdas animas , ad auare sestända lucra . Hæc ille , quæ utinam ad illa solum tempora pertinerent , ac non nostri quoq; temporis imaginem referrent . Hactenus Legati in eorum admonitione , quæ palam extat in tertio conciliorum tomo , & uolui hic aliquantò fusius , quam tu feceris , eorum uerba recitare , cum maxime ad rem faciant . Quem uero appellant fontem aquæ uiuæ , nisi Christum , qui seipsum eo F nomine

DIALOGVS PRIMVS.

nominē appellavit: quas cisternas dissipatas appelleant, quæ non possunt continere aquam, nisi abusus, superstitiones & Traditiones humanas, quæ non conueniunt cum uerbo Dei: Quare ingenuè saltem retegunt sua vulnera, licet minimè sanauerint, ac ne ullam quidem unquam medicinam fecerint, At Osius reclamat, non est ita, inquiens, uos enim dicitis Christi nomē esse uobis oblitum, quem etiam deserueritis uosq; contemptisse & polluisse eius doctrinam & legem, conuersos autem ad ea, quæ minimè possunt cum illius doctrina consistere. At falsum dicitis: Nam Christum constantissimè retinetis, in solo Christo gloriamini, ut optimi Christiani sitis. A TH. Omnipotē magna est Osij impudentia, quam crediderim ipsissimē Papis & Cardinalibus, ut potè non usq; adeò imprudentibus & rabiosis, nauseam allaturam. HIL. Quām uero id falsum, quod, ante XL annos, omnes fuerint in solo Christo gloriatos: Nam eò uentum erat, ut Christus non fuerit agnitus (ut dici solet) inter alios sanctos, imo nullus fuit sanctulus, qui non pluris fieret, quam Christus: Nam Christus nunquam ascisceretur pro patrono, aut tutelari Deo oppidorum et ciuitatum, Christo rarissimè dicabantur tempora, aut altaria, sed sancti erant tutelares, sanctis dicabantur tempora & altaria, & non modò his sanctis, quorum uita & mores fuissent comperti, sed sanctis nescio quibus fictitijs, quos nemo potuit dicere

cere, quid fecerint, aut ubi terrarum uixerint. In his ergò gloriabantur anni XL annos homines, non in Christo, ut mentitur Osor. Alia consimili impositione utitur, ubi Serenissimum Regem suum monet, ut cunctos populos sibi subiectos in ea religione uersari iubeat, quam Petrus Apostolus tradidit Romanis, quasi nos ab huius diuini Apostoli doctrina & religione abhorreamus. A T H. Atqui ego puto, si inclyta Polonia deberet in ea religione, aut doctrina uersari, quam Petrus Apostolus tradidit Romanis, eam in nulla forte religione uersaturam: Nam Petrus Apostolus nullam fortassis tradidit Romanis, cum (iuxta quorundam sententiam) Romę nunquam fuerit. At obserua uerbum TRADIDIT, cum enim unica illa epistola, quam scripsit Petrus (altera enim nō putatur eius esse, nec tamen eam reiçimus) pauca omnino religionis capita complexus fuerit, isti Osores poetice fingunt, Petrum, ut etiam alios Apostolos, multa constituisse, quæ ab ipsis Apostolis, non fuerunt literis manda ta, atq; has esse, quas Traditiones appellant, ego superius dixi esse Quintum eorum Euangelium, sed, nos una cum Euangeliō, quod à Spiritu Christi profectum, de Christo, per discipulos Christi, scriptum est reuerenter suscipimus eam, quæ uerè est Petri doctrinam, in eius scriptis comprehensam, ut semper magis atq; magis in ea opinione confirmer, quod iste Osor non aliud in animo habuerit, quam,

F. ñ ut

DIALOGVS PRIMVS

ut Sereniss. Regem decip eret abduceretq; quam longissimè ipsius animum à nostratisbus, ac propterea dixisse, suos Papas, nullum aliud Euangelium amplecti, quam quod à spiritu Christi profectum, de Christo, per discipulos Christi, scriptum sit, & nunc addidisse, Regem debere imperare, ne quis aliam doctrinam doceat, præter eam, quam Petrus Apostolus docuit, quasi nos aliud Euangelium uelimus, quam quod à spiritu Christi profectum (quod saepe libenter repeto) de Christo, per discipulos Christi, scriptum est, & aliam, quam Petri doctrinam. HIL. obseruauia alium item locum, in quo Oſor idem agit nititurq; Serenissimo Regi persuadere, nos minimè acquiescere Petri doctrinæ. Sed longè dissentire ab eo, quod Petrus, imo etiam ab eo, quod Paulus docuit A T H. O mendacissimum. Osium, si hoc dicit. HIL. Videamus num dicat, Recitat hæc uerba Hieronymi. Quisquis es assertor nouorum dogmatum; quæſo te, ut parcas Romanis auribus, parcas fidei, quæ Apostolico ore laudata est. Cur post quadringentos annos docere nos niteris, quod anteā nesciuimus? Cur profers in medium, quod Petrus & Paulus edere noluerunt? Vsc; ad hunc diem sine ista doctrina mundus Christianus fuit. Illam senex tenebo fidem, in qua puer natus sum. Quis autem non uidet reprehendi hic à Hieronymo assertorem quendam nouorum dogmatum, quæ necq; Petrus, necq; Paulus agnouerant, unde:

unde necesse est, ea fuisse æthnica, aut ex eo genere,
 quod Christus apud Iudeos suo sanguine induxit
 atq; obliterauit, atq; idcirco dixisse Hieronymum, se
 velle in senectute tenere eam doctrinam, in qua na-
 tus fuisset: quia statim ab incunabulis eam hauserat,
 quam Christus & eius Apostoli docuerat, nondum
 scilicet ita conspurcatam & corruptam, ut nunc est.
 Sed audi quid deinde Osius, & quam misere tor-
 queat verba Hieronymi. Quid tibi videtur Brentius?
 An non eiusdem verbis recte nos uti contrà vos
 possemus? Cur post mille quadringentos annos do-
 cere nos conanimi, quod anteā nesciuimus? Cur
 profertis in medium, quod neq; Petrus, neq; Pau-
 lus, neq; quisquam legitimus eorum successor ede-
 re voluit? Vsc; ad hunc diem, sinè ista doctrina ve-
 stra, mundus Christianus fuit, illam adultifidem te-
 nebimus, in qua pueri natissimus, Sine Athanasi, ut
 ista verba discutiā, Primum ait, cur post mille qua-
 dringentos annos docere nos conanimi quod ante
 nesciuimus? Sic solet vulgus in Papatu (ut suprà at-
 tigi) putat enim filium Dei D. N. Iesum Christum
 ea omnia instituisse, quæ nunc in papisticis Ecclesiis
 audiuntur & videntur, nos autem nouam quandā
 & nunquam prius auditam doctrinam concinnare,
 atq; hic est quod toto pectore abhorret a nobis,
 Osius ergo nititur hunc crassum vulgi errorem ob-
 trudere (si posset) Serenissimo Poloniæ Regi. Atq;
 illud in primis olsacio, hic velle suam papisticam

DIALOGVS PRIMVS.

Missam dexterè insinuare, quasi ea antè mille quadringentos, aut quingentos annos fuerit, statim in primitiua Ecclesia, ad eam formam, qua nunc cernitur, instituta: Nam & alibi obseruauit, eum ad hunc modum scripsisse. Nos quidem neç moribus, neç cæremonijs alijs utimur, quoties tremendum Deo sacrificium offerimus, quām quibus usi sunt sancti Patres nostri, iam indē à mille quingentis annis, Quamuis enim successu temporis accesserit precum nonnihil, & pleraç ad decorum addita sint, & ad excitandos homines ad deuotionem, de re tamen ipsa nihil est mutatum. A TH. Proh, quot & quām grauia mendacia uideo, in his tam paucis uerbis, Quis enim iam nescit, nō fuisse in usu Patribus nostris iam millibus quingentis annis, istas missarum nundinationes, ut neç multiplices atç in eptas istas cæremonias, quib. nunc utuntur in Papatu sacrificuli missificatæ, sed successu temporis fuisse sine iudicio, nō modò sine spiritu Dei consarcinatas, extant boni libelli hac de re Valentini Fanij, atç aliorum, ibi querat qui uelit et inueniet quo tempore, & à quibus Papis fuerint factæ illæ tam multæ tamç blasphemæ accessiones, Deinde, quod Osius ait, nihil esse mutatum ex prima institutione cœnæ dominice, ita falsum est, ut nihil possit esse falsius: Nam retinent quidem Papistæ pauca illa uerba, quib. Christus in cœna usus est, sed præpostere intellecta, sed præpostere pronunciata, sed contrâ mentem & sensum

sum Christi, sexcētis modis, detorta atq; usurpata, ut si Apostoli reuiuiscerent, essent haud dubie magna cum indignatione, exclamaturi, Qualis haec laruae quale monstrum: quantæ & quām horrendæ hic idolomanæ atq; blasphemie in unum aceruum con- gestæ: HIL. Sinamus, ut, qui Osio respondēdi pro- uinciam sumpserit, hanc partem, quæ ad missam atti- net, exagitet, si uidebitur, Sequar ego in expenden- dis uerbis, quæ ex ipso recitaram.

Cur profers in medium quod neq; Petrus, neq; Paulus, neq; quisquam legitimus eorum successor edere uoluit: Osius ad uerba Hieronymi hic addi- dit de suo, neq; quisquam legitimus eorum succe- sor, ut designaret Papas & Episcopos, sed nos isto- rum, si doctrinam Petri & Pauli conculcant, ut cer- tè conculcant horribiliter et sæpiissimè, nullam pror- fusi rationem habendam censemus, habeant carnales Papistæ quantam uoluerint, quod uero diuini A- postoli Petrus & Paulus docuerunt, id reuerenter suscipimus & reueremur, ut turpissimè mentiatur Osor, qui fecus de nobis spargit. Sequitur adhuc, usq; ad hunc diem sine ista doctrina uestra mundus Christianus fuit. Nomine duntaxat Christianus & titulotenus aliquandiu fuit, non re ipsa: quia genuinam Christi doctrinam mundus proiecerat, & pro ea, merum Pharisaismum & Papismum suscepserat, Postremò concludit Osius: Illam adul- ti fidem tenebimus, in qua pueri educati sumus.

Tenete

DIALOGVS PRIMVS.

Tenete uestro magno malo quicunq; sentitis cum
Osio, nati estis in foedissimis tenebris, odistis solem
a Deo missum Euangelij, & ne uobis elucescat ocu-
los auertitis, quin affirmatis, illum tenebras esse, &
Sathanismum, quo circà dignissimi estis, qui mox
ruatis præcipites in ignem æternum, qui paratus
est Osio & sequacibus eius, nisi crediderint Euange-
lio & pœnitentiam egerint. A T H. Quam imprau-
dens est illud quoq; quod moneat consenescendum
in ea fide, in qua quis natus est. Est perpetua uox
crassiorum papistarum, & non aliud Hebrei, non
alid Turcæ solent adducere. Sed quod ad Hierony-
mi, quæ recitasti, uerba attinet, ego Osio ad hunc
modum responderem. Cum nos reprehendamus
præsentem & eum, qui ante aliquot annos fuit, sta-
tum Ecclesiæ, quæ Romæ est, quanta est isthæc tua
ineptia Osi, qui uicissim obijcis autoritatem Hiero-
nymi, quod a puritate doctrinæ eā Ecclesiam lauda-
rit, quæ ante mille & amplius annos Romæ fuit:
quasi uero ea fuerit consimilis isti Romanæ, quæ
nunc est, plena superstitionibus, plena idolomanis
crassissimis foedissimisq; postea inuectis, quas si Hiero-
nymus posset uidere, nō dubitamus, quin multo
acrius uos esset excepturus, quam nos faciamus.
H I L. Animaduerti hoc esse Osio peculiare, saepi-
sime ad hunc modum ineptit, adducit enim alicubi
Cypriani autoritatem, qui, millibus ducentis ab
hinc annis, scripsiterit, solam esse Romanam Ecclesi-
am,

am, ad quam nunquam accessum habuit perfidia.
Vnde Osios sic uidetur ratiocinari. Ergo nec po-
stea ulla falsa doctrina ad Rom. Ecclesiam accessum
habuit, Quid uero stultius, quam ad hunc modum
colligere? Quocircà dicam ego de Cypriano, quod
tu nunc de Hieronymo dixisti, si Cyprianus posset
intueri statum Ecclesiæ, quæ nunc Romæ est &
fuit ante multos annos, Deum immortalem, quam
excandesceret, quam acueret stilum aduersus eam,
& peculiariter contrà Osium, Non te pudet (dice-
ret) abuti meis uerbis ad conciliandam autoritatem
isti Rom. Ecclesiæ, quæ tam turpiter degenerauit,
ut nihil minus sit, quam Apostolica. Volo alium
adhuc locum addere, in quo Osios idem repetit atq;
iterum strenuissimè mentitur, nos scilicet in religi-
one, quam Petrus docuit, minimè uersari, imo nihil
esse apud nos ea execrabilius. A TH. Iesu, utitur ne-
tam duro uerbo: ait ne EXECRA RI nos Petri
Apostoli doctrinam: HIL. Ait, audi modo. Cum
Papistæ Catholicam doctrinam & religionem re-
uera proiecerint concularintq; nomen saltem Ca-
tholicorum nituntur mordicus retinere. Quare A-
sotus adduxerat. I. cunctos, cod. de summa Trini-
tate, in qua Theodosius Imperator, cum eo tempo-
re coortæ fuissent contentiones de Triade, iubet su-
os subditos agnoscere eam fidem & doctrinam,
quam Petrus Apostolus docuit, & quam sequun-
tur Damasus Romæ, & Petrus Alexandriæ Epi-
G scopus,

DIALOGVS PRIMVS.

scopus, quod scilicet una sit Patris, Filij & Spiritus
sancti, sub pari maiestate et sub pia Trinitate Deitas;
Deinde addit Imperator, Hanc legem sequentes
Christianorum Catholicorum nomine iubemus am-
plecti, reliquos dementes, uesanoscere iudicantes
haeretici dogmatis infamiam sustinere. A T H.
Quid uult fortassis Asotus, aut Osius nos auto-
ritate huius legis inter haereticos proiecere, & re-
censere? H I L. Maximè, an non nosti? A T H.
Indoctissimè, iniustissimè: Nos enim secundum
Apostolicam disciplinam, euangelicamq; doctrinam
nā Patris, Filij & Spiritus sancti unā Deitatem sub-
pari maiestate & sub pia Trinitate credimus. (sunt
uerba legis) quemadmodum Damasus Episcopus
Romanus, & Petrus Alexandrinus Episcopus cre-
diderunt, in hoc ab illis minimè dissentimus. Non
ergo possumus esse Theodosio Imperatori haereti-
ci, cum eos demum Haereticos esse pronunciet, qui
secus de Trinitate sentiunt, quam illi duo Episcopi
senserint. H I L. Recte, audi Brentium, qui idem re-
spondit quod tu, sed cogor eius uerba recitare, quo-
melius queas absurdam Osi responseionem intelli-
gere. Non uidet pre animi sui impotentia, quid pro-
se, quid contra se dicat. Primum enim Petrus Apo-
stolus ueram & rectam docuit religionem, ac Da-
masus Romanus & Petrus Alexandrinus rectam.
fidem de Triade (de hac enim tum præcipue ageba-
tur) sequuti sunt. Nos autem nunc loquimur de
Pontifi-

Pontificibus & Episcopis, qui docent & sequuntur
impiam religionem; et tantum abest, ut vera de pie-
tate doctrinam agnoscant: vt etiam eam ferro, ig-
ne, laqueis persequantur, vult' ne Asotus, vt etiam
tales sequamur magistros & sacerdotes? Det no-
bis Petros Apostolos, det nobis Damasos Ro-
manos, & Petros Alexandrinos, qui veram &
sinceram Apostoli Petri doctrinam sequantur, &
habebit pios principes, non auditores tantum, sed
etiam adiutores. A T H A. Recte Brentius: nam,
quicquid in alijs articulis Damasus & Petrus A-
lexandrinus senserit (sat scimus in plerisque alijs
male sensisse) de Trinitate recte sensit. At quid
hic Osius? HIL. Quid nugatus fuerit de Da-
maso & de Petro Alexandrino, haud dubie di-
cturus est vel Brentius vel Vergerius, cum Osio
responderit: nam quædam valde calumniosa &
inepta, magna quadam insolentia & iactatione,
concessit. Et tandem inquit, si credis Damasum
recte sensisse, cur ergo Papatum impugnas Bren-
ti? cur missam? cur consecrationem virginum?
cur erectionem altaris? cur vunctionem sacratio-
nemque? cur Ecclesiæ dedicationem? cur Chrisma-
tis confectionem? nam omnia hæc Damasus de-
fendit. A T H A. Atqui non video Brentium di-
xisse, quod Damaso per omnia subscribat. HILA.
Nihil minus, sed tantum dixit, eum de Triade re-
cte sensisse. Sed veterator osius mirè cauillatur,

G ij hoc

DIALOGVS PRIMVS.

hoc præcipue in loco. At de his sinam , vt alij suo tempore, nunc ego tantum de Petro Apostolo pergam dicere, En Oſi verba: Docetis, quādoquidem Christus pro peccatis nostris semel satisfecit, nulla deinceps opus esse satisfactione, atquī non ita Petrus Alexandrinus, nō ita, quem ille Ducem sequens est Petrus Apostolus: Christus , inquit, passus est pro nobis, vobis relinquens exemplum , ut sequamini vestigia eius . Vide quām ridiculē & stulte Oſius velit probare, nos debere pro peccatis satisfacere, quia, inquit, Petrus dixit, Christum cūm passus fuerit pro nobis, reliquisse nobis exemplum, vt nos quoq; pro nostris peccatis patiamur. A T H A. Proh quid audio, O egregium Theologum, Ergo esset nobis moriendum pro peccatis nostris, quia Christus pro peccatis nostris est mortuus. HIL A. Probè intelligis, sensus verò verborum Petri est, quod sit nobis patienter ferendum, si, præter meritum, sumus aliqua iniuria affecti, idq; exēplo Christi, qui cūm conuitijs incesseretur, non regessit conuitia, cūm malis afficeretur, non minabatur, sed rem iustè iudicaturo committebat. Vide præcedentia: nullum enim dubium esse potest, quin hicsit sensus. Cūm vero nos reprehendat Oſius, quod doceamus, nulla esse opus satisfactione nostra, audi quid Petrus statim subiungat, & hunc quoq; reprehendat, si nos reprehendit. Qui peccata nostra ipse pertulit in corpore suo super patibulum, cuius uibice

vos.

vos estis sanati . An non hic locus iugulat Osium ,
qui exigit nostras satisfactiones pro peccatis , quasi
Christus non pertulerit peccata nostra in corpore
suo , quasi frustram mortuus sit : A T H . Responderet ,
Christum peccata nostra pertulisse quidem in cor-
pore suo , sed quo ad culpam tantum : quare reli-
quum esse , ut nos patiamur quoq; in nostro corpo-
re , aut in nostro marsupio satisfaciamus q; quo ad
poenam . H I L . Eat in malam rem cum istis ineptijs
et blasphemij , quas sol Euangelij ita patefecit et dis-
iecit , vt pudeat de illis loqui : Nam essent nobis illæ
tam multæ fæces euoluendæ , quas de indulgentijs ,
deq; Purgatorio Papistæ somniarunt & congesse-
runt , vt culinæ & ventri consulerent . Audi quid
adhuc Osius de Petro Apostolo , vt demonstret
nos omnino eius doctrinam execrari , Exigit à no-
bis , inquit , Euangelium fructus & opera digna poe-
nitentiæ , Dicit idem Petrus : Satagite , vt , per bona
opera , certam vestram vocationem faciatis , vos , ex-
clusis bonis operibus , fidē solam sufficere docetis .
Est ne consentiens hæc vestra doctrina Petri Apo-
stoli doctrinæ : A T H A . Vis , vt hic prior dicam .
quid sentiam : H I L . Dic . A T H . Aut insignis im-
postor , aut sacrarum literarum rudis iste sit oportet ,
aut forte vtruncq; H I L A . Vereor prosector , ne v=
truncq; sit . Possemus Osio respondere , tria illa verba
ā se producta ex Petro , nempè , P E R B O N A O=
P E R A , non reperiri in fonte græco , licet in vul-
G ij gatis

DIALOGVS PRIMVS.

gatis versionibus habeantur. A T. Scio non haberi, sed donemus hoc illi. H I. Recte sentis, donemus: nam qui præcedentia legerit in Petro, videt eum id omnino velle, vt recte factis testemur nos Christianos esse. Nos quidem dicimus cum Apostolo, q fide iustificemur, non operibus: hic quidem, ad iustificationem scilicet cōsequendam, excludimus bona opera, cūm hic reuerā sola fides, qua gratiam apprehendimus, sufficiat. Sed quod bona opera vbiq respuamus & cōdemnemus, est insignis calumnia, vrgemus enim bona opera, docentes, ea esse testimonia, indices et fructus fidei, ex quibus filij Dei agnoscamur, & fieri non posse, vt non producat bona opera, qui verè sit iustificatus: quemadmodum fieri nō potest, vt ignis non illuminet, & nō calefaciat. Bona autem opera intelligimus, q̄ sunt nobis commendata & præcepta à Deo, nō quæ ab hominibus excogitata. Deniq certum scimus, docente in scripturis Spiritu sancto, quod nullis nostris operibus possimus pro peccatis satisfacere (absit tātus error) sed quod Deus (pro sua inenarrabili clementia) affigens dilectū filium suum patibulo, voluerit ipsius sanguine, & morte sibi satisfieri. H I L. Breuibus rem totā complexus es. Pergit Osius atq inquit, q nos in quauis potius, q̄ in Petri religione versemur, & non esse quicq apud nos ea execrabilis. A T. O impudentiā singularē. H I. Postea subiungit, q ipsi Papistæ cum doctrina Petri per omnia cōsentiant, nos autem ex diametro cum ea pugnare, negare nō posse:

posse; Nam si maxime, inquit, negare velitis, vel ipsi libri vestri vos mendacijs conuincent, omni genere blasphemiarum referti. A T. Egregiū Osii, & dignissimā profecto, quem suus Antichristus mox ornet tribut, aut quatuor mitris, totidēq; purpureis galeris, non modo uno, q; tam acriter et tanta virulentia genuinā Christi doctrinā studeat insectari, tamq; strenuè mētiri. H I. Aliquis posset totidem verbis Osio respondere, q; nihil sit apud Papistas Petri doctrina execrabilius, cum qua nos quidem per omnia cōsen tire, illos aut ex diametro cū ea pugnare, negare nō posse. Nam si maxime negare velint, vel ipsi eorum libri eos mendacijs cōuincent, omni genere blasphemiarum referti. A T. Pulcherrimē quadrāt in Papistas. Habes ne plura, q; in isto Osio notaueris? H I. An plura habeā? audies atq; obstupesces. His colo-ribus et hac arte rhetorica, quam audies, nititur Sereniss. Regem continere, ne à Papatu resiliat. Petricovia est nō longe à Cracouia oppidum, vbi Comitia regni maiora solent haberi, antē trienniū cūm haberentur, actum illic fuit, de suspendenda Episcoporū authoritate & iurisdictione, qui voluissent graffari in pios, anteq; villa fieret cognitio: suspensa igitur fuit, vt ad hoc merito manet suspensa, manebitq; (vt speramus) perpetuo: atq; hoc illud est, q; tam male habet Osium: ideo, veluti furoris cōstro percitus, quærerit vlcisci, saltem calamo pro se & collegis (quorum tamē nō nullos bonos esse, nec probare

G iij Osij

DIALOGVS PRIMVS.

Osi⁹ factum sat scimus) si non potest igne atq; ferro;
Post aliquot menses , aliquæ tum consiliariorum,
tum priuatorum ædes, in eodem oppido, turbine
disjcebantur , Hic ergo insurgit futilis Osius , atq;
inquit; Noli putare Rex fortuitò hæc euenisse, Sed
scias hanc vocem quandam fuisse Dei , qui scilicet
minatur se deinde immissurum multò grauiorem
tempestatem in vestra omnium capita , quām mise= =
rit in fastigia domorum, si viderit vos velle ab obe= =
dientia Rom . Ecclesiæ discedere , adducitq; hic ex= =
empla Chore , Dathan & Abiron . A TH . O ine= =
ptum rhetorem, qui tam leuicula re sperauit , se pos= =
se grauissimum Regem territare , quasi vero res sit
insueta & tam magni momenti , vt tempestates &
turbines aliquando disjciant domos, quæ ex lignis
construuntur , vt Petricouiae fit, vbi non sunt alia,
q; lignea ædificia : An portentosum est, si talia tem= =
pestatibus turbinibusq; disjciantur? Vix esset por= =
tentosum, si marmorea fuissent. HIL . Audi aliam
rhetoricam Osi⁹ . Narrat Carolum Quintum Impe= =
ratorem habuisse , antè paucos annos , perexiguas
kopias , fuisse totius ferè imperij præsidij destitu= =
tum, Protestantes vero exercitum & numero lectissi= =
morum militum, & omnibus rebus bello necessaria= =
rijs instructissimum contra Cæsarem collegisse, Se= =
disse tunc Deum pro tribunali, & quasi lata senten= =
tia pronunciasse, Carolum Q. Imperatorem suæ
doctrinæ propugnatorem esse, & victoriam incru= =
entam

entam illi concessisse. A T H. O animalem Osium,
qui ignorat Deum solere suos sub crucibus afflige=
re, & nolle, ut ferro vincamus , non enim sunt car=
nalia arma militiae nostræ . Deinde si isthæc argu=
mentandi ratio valeret, Pôtifices , Scribæ , & Phari=
sæi adhuc possent gloriari , quod filium Dei supe=
rassent, cum illum omni contumeliarum genere af=
fectum cruci potuerint affigere. A T H. Gloriatî
quidem fuerunt eo nomine. Sed cum paulò post ex
sepulchro Christus, de mundo, de morte & de in=
ferno glorioissimè triumphans surrexisset , omnis
eorum gloriatio euanuit repente , sicutq; in sum=
mam infamiam conuersa. H I L. Videor mihi intel=
ligere, quorsum hoc dixeris . Nam qui profligatus
& uictus paucis antè annis uidebatur , nunc uincit
Christus. A T H. Probè intelligis, id ipsum uolui
dicere. H I L. Sed alium quoq; locum audi ex Osio,
qui mihi nunc in mentem uenit, cum Caroli Q. in
Hispania mortui meminerimus . Exultat libro ter=
tio , quod nullum regnum magis sit ab Hæresibus
(sic ipse loquitur) intactum , quam Hispaniarum
regnum, imò quod nec dici quidem audierit de no=
stra doctrina . A T H. Infelix Osius , qui se tam
multis mendacijs deridendum propinat , Nam pa=
lam est, in Hispania quoq; Euangeliū indies se
exerere , ita , ut propter eius confessionem plurimi
fuerint cōiecti in carcerem, plurimi igne consump=
ti, & plurimi ex omnibus ordinib; profugerint,

H ut

DIALOGVS PRIMVS.

ut taceam de Nicodemis , qui sunt multò plures.
Obsecro quid de regno Angliæ Osius: HIL . O-
biter pauca , lætaturq; ad Papatum illud rediſſe.
ATH . Desinat ergo lætari , cum uno atq; eodem
die, atq; eadem ægritudine, nimirum quartana, elata
fuerit Maria Regina, & Reginaldus Polus Cardi-
nalis, Papæ Legatus : succellerit autem in regno E-
lizabet, Mariæ germana soror, uirgo admirabilibus
& prorsus diuinis uirtutibus ornata, inter quas illa
est præcipua , quod renascentis Christi doctrinæ
studiosissima est , ut nihil sit dubitandum, quin col-
lapsas Ecclesias propediem sit instauratura, fremente
Papa cum suis Osij. H I L . Sine , pergam de Osio,
qui librum suum infarxit modo rhetoricis , & qui-
dem ineptis (ut uidisti) quibusdam coloribus, mo-
do depravationibus, manifestisq; mendacij, modo
conuicijs & uirulentij, cuiusmodi hæc una est ual-
de insignis . Nititur alicubi incendere Serenissimi
Polonorum regis animum , ut sua Maiestas , quæ
suapte natura clementissima est , mandet Vergeri-
um trucidari, ubiuncq; possit reperiri . ATH . Iesu,
trucidari ne: HIL . Trucidari , audi locum . Cum
Brentius affirmasset, ad Episcopos solos , eosq; piæ
doctrinæ hostes, diuino iure minimè pertinere cog-
nitionem ac dijicationem doctrinæ Ecclesiasticæ
(ut sœpè diximus) taxat aliquando (& merito) il-
lorum corrup:issimos mores & crassam imperitiā.
Osius ergo Regem affatus , inquit, si hunc locum,

quo

quo Brentius nobis maledicit defendendum co-
ram te, pientissime Rex, susciperet Vergerius, asse-
reret q̄z nos minimè esse idoneos Ecclesiastice doctri-
næ iudices, quem hic esset accusaturus alium præter
te: cuius enim arbitrio, præterquam tuo & à Cano-
nicis eliguntur & à Pontifice Rom. confirmātur E-
piscopij: cuius nisi tua culpa sit, ut Ecclesiastice doctri-
næ nos idonei iudices esse non possimus: Quam ad
rē uenit huc Vergerius, nisi ut tibi insultaret, ut po-
puli contrare seditionem excitaret, quòd tales Epi-
scopos solitus sis creare. Et alibi inquit, Vult Ver-
gerius, ut sibi quisq; sit Rex, ut sibi quisq; sit Episco-
pus, ut in sua quisq; causa sit iudex. Et subiugit, Vult
Vergerius, ut pereat tuum regnum, & tu scelus hoc
ferēdum IN TERRIS putabis, & nō A VFE-
REN DVM potius curabis: A T. Video uene-
natissimum Oforis animum: hi sunt Episcopi: an
nō saltem hoc in loco præ se fert spiritum & mode-
stiam, qua dignissimus uideri possit, ut ad dijudicā-
das oēs Ecclesiastice doctrine causas, ueluti Aposto-
lus aliquis, aut Angelus, etiā inuitus, solus accerse-
retur: Non ne pudet grauissimum seditionis crimē
intentare homini innocentī: tamq; turpiter de eo
mētiri, quòd uelit, ut sibi quisq; sit Rex, & ut regnū
pereat: Præterea, decet ne Episcopum instigare, ne
sua Regia Maiestas sinat amplius uiuere seruum Ie-
su Christi, sed curet trucidandum, ubi cunq; demum
sit: non enim dixit, nē pateretur eum in Polonia

H ij viuere,

DIALOGVS PRIMVS.

viuere, sed, ut nusquam IN TERRIS pateretur
viuere, & AVFERENDVM. O crudelem, o
sanguinarium Osium: Nam quòd ait, non posse re-
prehendi aliquorum Episcoporum imperitiam &
vitam, nisi una Rex, qui tales elegit, reprehendatur,
falsum est: tanta enim solet esse hypocrisis, tanta im-
portunitas, tantaq; astutia earum Harpyarum, qui
opibus Episcopalibus inhiant, ut sépè decipiāt bo-
nos Reges. Quid: quòd aliquando à Regibus eli-
guntur nonnulli, qui non sunt usq; adeò mali, ue-
rum ab illis pestilentibus cathedris & luxibus cor-
rumpuntur non multò pòst, quod multis in locis
vidimus contigisse? Quam hic culpam habeant
Reges, si Episcopi in malos & impios viros euā-
dunt? Reprehendet ne ipsos Reges, qui illos Epi-
cureos reprehēderit? Sic reprehēdendus esset Chri-
stus ipse filius Dei, quòd Iudā Ischariotem in Apo-
stolū elegisset. Audia alias calumnias Osianas. ATH.
Subsistē obsecro, nam video aduentantem F. Stellā,
qui cum mihi negotium est grauissimum; neq; pos-
sum differre, quin statim agā de eo. Quid si post ali-
quot horas rursus conueniremus, aut etiam crastina
die, eisdē de rebus collaturi: HIL. Quando uolue-
ris redibo ad te. Mihi quidē multo cōmodius uide-
tur, si crastina die: Nā interea uersarer in nostro O-
sio, unde possem tibi afferre noua monstra tanq; ex
Aphrica. A T. Placet, cras hoc redibo, aurib., srien-
tib. HI. Sed certo scio, me allaturum aquā satis pu-
tidā, tu uideris, an ea uolueris sitim explere,

Dialo-

31

DIALOGVS

SECUNDVS.

HIL. Adsum, ut condixi, & putidæ aquæ fero,
plus satis recte factum, quod hoc tempus no-
stro colloquio interposuerimus, Nam interea to-
tum me dedi lectioni Osianæ, ita, ut multò plura
possim nunc recensere, quam fecissem heri. A TH.
Memini te heri incepisse dicere de virulentijs, deci-
calumnijs Osianis. HIL. Ita est, pergam de his lo-
qui. Osius inquit, Lutherum in sua Postilla dixisse,
homines deteriores esse, quam fuerint in Papatu, &
alibi, decies eos esse Sodomitis peiores. Quare hic
insolētissimè se effert Osius, & triumphum agit, ad
hunc modum uociferans: Audite irrefragabile te-
stimonium Idoli vestri Islebiensis, audite vestrum
Deum loquentem, huius enim verba nihil aliud
sunt iudicio vestro, nisi verba Dei. A TH. Videtur
mihi Dauum turbulentum agere in scæna, perge.
HIL. Si mentiri potest Deus vester, mentiri po-
test hæc scribens de uobis Lutherus, qui nusquam
scripsit verius, quam ubi, quem fructum attulerit
doctrina sua, planum fecit orbi uniuerso: qua fronte
igitur audet Asotus iste Brentius nobis decies So-
domitis peiores obtrudere, qui sint Ecclesiasticæ do-
ctrinæ iudices? A TH. Video insolentiam, sed vix
nà video virulentiam & calumniam multò maio-

H ij rem

DIALOGVS SECUNDVS.

rem: Recte enim Lutherus cōquestus est, homines postquam illuxit illis excellens & singulare Euangelij donum, postq̄ Pater cœlestis illis manifestauit dilectum filium suum, D.N.Iesum Christum, si adhuc hæreant in peccatis, multò deteriores esse, quam cum essent in Papatu: Quia multò grauius peccat & deterior est, qui norit voluntatē Domini, & non facit eam, quam qui non norit: si in Papatu, hoc est, in tenebris, ubi nescitur gratia & misericordia Dei & Christi, sed remissio peccatorum fertur accepta modo bullis nescio quib. modō alijs impo-
sturis, homines male viuant, est quidem reprehendendum, sed multò magis, si male viuant, ubi Eccle-
siæ sint ad normam Euangeliū reformatæ, in quibus possunt à fidelibus ministris intelligere inexhau-
stam illam charitatem Dei, qua dedit filium suum, cuius sanguine & morte peccata nostra ablueren-
tur. HILA. Sic sentio, libenterq; audiui, quod me in dicenda sententia præuenoris. Quocirca Os-
sius excidit ex triumpho, parturiebat montes cum sua inepta exageratione, & natus est ridiculus mus. Ego adea, quæ tu dixisti, hoc addiderim. Cum Lutherus dixerit, suos auditores esse pe-
iores illis, qui Sodomæ habitarunt, allusit aper-
tiissimè ad locum Matthei, ubi Christus inquit, &
tu Capharnaum usq; ad cœlum exaltata, usq; ad in-
feros detraheris, quoniam si in Sodomis editæ fu-
issent

issent virtutes, quæ editæ sunt in te, mansissent usq; in hodiernum diem. Idem voluit dicere, noster Luthorus, vos auditores mei auditis cotidie renatum, nostra ætate, Euangeliū, hoc est, bonum nuntiū de Filio Dei, qui pertulit peccata nostra in corpore suo, iamq; est patesfactus vobis homo ille perditus, qui se extollit supra id, quod dicit, Deus, aut numē, adeo, ut in templo Dei tāquam Deus sedeat, sese Deum esse ostendens, hoc est, Papa qui contra Christum docet, pecunia scilicet præstita, & nostris operibus peccata remitti: pro quo beneficio planè incomparabili, cum grati esse deberetis, pœnitentiamq; agere, nec tamen à vobis fiat, peiores estis habitatoribus Sodomæ. Quia, si apud eos tanta fœlicitas Euangeliū & gratia, quanta est apud vos, fuisset patesfacta, illi melius se gessissent quam vos. Sed aliud habeo, quod hic dicam, in quo turpisima cauillatio & calumnia Osij patesfiet. Hoc est Brentij Paradoxum, quod sæpe repetere opus est, cognitionem & dñjudicationem causarum Ecclesiasticarum pertinere, non ad Episcopantum, imò ne quidem ad eos Episcopos, qui sunt veræ Ecclesiæ Dei hostes, sed ad Reges & Principes sacerulares, adhibitis Ecclesiarum ministris, altisq; viris, qui sint pietate, eruditione, prudentialijsq; ornati. Cunq; non dubium sit, quin multi sint huiusmodi (Deo gratiæ) inter nos, censuit

DIALOGVS SECUNDVS.

suit Brentius hos omnes debere cum pijs Regibus & Principibus in Concilijs, tanquam iudices interesse. Osius uero petulantissime obstrepens, Qua fronte inquit, (ut superius audisti) audet Asotus iste Brentius nobis decies Sodomitis peiores obtrudere, qui sunt Ecclesiasticæ doctrinæ iudices? Quare quis non videt istum Sathanicum Osim, omnes Reges & Principes, qui Euangeliō nomen dederunt, unā cūm Ecclesiarum nostrarum Pastoribus, alijsq; doctis & pijs viris, isto horribili conuicio salutare, quod sint omnes decies Sodomitis peiores, ita ne Osi: & nostros tam atroci contumelia afficis: & testimonio Lutheri peruersè abutris: Quasi Lutherus dixerit, omnes, quotquot sunt nostræ religionis Reges, Principes, Pastores, aliosq; viros doctos, decies esse Sodomitis peiores, neminemq; exceperit, & non potius increpauerit aliquot, qui forte huiusmodi fuerant. Et cūm addideris eodem in loco Osi hæc verbula: Habes ne quod possis contradicere? Dico me hoc habere, quod sis malus vir, insignis deprauator & calumniator, quodq; à Deo sit tibi grauissima poena expetanda, nisi resipueris. Sed adhuc tecum agam Osi, tu cūm prius ausus fueris affirmare, Lutherum vesperi beniē potum & hilarem, postridiē manē reperitum esse in lecto mortuum (et hac quoq; in remen-
tiris strenue) cūm illum nominaris Sacrilegum & Seditiosum, deniq; cūm omni conuiciorum gene-

re onerasses, & (quantum in te fuit) turpificasses,
scurriliter addidisti eum esse nostrum Deum, neq;
te puderis hoc quoq; nostros Reges, Principes, & re-
liquos nostros ordines, tanta contumelia & iniuria
afficere, quasi simus tam rudes, tam impii et blasphem-
mi, ut habeamus coopertum flagitijs hominem
pro Deo, uobis istud est peculiare & perpetuum, ut
ex Cardinalium armento vobis adsciscatis vnum,
quem instar Dei, imo prorsus pro vestro Deo colas-
tis: hoc de vobis uere dicimus, uos de nobis falsissi-
mè, imo addo amplius, nos eatenus Lutherum au-
dire, quatenus doceat ea, quæ verbo Dei, puriorisq;
veteris Ecclesiæ sensui & consensui sint conformia:
quod si possumus deprehendere, illum alia docere,
reincimus, et ipse met in suis scriptis à nobis frequen-
ter petit, ut, nisi consentanea verbo Dei doceat, rej=
ciamus. Vos verò quid mandet vestrum idolum
Papa, & verè vester Deus, quicquid ab horribili ei-
us impietate blasphemum, quicquid contra clarum
& apertum verbum Dei potest excogitari, affirma-
tis eum omnino esse audiendum, fingitisq; nō pos-
se errare. Hoc igitur interest inter vos, & nos, quod
vos insignē aliquem Epicureum habere soletis pro
Deo, è cuius placitis nec latum vnguem audetis di-
scedere. Nos Patrem ipsum cœlestem, cum eius di-
lecto Filio, & Spiritu sancto pro Deo habemus, li-
benterq; interea audimus & honoramus seruos
Dei, qui præferunt nobis sacrarum literarum faces,

DIALOGVS SECUNDVS.

nosq; ad uerā earum intelligentiam excitant, quemadmodum inter alios Lutherus fecit, tam salutare Dei organum, quām tu es Sathanæ & Antichristi mancipium atq; organum Os. A TH. Videris mihi habere Osium antè oculos, imo cum eo congredi, ita totum ad eum te conuertisse, & concitate loqui mihi visus es. HIL. Boni consule, rapuerat me summa rei indignitas, cūm viderem istum hypocritam, tanta arrogantia, tam atrocib. conuictijs, nostras incessere. Sed cūm me inde reuocaris, pergā in eo cursu, quem institueram, et dicam quemadmodum cōtorqueat Caluini uerba, coneturq; persuadere, quod pro Rom. Ecclesia faciant, cūm tamē summē illi aduersentur. Hæc sunt Osij. Quod si charitatē habe-
retis B renti, nunq; ab Ecclesia uos diuideretis, cuius
si gremio conderemini, tum demum uerum scriptu-
rarū sensum assequeremini. De qua Ecclesia loqueris
Osij, tecum. n. uolo adhuc agere. Vbi nā est ista Ec-
clesia, in cuius gremio oporteat esse conditum, qui
uelit assequi uerum sensum scripturarum? Respōde-
bis, haud dubiē, te loqui de Papatu, deq; Rom. Eccle-
sia, affirmabisq; eum demum assequi uerum sensum
scripturarum, qui ab ista se nō præciderit. Hoc iacto
fundamento pergamus, & uideamus quid subiun-
gas. Nam recte quidam ex uestris admonet (uestros
autē appello Sacramentarios quoq;, cūm ex uobis
eos prognatos esse cōstet) recte igitur Caluinus ue-
ster admonet, & peculiariter notandum esse dicit,
quod

quod non est extra Ecclesiam sanæ intelligentiæ scripturarum lux. Nunc dic mihi Osio, putas ne Caluinum hic de Papatu, de qua uestra Ecclesia intellexisse quod scilicet extra Romanam, non sit sanæ intelligentiæ scripturarum lux? Respōdebis, te minimè adducturum fuisse unius ex uestris hostibus uerba contra nos, nisi planè crederes, eum de Papatu, de Rom. Eccle. intellexisse. At, si hoc tibi persuades, affirmo, te nec micam sanæ mētis habere, ut etiā communisensu destitutus uidearis (regero. n. tibi in caput tuamet uerba, que in quempiam ex nostris euomueras) Caluinus ne, de Papatu de qua uestra Rom. Ecclesia assereret, quod extra illā non sit sanæ intelligentiæ scripturarum lux? Scis quid de ea sentiat Caluinus: q̄ in ea, quam tu defendis presentem Rom. Ecclesiam, sit extincta sanæ intelligentiæ scripturarum lux, sintq; meræ tenebræ, & per consequens, summa et horribilis sacrarum rerum prophanatio et abominatio. ATH. Hic est magnus stupor atq; lapsus. HI. Videris mihi sentire Osium, errore, aut incogitantia ad hunc modum de Ecclesia & de Caluino scripsisse, at ego aliter sentio: Puto enim illum probè nouisse de qua Ecclesia Caluinus senserit, sed malitiosè & calumniosè locum recitasse, ut periculum faceret, si quem posset ex incautis, minusue intentis lectorib. subuertere. HI. Facile in tuam sententiam uenerim: Nam est ualde peculiare isti Sophiste,

DIALOGVS SECUNDVS.

contorquere verba , & sensum deprauare : audi locum ita similem, ut lac lacti non sit magis simile.

Confessio Augustana propè finem habet locum, in quo de Iurisdictione Episcoporum agitur: recitabo verba , vt soleo. Porro, secundum Euangeliū, seu (vt loquuntur) de iure diuino, nulla iurisdictio competit Episcopis, ut Episcopis, hoc est, his quibus est commissum ministerium verbi & Sacramentorum, nisi remittere peccata . Item cognoscere doctrinam, & doctrinam ab Euangelio dissentientem rejicare, & impios, quorum nota est impietas , excludere à communione Ecclesiæ , sine via humana, sed verbo . His necessario , & de iure diuino debent eis Ecclesiæ præstare obedientiam , iuxta illud: Qui vos audit me audit . Clarissimis verbis, vt vides, hic agitur de Episcopo , veræ & genuinæ Euangeliū doctrinæ addicto. Episcopos autem , qui huiusmodi sint , Brentius , & vna cum eo omnes Ecclesiæ reformatæ libentissime sument in Iudices, imo nullos alios volunt , nisi huiusmodi : hi ipsi sunt , de quibus Brentius intelligit , cum ait , pios Principes , adhibitis sibi Ecclesiarum PASTORIBVS, debere causam de doctrina religionis cognoscere. Verum quid Osius quemadmodum superius deprauauit sensum Caluini , nunc sensum Confessionis Augustanæ contorquet & deprauat , conaturq; persuadere , quod illa omnem huiusmodi cognitionem & dijudicationem reiecerit , in Episcopos

scopos Papisticos, qui sunt hostes veræ doctrinæ.
ATH. Manifestissima depravatio: Nam non est dubium, quin Augustana Confessio intellexerit de p̄is Episcopis & Pastoribus, quid enim illi cum Papisticis: cur illis præscripsisset, quale eorum minus esset futurum? HIL. Neq; etiam dubium est, quin Brentius semper dixerit, tales Episcopos, tales Pastores debere cognoscere de religione: non reficit ergo (vt suprà diximus) à talibus iudicjs, nisi impios & hostes. At vide, quanta arrogantia insultet Osius, cùm nititur insinuare, quod Confessio Augustana admiserit omnes indifferenter Episcopos Papisticos pro cœlestis doctrinæ iudicibus. Quanta (inquit) per Deum immortalem, est vis veritatis, vt etiam per hostium veritatis iugulum nonnunquam erumpat; ATH. Fucus & artificium veterotorium, ad captandos animos imperitorum. HIL. Quid mirum autem, si hominum verba audeat in alios sensus detorquere, cùm Spiritus diuinus verba corrumpere ausus fuerit? ATH. Corrumpere nec HIL. Corrumpere: Nam cùm omnino eius sententiae sit, quod nemo possit ex vllis notis cognoscere, qui nam sint ex Electis, adducens illum Pauli locum: nouit Dominus qui sunt sui, addidit verbum, solus: Nam solus Dominus, inquit, nouit qui sunt sui. Deinde cùm Petrus scripserit, quædam esse in Epistolis Pauli obscura, Osius locum recitans, conuertit quædam in multa. Multa;

DIALOGVS SECUNDVS.

inquit, Petrus dicit esse in Pauli Epistolis obscura.
A T H. Horrendum, quanta solicitudine, & quam
pertinaciter isti contendant, omnem scripturam,
non modo quædam loca in Paulo, esse obscuram
& difficilem, ut territent, opinor, homines, ne ad
eius lectionem accedant. **HIL.** Atque etiam, ut ab il-
lis interpretationem petamus, Sed petant carnales
& hypocritæ: nos (per Dei gratiam) alios habemus,
vnde petamus. Aliam audi insignem deprauatio-
nem, cum Brentius (quod sæpiissime cogor repete-
re) scripscerit, cognitionem & dijudicationem de
doctrina religionis, pertinere etiam ad pios Reges
& Principes sæculares, adhibitis Ecclesiæ ministris,
alij scilicet p̄s & eruditis viris. Osius, videns, hunc,
quem Brentius describit, esse honestissimum coe-
tum, & prorsus dignum, ad quem de causis, ad reli-
gionem pertinentibus, referatur, nihil respondet ad
rem, sed detorquet sensum Brentij, & ita cum eo a-
git, quasi dixerit Brentius, omnes, sine discrimine,
quotquot voluerint Concilij interesse, atque inter
iudices sedere, esse admittendos, etiam quemuis ex
fœce vulgi. **A T H.** Scio nihil minus Brentium sen-
tire, quam hoc, Bone Deus, imo tamen mihi absurdum
videtur, ut vix credam ab Osiō obiectum fuisse.
HILAR. Non credis? faciam ut credas. En tibi
, ipsissima Osij verba. Et quod non modo Catholi-
ci, verum ne hæretici quidem, quamlibet saeu non-
nulli Tyranni, quin etiam ne graues quidem Chri-
stianæ

stianæ fidei persecutores, Imperatores ethnici, fas,
esse sibi putauerunt, ut inter Episcopos de causa fi=
dei cognoscerent, id tu Brenti fas esse contendis: nō,
modo Regibus aut Principibus, verum etiā cuius,
de fece vulgi, Audis: CVIVIS DE FECE
VVLGI: A TH. Proh pudor. HIL. Quid illum
puderet: hoc ter, aut quater repetit, perfrictissima
fronte, nominans sutores, sarcatores, zonarios & ba=
iulos, quos ait Brentium velle, ut in Concilijs una
cum Episcopis sententiā dicant, Sed cum Brentius
disertissimè dixerit, adhibitis Ecclesiæ ministris, A=
LIIS QVE PIIS ET ERVDITIS VIRIS
an hic queat intelligi sex vulgi, baiuli & sarcatores,
iudicet qui nō sit depravato atq; impio, quēadmodū
est Osius, iudicio. In summa, putat omnia sibi licere,
quia cum stupidis hæreticis (ut putat) negotium
habeat. A TH. Sed non intelligo, quid sibi velit in
his verbis, quæ recitasti, quòd scilicet Brentius faci=
at, quòd nō modò Catholici, verum ne hæretici qui=
dē, quāmlibet sæui tyranni, quin etiā ne graues qui=
dem fidei persecutores, Imperatores ethnici, fas si=
bi esse putarunt. HIL. Dicā quid sibi velit, & uide=
bis quām fortibus cornibus pugnet ista fera. Tu
scis Athanasi, in ditionibus tyranni Turcarum li=
cere missificare, (vt licet etiam nostram doctrinam
profiteri) Si forte illic, inter sacrificulos, aliqua de
Missa, aut alio huiusmodi articulo orioretur con=
tentio, Sacrificuli autem ad Tyrannum confu=
gerent, qui inter eos iudicaret, at Tyrannus re=
sponderet,

DIALOGVS SECUNDVS.

sponderet, id non esse sui muneris, inferes ne propter ea, tyrannum habere. Sacrificulos pro sacrosanctis diuinisq; hominibus, quorum religionem & iurisdictionem nolle violatam? A T H. Nihil minus, Turca non tolerat Sacrificulos, vt velit esse inter eos, vbi agitur de doctrina religionis, iudex, sed sinit, ut rem suam agant, cum uero responderet, non esse sui muneris de eorum religione iudicare, ea nec laudat nec vituperat. H I. Recte, Verum quia Aurelianus Imperator Christiane fidei persequutor, Catholicis Episcopis, qui ad se confugerant, respondit, nolle inter illos & Paulum Samosatenum haereticum iudicare, Osius, quasi iudicio et autoritate Aureliani Imperatoris, quod ita pronunciarit, in hac causa uicerit, exultat, et triumphum agit, insultans Brentio, quem ait superioris & huius aetatis haereticos, quin & ipsos Ethnicos peruersitate superare, Audi uerba quae statim sequuntur post illa, cuius de fece vulgi.
Quae est haec animi tui impotentia? quod est illud, tam ardens Apostolicæ sedis & Catholicorum Epicoporum odium? ut & superioris, & huius aetatis nostræ haereticos, quin & ipsos Ethnicos peruersitate superare conteris, dum modo odio tuo plusquam Vatiniano satisficias? Putat autem admirator tuus ille Vergerius, quod peruerso docetur a te, id se pentissimo Regi & Domino meo probare posse?
Errat Brenti, & quidem toto celo, quod aiunt, erat. Nescit fortasse, quam sanctis parentibus, auis, proauis

proavis & paternis & maternis prognatus sit, &
quāmīq; semper abhoruerit, & nunc etiā abhorreat &
ab hoc vestro Satanismo. A T H A. Deum immor-
talem, quām furit & debacchatur, ego regererem il-
li in caput eadem verba. Quae est hæc animi tui im-
potentia Osio? Quod est istud tam ardens Euangelij
& verę Christianę doctrinę odium, ut & superioris
& huius nostrae ætatis hypocritas & impios homi-
nes, quin & ipsos Turcas peruersitate superare co-
neris, dum modo odio tuo plusquam Vatiniano
satisfacias? Sed dic mihi Hilari, Quid de Philippo
Melanthone videtur tibi sentire Osius? venit nunc
in mentem, quia video Brentium eius ferè collegam
horribiliter proscindi. HIL. Quid? in Brentium
& Vergerium audisti multa magna & grauia con-
uitia fuisse iactata, quanquam nec decimam tibi eo-
rum partem retulerim, sed tamen vnicum conuiti-
um, quod in Melanthonem iactauit, mihi videtur
longè maximum conuiciorum omnium, quæ tum
in Brentium & Vergerium, tum in reliquos no-
strates eructauerit. A T H. Grauissimum conuiti-
um sit oportet, quod nā illud est: et tamen nouimus
omnes, Philippum Melanthonē esse permagnum
ornamentum nostrarum Ecclesiarum, & delicias lu-
menq; politicorum studiorum. HIL. Ita est. ATH.
Quid ergo ait ista rabula de Philippo? HIL. Dicā
uno verbo. Osius mentitur, Philippum, pro sua vi-
rili, perfidere conatum fuisse, ut Papatus instaurare=

K tur,

DIALOGVS SECUNDVS

etur, Quid potuisset dici, aut excogitari de tali et tanto viro magis contumeliosum? A T H. Posset ne mihi indicare ipsamet Osius verba; HIL. Possum, en tibi ea, prægnantiora, quæm putasses; Nunc vero nihil erat Flacce (alloquitur Illyricum, de quo modo dixerat, quod Christum alium non nouit, præter eum, qui natus est Islebi, sic enim Osius loquitur) quod immemor officij, tam acerbè tamq; contumeliose, benè de te merentem Præceptorem tuum acciperes, quod is, cum necessarium esse videret, ordinem ac disciplinam in Ecclesia, quæ per Lutherum vtracq; sublata fuere, pro virili sua, perficere conatus est, ut pedetentim eo redditus fieret, vnde facta est discessio. Pium fuit hoc institutum hominis minimè mali, cui violentæ mutationes istæ, per Lutherum factæ, nunquam placuerunt, cuius tyrannide, se tandem aliquando liberatum esse nō moleste ferre uisus est, cum scribēs ad Carlouitum, se deformiter ei seruiuisse fateatur. An nō disertè dicit, Philippum, prout virili sua, perficere conatum fuisse, ut ad Papatum rediretur? A T H. dicit quidē, sed strenuissimè (ut tudi xisti) mentitur, more suo, sed sine, habet Philip pus innumerabiles discipulos, summa in eum benivolentia & charitate, ut non vulgari eruditione & eloquentia, hos ergo decebit, etiam tacente Philipo, Osius pro dignitate excipere, illiusq; impudēs os retundere, quod non dubito facturos, eo magis, quod in isto tam magno maledictorum aceruo resperient, se ipsos quoq; nominatum perstrinctos, & petus.

petulantissimè, extrà propositum, provocatos: Osius enim ad hunc modum. Somnia sunt Philippi vestri Melanthonis, & ea diuini quiddam habere credunt eius discipuli. Quàm obrem illi non nobis ea obijcas. A T H. Sed quorsum hæc Osius: H I L. Dicam, Recitarat verba Brentij, qui verissimè dixerat. Episcopos Papisticos non conuenire in Concilijs, in nomine Christi: Nam hoc unum præcipue agunt, ut consulant dignitati, opibus & gloriæ, ex traditionib, non scriptis, et ex S O M N I I S monachorum: quare Osius ad eum, quem dixi modum, respondet, S O M N I A Philippi sunt uestri Melanthonis &c. A T H. Nihil potuit frigidius, nihil ineptius, ut prorsus extrà propositum (ut dixisti) ista uipera (ex abundantia cordis) uideatur uoluisse bonum Philippum, una cum suis auditorib, mordere. H I. Verum cum sibi, eo dicto, ualde placuisse, iterū id repetit, quatuor paginis interiectis. Cum. n. dixisset Brētius, principes nō debere agnoscere queuis sacrificiorum & monachorū S O M N I A pro oraculis spiritus sancti, Osius rursus occinit suā ineptam cantilenā, atq; inquit: De somnijs, Brēti cum Philippi discipulis agas, qui somnia sui preceptoris diuini quiddā habere iactāt, nos nō alio loco somnia habemus, quàm quo debēt haberī somnia, siue monachorū sint, siue Philippi, siue cuiuscunq; tandem alterius. A T. Video insulsam Osij cauillationē, dissimulauit, n. se intelligere, q; Brentius uoluerit taxare Papistas, qui reuerā patiuntur sibi obtredi nugas

DIALOGVS SECUNDVS.

eucullatorum pro diuinis oraculis, Quæsto te Hilari, solet ne iste, ad hunc modum, reliqua argumenta & fundamenta Brentij confutare atq; conuelleret. **HIL.** Fermè ad eundem: cauillis enim & rimis nescio quibus conatur elabi. Vis proferam ad huc vnum atq; alterum ferè huiusmodi locum? A **T H.** Proffer, audiam. **HIL.** Brentius ait, Paulum, deinde etiam Canones descripsisse, quales debeant esse Episcopi, re autem ipsa, nos videre maximam partem Episcoporum, qui hisce temporibus suprema loca in Ecclesijs occupant, haud quaquam respondere his conditionibus, quas Apostolus & Canones exigunt. Quare non posse dici, quod talium prælatorum conuentus sit legitimum Concilium. A **T H.** Rectè Brentius: Nam sat nouimus, qualibus Curtsianis Pape solent dare administrandos, aut deglubendos vorandoscq; potius Episcopatus, talibus ne (præsertim solis, quod sibi belli homines audent vendicare) permittemus, ut de doctrina religionis deq; salute animarum nostrarum cognoscant: à talibus ne in re tanti momenti pendebimus. **HIL A.** Hic locus magni momenti est: Nam Papistæ solent nobis obiecere, quod in veteribus concilijs soli Episcopi de doctrina religionis cognoscere & dñjudicare solebant, ergo, hoc quoq; tempore, inquit, soli Episcopi debent de eadem doctrina cognoscere & dñjudicare, & videtur hoc, prima facie, esse aliquid, & quod posset infirmiores irretire, sed (si rem expens-

expendas) nihil est reuerà: Nam veteres Episcopi non à Papis, sed à ministris Ecclesiæ et à populo eli-
gebantur, quod magis notorium est, quam quod o-
porteat nunc probari, Atq; hi, conditionibus,
quas Apostolus & canones exigeabant, magna ex-
parte, respondebant, aut certè non erant aulici, seu
Curtisani, antè omnia nondum in Ecclesiam Dei
tam horribiles prophanationes irruperant, atq; in-
undauerant, necq; Episcopi erant tam arctis iura-
mentorum vinculis Papis obligati, tantaq; tyran-
nide oppressi, vt nunc sunt. Cùm ergò essent cele-
branda concilia, hi accedebant, et nulla habita Papa-
rum, aut cuiusq; alterius ratione, quod sentiebant,
quod didicerant, in illis temporib. quæ fuerunt ali-
quando satis infoelicia & tenebrosa, liberè pronun-
ciabant. Quare si velit Papa, ut mos antiquus obser-
uetur, soliq; Episcopi in Concilijs sententiam dicāt,
vt fortassis olim siebat, reddat Ecclesijs antiquum
morem, permittat, quam sibi per tyrannidem usur-
pauit, Episcoporum electionē ciuitatibus, liberetq;
eos tam turpi seruitute, qua coguntur iure iurando
promittere, quod velint contra omnem hominem,
quicquid Papa voluerit, defendere, et tunc credide-
rim, nostrates nō recusaturos, ut tales Episcopi sint
Ecclesiasticæ doctrinæ iudices. H I L. Est locus non
parui ponderis, vt dixisti, sed hic dicerent Papistæ, si
putas veteres Episcopos non usq; adeò malos & sa-
crarum literarum rudes fuisse, ut sunt nostri tempo-

C. nulla
dist. 62.

DIALOGVS SECUNDVS.

ris Episcopi , cur ergo recusas parere Concilijs , in
quib. illi neq; indocti neq; mali interfuerunt? A T.
Non recuso parere , vbi video non esse deuiatum à
verbo Dei , sed vbi deuiatum fuerit , non possum
parere , prohibeor enim à uerbo Dei. HIL. Dicerēt,
non esse credibile , si fuerint boni & docti viri , quod
deuiarint à norma verbi Dei. A TH. Et tamen ap-
paret eos deuiasse aliquando , quemadmodum fece-
runt etiam ex patribus multi extra concilia , vt fue-
runt homines , & an reuerà deuiauerint , in hoc de-
mum petimus legitimam cognitionem : cunq; le-
gitimam dicimus , nihil minus intelligimus , quām
vt ea per tale Concilium fiat , in quo electi à Papis ,
iurati Papis , dependentes à Papis Episcopi , & qui-
dem soli , omnibus reliquis exclusis , sententiam di-
cant. HIL. Nihil quicquām potest in summa iusti-
us peti , & nullo modo isti possunt dici idonei , in
tam graui causa , iudices , vt stultissimè sint facturi ,
maximamq; ac incomparabilem iniuriam filio Dei
atq; eius Ecclesiæ , qui in talia Concilia , in tales iudi-
ces , consentire vñquam voluerint , absit à nobis tan-
ta impietas , vt spōsam Christi istis impuris Mitratis
prostituamus. A TH. Sed quid respondit Osius ad
id , quod ex Brentio recitasti , maximam scilicet par-
tem Episcoporum , nostri temporis , non responde-
re his conditionibus , quas Apostoli et Canones ex-
igunt. HIL. Sophisticatur , audi eius verba , Si non
alios Episcopos dari tibi iudices , vis , quām quales
descri-

describit Paulus, qui sīnt irrehēsibiles, etiam Pe-^c
trus Apostolus talis iudex nō erit, ut cōtrā eum ex-^c
cipere nō possis, scribit .n. Paulus, quod in faciē illi
restiterit: quia reprehēsibilis erat. Agnoscis cauilla-^c
tionem: A T H. Quid ni agnoscerem, cūm tā clara
et tam crassa sit: Apostolus primū inquit, oportet
re Episcopum irrehēsibilem esse, deinde comme-
morans, quibus demum laudibus oporteat eum esse
ornatum, ait, debere esse vnius vxoris maritum, vi-^c
gilantem, sobrium, modestum, hospitalem, A P=.
T V M A D D O C E N D V M, iustum, alie-^c
num à contentionib. atq; ab auaritia. Quocircā Brē-
tius verissimē dixit, maximā partem Episcoporum
nostrī temporis non respondere his conditionibus;
ego verò addo, eos his conditionibus esse prorsus
et ex diametro contrarios: Quis. n. non uidet, quām
turpi & obſcēna vita, quanta desidia & somnolen-
tia in grege pascendo, quām diffluant luxu, quanta
superbia et arrogātia, quām nulla in pauperes cha-
ritate, quanta imperitia, presertim sacrarū literarum,
quām iniusti & crudeles, quām cōtentiosi & litigi-
osi, quām deniq; auari sint pleriq; & lōgē maxima
pars eorum Episcoporum, qui creātur à Papis: Hoc
Brentius quæritur, hos negat esse, ut negamus oēs,
idoneos cœlestis doctrine iudices. Verum cūm O=
sius animaduerteret, se reuerā nihil habere, quod hic
posset ingenuè atq; solide respondere, rimulam in=
uenit, qua xgrē elaberetur, & aliquid respondisse
visus.

DIALOGVS SECUNDVS.

visus esset. Nam omnibus boni Episcopi conditio= nibus, quæ ab Apostolo describuntur, dissimulatis, vnicum duntaxat verbum arripit, atq; , vt audisti, cauillatur, inquiens. Si non alios dari tibi vis iudi= ces, quæm quales describit Paulus , qui sint irrepre= hensibiles , etiam Petrus Apostolus talis non erit. HIL. Probè intelligis argutiolam & fugam Osñ. A TH. Sed posset illi ad hunc modum responderi, Nempe Petrum, cum fuisset à Paulo obiurgatus, nō fuisse pertinacem, sed abiecisse errorem, ita , ut cùm in Concilio sederet , non fuerit reprehensibilis , sed idoneus iudex, Quare, si Osiani Episcopi , Petri ex= emplo, desierint esse pertinaces, et errores abiecerint, desistemus dicere , quòd idonei iudices non sint. HIL. Non displicet. Audi alium locum, qui statim sequitur. Brentius inquit , Quò nos in tanto dissi= dio vertemus, quem tandem iudicem , quod iudici= um agnoscemus? A TH. Qua de re loquitur: HIL. De iudicibus Concilij. A TH. Nullus est reuera in tota hac causa grauior & difficilior articulus, ita , ut nulla prorsus mihi videatur esse huius conciliandi spes : Nam necq; nos permittemus vnquam papisti= cis Episcopis, de cœlesti doctrina, decq; salute anima= rum nostrarum cognitionem & dijudicationem, non si millies moriendum sit, necq; vicissim papisticí Episcopi vnquam permittent, vt, vel unus, ex no= stris Theologis unà cum illis in Concilio, ut iudex sedere possit. HIL. Non est dubium. Cum ergo Brentius

Brentius tantam & tam grauem viderit in hoc articulo dissensionem, atq; difficultatem, audi quid subiunxerit. Breuissimis & perspicue respondebo: eum agnoscemus iudicem, quem in Symbolo Apostolorum iam inde ab incunabilis, & paterna atq; auita traditione (ut & nos aliquid traditionibus demus) didicimus iudicem viuorum & mortuorum. A TH. Pie & sapienter Brentius: Nam quo in tam ardua & desperata causa recurreret, nisi ad filium Dei, qui eam tandem definiat, quandoquidem inter homines de ratione & forma istius iudicij minimè potest conuenire: HIL. Ego idem sentio, non potuisse magis sapienter & pie responderi. Sed audi quid hic Osius. A T H. Iesu, audebit ne reprehendere: HILA. Et quidem acerrimè & virulentissimè, audi modo. Quid autem optarint aliud omnes Parricidae, Sicarii, Venefici, Fures, Latrones, & quotquot sunt criminis alicuius rei capitalis, quam, ut nullus esset in terris iudex alius, præter eum, quem profitemur ē cœlo uenturum iudicē viuorum et mortuorum, ut illis interea liceret, in quorum fortunas et capita libere grassari: A TH. Atqui Brentius non dicit, se optare, ut nullus sit huius causæ in terris iudex, quin potius semper ad piorum iudicia prouocat atq; suspirat, sed cum uideat nō posse inter nos de iudicib. conuenire, commendo (inquit) causam filio Dei, iudici uiuorum & mortuorum, cui, n. alij commendaret: H I. Osius, more suo,

L deprauat

DIALOGVS SECUNDVS.

deprauat sensum Brentij, fingitq; eum dicere, quod
nunq; illi, nec somnianti quidem in mentem uenit.
Sed arrige aures Athanasi, hic hinc audies modestiam
Episcopalem & prorsus Osianam: Postquam enim
enumerauit Parricidas, Sicarios, Veneficos, Fures,
Latrones, subiungit, Atqui multis modis uos istis
estis sceleratores. ATH. Proh deum atq; hominem
fidem. HIL. Pergit Osius. Qui non in corpora, ue-
rum in animas piorum grassamini. A TH. Verè hoc
saltem dicit, nos non grassari in uitam hominum,
ut Papistæ faciunt: Nullus enim ex illis fuit vn-
quam, propter doctrinam religionis, combustus,
suspensus, capite truncatus, aut aquis mersus apud
nos, cum illi interea plus quam centum nostrorum
fratrum millium, ob confessionem piæ doctrinæ,
tyrannice & crudelissime, hisce XL. annis per
carnifices interfecerint. Quod verò ad alterum at-
tinet, nempè ubi Osius dicit, nos grassari in ani-
mas piorum, Dei & piorum iudicio aestimandum
relinquimus, vtra pars in animas piorum graffe-
tur, Papistæ ne, qui tam crassas idolomanias &
blasphemias inuexerant, an nos, qui, vt eas, verbo
Dei tollamus, capita nostra martyrio obijcere non
dubitamus, HIL A. Audi quid subiungat A-
poscopus. Sed quorundam tandem res Brentio re-
dit: de principum officio scribere cum institue-
rit, ac propriam eorum munus esse docere, de do-
ctrina religionis iudicare, nunc & eorum & mor-
talium.

talium omnium iudicium excludit, neq; putat do-
 ctrinæ suæ quenquam idoneum esse iudicem, præ-
 ter solum Christum. A T H A . O infelicem O=
 sius, qui tam turpiter locauit ingenium & cala-
 mum Antichristo & Sathanæ, atq; ab illis edoctus
 impudentissimè calumniatur mentiturq; : Nam
 Brentium ardentibus votis, ad piorum iudicia
 suspirare iam diximus. H I L A . Pergit Osius,
 sed verè dictum est illud, quod omnis, qui ma-
 le agit odit lucem. A T H A . Subsistit obsecro,
 ut istum mitratum calumniatorem conuincamus,
 Brentius, ut causam nostram tueretur, anno
 M . D . L I . ad Concilium Tridentinum ac-
 cessit, Quid ergo vllulat Osius, eum odiisse lu-
 cem? Oderunt Papistæ, qui reuerà non possunt
 ferre cognitionem: tametsi enim Concilium ia-
 ctitent, tamen nihil minus habent in animo, quam
 liberum & Christianum Concilium peragere, per-
 ge. H I L A . Si te bonam habere causam Bren-
 ti consideres, legitimum Ecclesiæ iudicium non
 defugeres. A T H A . At hoc caput est, quod
 quale sit legitimum iudicium, disputamus, De
 hoc conueniat inter nos, & statim Brentius ade-
 rit atq; alij vnà cum eo, perge. H I L A R I V S.
 Quoniam uero tibi conscius es impiæ doctrinæ,
 sacrilegæq; separationis tuæ. A T H A . Subsi-
 ste, quæso, tam falso hoc de Brentio dicit Osius,

L ñ quam

DIALOGVS SECUNDVS.

quam possumus nos verè de Papa , deçp suo satelli= tio dicere totidem ferè verbis. Quoniam tibi con= scius es impiæ doctrine , sacrilegæçp tuę à uera Pro= phetarum , Christi , & Apostolorum doctrina sepa= rationis & rebellionis , idèò à legitima doctorum & piorum virorum cognitione , toto pectore , ab= horres , vellesçp nobis tuos Curtisanos , tuascç Lar= uas coniuratas pro iudicibus obtrudere : perge .

HIL. Præstabilius tibividetur , ut sit Anarchia que= dam inter Christianos , nec sit quispiam , qui uel co= gnoscat de sacrilegijs vestris , vel conuictos debitiss= pœnis afficiat , quò sic omnia uobis impunè licere queant .

A TH. Virulentissima & venenatissima sunt hæc verba , omniumçp Regum , Principum & Statuum , qui se nostræ causæ adiunixerunt , honorē rectā petunt : Nam non obscurè dicit , omnia impu= nè in eorum ditionibus licere , neminemçp esse , qui sit sollicitus , ne impia doctrina spargatur , & conui= ctos debitiss pœnis afficiat , cùm longè aliter res se habeat : Nam Clarissimi Reges , Principes & liberæ Ciuitates , qui , proiecto Papatu , Ecclesiæ ad Euan= gelij normam reformarunt , summa diligentia ca= uent , ne in eorum ditionibus quicquam doceatur , quod sit ab eorum confessionibus , & præscripto , quod verbum Dei habet profundamento , alienum , eos verò , qui aliena ab eo spargere ausos fuisse de= prehensi fuerint , debitiss pœnis afficiunt . In summa , qui causam hanc non haberet perspectam , Si Osium audiret ,

audiret, omnia impunè sub nostris Regibus, Principibus, alijsq; statibus imperij Euangelicis licere sibi persuaderet, & verè esse Anarchiam, hoc est, rebellionem licentiamq; multitudinis, quæ nulli obediatur. Obsecro te, indica mihi (si quidem nosti) quæ nam sit istius maledicentissimi & mendacissimi hominis patria, certè non crediderim Germanum esse: Vix enim posset homo, patria Germanus, Germaniæ Principes, cum ipsa Germania, tam atrocibus conuitijs & maledictis proscindere. Est ne Hispanus fortassis: HIL. Cum primum in librum incidissem degustassemq; , sanè suspicatus sum Hispanum esse, & ducere genus ab Osio illo, Episcopo Cordubensi, cuius magna fuit existimatio in Synodo Nicæna, ab hinc millibus ducentis annis, aut plus eo, præsertim cum nescio quis ineptus & malus vir (nomen puduit efferre) in præmonitione ad lectorem, non veritus fuerit hunc Osium cum illo veterè Osio componere, imo præferre hunc illi (si Dñs placet) impium scilicet & turbulentum Missificatorem cum pio & solido viro. A THA. Cuias tandem est: HIL. Pater fuit è Marchionatu Badensi, ipse Cracoviæ natus, consanguineus est Christophori Osij Iureconsulti. A TH. Noui hominem, bonum certè virum & doctum, nostræq; doctrinæ studiosum cum primis, ut maluerit è Camera Spirensi, ubi aliquandiu magna cum laude aduocatus fuit, abire, quām vel transuersum vnguem:

L iij à genuina

DIALOGVS SECUNDVS

à genuina Christi doctrina , & nunc Vvormatiæ
degit , augeat illi Dominus Spiritum & Fidem.
HIL. Adhuc audi alia Osiana conuitia , & calum-
nias inauditas intolerabilesq; , imo nunc primum
admouebo manus ad grauiores . Ait se posse recen-
sere historiam de quodam , qui cùm trium supersti-
tum vxorum fuerit maritus , à nostris tamen magno
cum plausu , excipiebatur , atq; in pretio habebatur ,
ob hoc solum , quod Lutherana dogmata in vulgus
spargeret . A T H. Turpissimum & plane Turci-
cum est , quis neget maritum esse trium superstitionis
vxorum . Sed fortassis , quæ iste affirmat , non sunt
vera , an non conuicimus eum mendacij sèpè ? Sed
fac esse vera , quærendum esset ab isto Osore , an cre-
dat in Papatu reperiri plurimos Cucullatos , tragicis
facinoribus coopertos , qui tamen solent audiri ma-
gno cum plausu , & in pretio haberí , ob hoc solum ,
quod mordicus Papatum defendant , & doctrinam
filij Dei insectentur . scio ego , & sciunt omnes , qui
inter Papistas versantur , innunerabiles esse huius-
modi , quibus per Papas omnia licent , dum strenue
se gerant in persequendis filijs Dei ; quocircà minus
malum fuerit audire maritum trium vxorum , qui
Christi doctrinam promouere studuerit (si modo
id uerum fuerit) quam sceleratissimum aliquem
Monachum , aut Episcopum , qui eam suis cōcioni-
bus impedit (ut solent) **HIL.** Deinde ait , in ditione
Protestantium , fuisse ascitum in Pastorem Ecclesie ,
habitumq; præclarum & idoneum quempiam , qui
fuerat

fuerat in schola carnificis, qui plures habuerat uxores, quarum unam rapuerat, & vixisse nihilominus inter scorta, uxore etiam spectante. A T H. Demus hoc contigisse, quod tamē falsum puto, sed demus, & non in uno duntaxat, sed in quinque aut sex locis, quid inde consequitur: H I L. Putat inde consequi, quod nostra doctrina sit mala. A T H. O ineptum argumentatorem & imprudētem etiam, qui nos in hoc genere prouocat. Certè si ex ministrorum moribus & vita aestimanda fuerit doctrina, bona ne ea sit, an prava, cui inseruiunt, omnium pessima & deterrima iudicabitur ea doctrina, quā Papæ cum suo satellitio profitetur: quia nec Hebræorum, nec Mahometanorum religio habet, neque puto ullam unquam habuisse ministros, qui fuerint uita inquinatiore & sceleratiore. H I. Audi quid niox subiungat, se posse rece nsere carnificem functum esse apud nos officio pastoris. A T H. Hoc quoque falsum crediderim: sed, ut demus fuisse uerum, sæpè in Papatu commendantur Ecclesiæ nō modo gregarijs illis sacrificulis & Monachis, sed his, qui uidentur splendere sub mitris & purpureis galeris, quorum mores & ingenia si respicias, minus malū iudicaueris, si corporum carnifici commendentur. An non sunt pessimi carnifex animarum, qui pessimo exemplo pessima doctrina ad inferos (quantum in ipsis est) animas protrudunt, deinde etiam corporum pessimi carnifex? Nam si quando possunt sceleratos ungues infigere in aliquem ex nostris fratribus,

hunc.

DIALOGVS SECUNDVS.

hunc statim multis tormentis crudelissime excarnificatum ad rogos & ad cruces rapiunt. HIL A. Sed quid hic dices Athanasi? Volo ipsos met sibilos Osi-
anos recitare , arrige aures; Sic autem iam est moribus receptum apud uestri Euangelijs praecones , si-
mul vt duas , aut tres uxores habeant , vt iam pro
crimine propemodum non habeatur , ac modo non in laude ponatur. A TH. O virulentiam &
impudentiam singularem , quo magis progredi-
mur , eò magis sentiuntur venenatissimi aflatius isti-
us viperæ , aut basilisci. Præcones ne Euangelijs , aut
etiam alijs , duas , aut tres vxores habent apud nos , &
id in laude ponunt : Vnicum duntaxat nominet ,
qui duas simul habeat , calumniatorum omnium
pessimus. Sacræ testantur literæ duabus præsertim
notis , aut tesseris. Antichristum dignosci , ex men-
datio scilicet atq; parricidio , Osium ergo insigne
Antichristi membrum merito dixerimus: Nam hic ,
vt alibi etiam , apparet , eum esse insigniter menda-
cem. Parricidam uero ex eo , quod nitatur Serenissi-
mi Polonorum regis animum inflammare , ut man-
det Vergerium trucidari , ubi cuncti inueniri posse ,
siue apud Illustrissimos Germaniæ Principes , siue
alibi , dummodo tollatur è vita. HIL. Nec fuit con-
tentus tam manifestum & tam turpe de duabus , aut
tribus vxoribus mendacium semel effutiuisse , idem
enim repetit alicubi , & posteaquam mentitus est
noscere esse Sardanapalos , Epicureos , Atheos , &
multis

multis in summa partibus deteriores , quām sint
 Prælati Papistici, quid potest horribilius dīcī? pro-
 rumpit in hæc verba; Quorum pleriqꝫ sunt tam in-
 exhausta libidine , vt ne coniunx quidem illis una
 sufficiat. A TH. Si non essem christianus, dicerem,
 ut te quidem omnes Dñ, Deęꝫ, superi, inferi (vt est
 apud Comicum) perdant Osi, sed cum christianus
 sim (Deo gratiæ) dicam, Deus det tibi saniorem
 mentem Osi. HIL. Sed audi hunc quoqꝫ locum,
 qui ad idem pertinet: Quis non facile perspiciat
 quæ sit honesta matrona , quæ contrà sit mulier a-
 dultera, & impudens meretrix? Hanc nimirum esse
 vos , apud quos N V L L V S E S T L E G I-
 T I M V S T H O R V S, sed vagi sunt concubi-
 tus. A TH. De quibus loquitur? HIL. De nostra-
 tibus , quos disertissimè appellat semen adulteræ.
 A TH. Iesu, quantum audet iste hypocrita. HIL.
 Qui respicit præcedentia, videtur quidem voluisse
 dicere, nos habere incertam atqꝫ illegitimam do-
 ctrinam & Ecclesiam (cùm tamen penes illos exi-
 stat notha & adulterina doctrina atqꝫ Ecclesia, Non
 autem penes nos) Sed talibus verbis maluit vti,
 quæ tum id , tum aliud quoqꝫ obiter denotarent,
 non esse scilicet (suo iudicio depravatissimo) legi-
 tum thorum, saltem eorum, qui uncti aliquando
 & bestiæ caractere insigniti fuissent , quasi his, iure
 diuino, non liceat matrimonium contrahere , Ta-
 met si aliud quoqꝫ fortassis designat grauius, quod-

M quæ

DIALOGVS SECUNDVS

què latius patet, quantum ego olsacio. A T H A.
Quid: HIL. Dicam, iste præfractus Osor videtur
mihi sentire, matrimonium eorum, qui vera fide nō
sunt illustrati, pollutum atq; impurum, ac pro scor-
tatione uel adulterio habendum esse: quare cum
putet nos minimè esse uera fide illustratos, imo pla-
nè hæreticos, consequi, quòd nostra matrimonia
non sint legitima. A T H. Atqui hoc fuit vnum ex
dogmatis Anabaptistarum regis, Ioānis illius Le-
densis, perditissimi nebulonis, imo cacodæmonis,
cui etiam Lutherus acerrimè respondit. H I L. Fuit
unum ex illius dogmatis, nunc verò à Varmiensi
Cacodæmone usurpatum. At nos, cùm Christiani si-
mus, decet modestius agere, non quidem, quòd Osio
parcendum sit: Nam merito debet ab omnibus no-
stris, ut mendacissimus conuiciator, & gloriæ Dei
atq; doctrinæ rabiosus insectator exagitari concu-
lariq;. Sed quia habenda est ratio bonarum familia-
rum, quæ sunt in Papatu innumerabiles, quas, ta-
metsi carere, magna ex parte, vera fide & Dei cog-
nitione videmus (utinam non carerent) non pro-
pterea retorquere in illas Osianum argumētum de-
cet. Absit: sed crediderim neminem mortalium, pre-
ter vnum Osium, qui est profligata audacia, ausu-
rum fuisse literis mandare, quòd nullum sit apud
nos legitimum matrimonium. Sed quòd vagisint
concubitus, quod perinde esse, ac si diceret, nostras
vxores

vxores esse meretrices, nostros liberos sputios, quis non intelligit: HIL. Si senserit se vrgeri, hoc nomine, nō deerunt Sophistæ effugia atq; subtiles interpretationes suorum verborum. ATH. Scio, sed boni viri in re tanti momenti, nō ambiguè lequuntur, sed declinant à verbis, quibus vident, posse tot & tantas familias conspurcari atq; irritari, quot nostræ religioni nomen dederunt, H I. Sic res est: non caret maxima reprehensione, qui a talibus verbis non abstinet, ubi agitur de fama decq; honore, in re tā graui, atq; tam seria. Sed cum dixerim, isti Sophistæ non defutura effugia & cauillationes, ubi senserit, se, ob tam acerba in nos iactata conuitia, reprehendi atq; urgeri, audi quemadmodum suspicor illum defensurum id quod dixerit, sic iam moribus receptum esse apud nostri Euangeliū præcones, simul ut duas, aut tres vxores habeant, ut iam pro criminie propemodum non habeatur, ac modo non in laude ponatur. ATH. Deum immortalem, quomodo tam horribilem, tamq; falsam calumniam excusare unquam posset: HIL. Audi, Hæc sunt Sleidanii verba ex libro decimo. Mox ille (loquitur de eo, cuius modo meminimus, Anabaptistarum regē) ternas dicit uxores, hoc exemplum alij quoq; sequuntur, ita quidem, ut etiam in laude ponetur, frequens matrimonij repetitio. Vides, ut verba quoq; eadē usurpet Osius, quib. Sleidanus usus est.

M ī ATH.

DIALOGVS SECUNDVS.

A TH. Video, & sanè crediderim, hoc esse quod exagitat Osius. Sed quid nobis cum illa bellua Monasteriensis, illam conuictis impetat, quod ternas uxores duxerit, aliosq; qui id exemplum dicuntur sequuti, non nostros, qui non modo multis libris æditis, verum etiam collata pecunia, collatis militibus, collatis tormentis, insectati sunt illam furiam à Diabolo excitatam, dum fuerit cum omnibus suis expugnata & grauissimis supplicijs affecta. HIL. Putat Osius, illum à uobis prognatum fuisse, propterea omnem illius immanitatem, omnesq; illius blasphemias nostris attribuit. A TH. Prognatus fuit à Diabolo, qui sperauit, se posse, illo abominabili partu, renascentem Euangelij doctrinam diffamare atq; extinguere. HIL. Sic solet Osius. Muncerum quoq; seditionissimum illum, sœpè nobis exprobrat, quem tamen nostri Principes diu, magna sollicitudine, insequuti, tandem capite mulctarunt, Ait in summa Osius, nos minimè debuisse à Paparum obedientia se subducere, & secessionem facere: quare nobis merito imputari omnes seditiones, omnes sectas atq; hæreses, quæ postea natæ sunt, quid tu hic illi responderes? A TH. Responderem, Papas primū non debuisse filij Dei doctrinam tam fædè tamq; horribiliter conspurcare atq; corrumpere, deindè non tanta immanitate tantaq; rabie resistere his, qui eam cupiunt purgatam, atq; in pristinum nitorem restitutam, quare ipsis Papis referri debe-

debere acceptas omnes turbas & calamitates, quæ posteà natæ sunt, vt non dubito, quin de omnibus illis sint apud Deum exactissimam rationem ipsi ipsi, maximo eorum malo, reddituri. Sed cùm impudentissimus conuiciator Osius mentitus fuerit, MORIBVS esse receptum apud Euangelij PRÆCONES, vt binas, aut ternas vxores habeant, idq; in laude ducat, quomodo docere posset, vllum vnquam, ex nostrarum Ecclesiarum ministris, exemplum illius nebulonis sequutum fuisse, binasq; aut ternas duxisse uxores, durauit enim Monasteriensis obsidio, paucis duntaxat mensibus, vrbe autem capta atq; illa fece rusticorum profligata, non erat amplius, qui binas, aut ternas duceret, Quid ergo Osor ait, moribus receptum esse, quasi tantum flagitium inde posteà dimanarit ad nostros, sitq; adhuc in vsu? Deinde cur audet dicere præcones Euāgelij hoc facere, cum nec Sleidanus, nec quispiam aliis ullum verbum de concionatoribus, qui binas aut ternas duxerint: HIL. Non est dubium, quin Osor instigatus à Sathana, qui repurgatas ab Idolomanis Ecclesias ferre non potest, voluerit eas, quasi polygamiam introduixerint, diffamare, à qua tamē, toto pectore, abhorremus. Sed referet præmium sua impietate suaq; impudentia dignum: Nam própe diem erit contemptui atq; ludibrio toti Europæ, ac non multò post præceps ruet ad suum magistrum. Sed audi Athanasi, quanta sit istius impudentia, sta-

DIALOGVS SECUNDVS.

tim enim, ubi nos falsissima & diabolica illa calumnia de duabus, aut tribus uxoribus, onerauit, subiungit: Non possunt isti sibi temperare quin ex schola sint profecti planum omnibus faciant, & ex emplo magistri sui, sannis, scommatis, dicteris, con uitris paru Christianis, libros suos infarciant. ATH. Sunt ne Osiu verba: HIL. Sunt, que statim subiunguntur (ut dixi) postquam mentitus est de nostrorum tam inexhausta libidine, ut ne coniunx quidem illis una sufficiat, hanc enim iniquus homo non putat esse calumniam parum Christianam, ut neque illum, quod nullum sit apud nos legitimum matrimoniū, Sed non solum haec, quae dixi, manifesta in nos mendacia effuriuit, sed alia multa quoque. Audi unum nunc insigne: Fecit se, in primo eius libro, Germanicarum Ecclesiarum censorem, arrogans, & omnia sursum & deorsum miscuit, quo illas toto terrarum orbe benè posset deformare & diffamare, nulla habita Regum & Principum, aut cuiusquam alterius ratione. Cum uero Sacramentarios seu Zuinglianos multis probris & maledictis prosigidisset, eosque esse multo peiores Lutheranis affirmasset, imò usque adeo immanes, ut soleant exhumer & patibulo affigere (in quo tamen mentitur) cadauera eorum, qui ad papisticam religionem deprehensi sunt, cum nostram prius fuissent amplexi. Cuncte prius dixisset, licet falso quoque (more suo)

suo) totam Augustam Vindelicorum esse Zuinglianam, quasi pro tribunali sedens, hæc uerba subiungit. Palam illud est, quod præter Saxonicas ciuitates, pauci admodum Lutheri receperunt Evangelium, omnes alij, siue apud Heluetios siue in GERMANIA aut Catholici sunt, aut SACRAMENTARII. ATHA. Salve Os cum tuo præfractissimo, hoc est, Episcopali & ministerato mendacio: Nam palam est, nullam prouersus, nullam esse, neq; Augustanam, neq; ullam aliam Ecclesiam in tota Germania, quæ Sacramentaria sit, ut appellant, aut Zwingliana, sed aliquot duntaxat Heluetiorum ciuitates. HILA. Vis aliud profaram, ex eadem penu Osiana, mendacium æquè magnum, atq; hoc quod nunc audisti: atq; eiusdem generis quoq; Accipe: Brentium seorsum à Philippo colligere, non obscurè indicat, seorsum ab eo conscripta Confessio & Patribus in Synodo Tridentina oblata, quod in iustificationis articulo non cum Augustana, sed cum Osandrina confessione sentire uidetur. ATH. Falsum est. HI. Falsissimum: Confessio enim Virtenbergica, anteq; Concilio Tridentino offerretur, ad Saxonicas Ecclesiæ per duos Theologos missa fuit, nempe Beurlinum et Isenmannum, bonos uiros & apprimè doctos, ut diligentissimè discuteretur, an hæc cum illarū ecclesiarum confessione per omnia conuenirēt.

Cum

DIALOGVS SECUNDVS.

Cum ergo Saxonici pastores pulchre utraque con-
gruere animaduertissent, subscripterunt V virten=bergicæ, & vicissim nostri subscripterunt Saxoniæ. Sed cum utraque omnibus obvia sit, legat qui ve=lit, statimque inueniet Osium esse mendacem, hoc est, Brentium, in confessione Synodo Tridentinæ ob=lata, non colligere, quo ad articulum Iustificationis, vt neque in alio seorsum à Philippo, sed prorsus idem docere, hominem scilicet iustificari, hoc est, Deo gratum & acceptum fieri, & peccatorum remissio=nem habere propter vnicam & solam obedientiam Domini nostri Iesu Christi, per solam fidem nobis applicantem, & hanc esse imputatam, siue imputati=uam iusticiam, de qua Apostolus ad Romanos & ad Galatas disputat. A T H. Nisi sperarem Brenti=um & Vergerium, ad quos in primis ea cura atque prouintia videtur pertinere, esse isti Osio responsu=ros, putarem consultum, vt nostrarum Ecclesiarum omnium nomine responderetur, ac Serenissimo Regi, totoque eius regno doctrina & causa nostra probaretur, istumque Apostolopum grauiter accusan=tes, vrgeremus, ut de eo tanquam de mendacissimo calumniatore poena exigeretur, Agitur enim hic de gloria Dei asserenda, & ab iniuria vindicanda, quo nullum potest esse negotium maius, & in quo magis deceat nos laborare, neque ullos labores, ullos sumptus, vllae pericula, aut quicquam aliud metu=ere, HIL. Verè tu quidem, sed que hactenus attigi, sunt

sunt quidem non leuia. A T H A. Imo grauissima sunt, quid tu extenuas? HIL. Dixi nō leuia, si cum his conferantur, quæ nunc audies. A T. Ergò grauius adhuc nos insectatur? HIL. Audi modo, nulum non lapidem mouet, ut sui Regis animum quantum potest abalienet à nostra causa: obiicit illi parentis, deinde omnium maiorum suorum exemplum autoritatemq; deinde ait, illum, cùm dia= dema Regium eius capiti imponeretur, tum Ecclesiæ Dei, tum Poloniæ regno obstrinxisse fidem iureurando firmatam, quod nunquam esset destitutus tueri & colere summum Pontificem cum Ecclesia Romana, in primis autem iste, exosus Deo, omni studio conatur eius Regiæ Maiestati insinuare (hic h̄c audies rem indignissimam, atrocissimamq; iniuriam, qua nō dubitauit afficere Reges, Príncipes, Status, omnes in summa, qui puriorem doctrinam amplexi sumus) fore scilicet, vt propediem Christiani esse desinamus, futuros autem Arrianos & Macedonianos. A T H. Iesu. HIL. Reuocaturos scilicet horum furores ex inferis, sopitosq; illos ignes suscituros, ut non simus amplius dicturi, id, quod nunc dicimus, Christum esse Deum, sed negaturi proculdubio, huc enim tendere omnes nostros co=natus, & nostra omnia studia, ut Christi et illius im= mensi beneficij gloriam obliuione sempiterna ob= ruamus (sunt eius verba) In summa videtur senti= re uisse nos incipere ab oppugnatione Roma-

N næ

DIALOGVS SECUNDVS

næ Ecclesiæ , vt ea ratione sternemus nobis ad Arrianismum commodiorem uiam. A TH. O malum & pestilentem virum Osium. HIL. Quin ait disertè Lutherum & Brentium ab Arrianorum sententia non multum abhorrere. A TH. Audet hoc quoq; dicere : HIL. En tibi eius verba: Ab Arrianorum sententia se (de Brentio loquitur) non multum abhorrere , sicut olim & Magister eius Luthe-
rus non obscurè præ se ferre videtur. A TH. Men-
titur de utroq;. HIL. Sed id mirandum in isto phrenetico , quod statim ubi tam graue conuictum in Brentium eructauit , verba Brentij recitat , quæ sic habent audi num prorsus phreneticetur , & disertè contrâ id quod modò dixerat adducat . Laudamus
maiorum nostrorum studium , quod operam dede-
rint , ut doctrina de vera & æterna diuinitate Chri-
sti , pura & sincera ad posteros transmitteretur. De-
inde inspiciat qui voluerit Confessionem ab ipso Brentio dictatam , in qua de Patre , de Filio , & Spi-
ritu sancto , ad eum modum affirmat se sentire , ad
quem Nicenum Concilium , Ephesinum primum ,
& Calcedonense statuit & definiuit . Certe qui ue-
ram & æternam diuinitatem Christi confitetur , &
Niceno , Ephesino primo , & Calcedonensi Conci-
lio subscribit , nihil minus , quam cum Arrianis co-
sentit. A TH. Nō est dubium. HIL. Alibi de Bren-
tio ait. Audi Athanasi , audi arrogantissimum cen-
sorē & petulantissimum (quod sœpè cogor dicere)
conuiciatorem Osium. Sed & Diabolici ingenij tui
(affatur

affatur Brentium) fallentē subtilitatē non tacebo, si= e
 milē, quod scriptum non est, decernis Patri Filium
 prædicari, ut æqualē Christum Deum, quod scrip= e
 tum est, taceas. ATH. Non video quid intersit inter
 similē & æqualē, cùm ab eo potissimum homine in
 hac causa dicatur, qui decreta Conciliorum, de qui= e
 bus dixi, grauissimis verbis se reuerenter suscipere
 profiteatur, semperq; professus fuerit. HI. Sed cum
 Brentio obīciat, quasi neget Christum esse æqualē
 Deo, audi, an reuera neget uel approbet, hæc sunt ex
 Prolegumenis pag. 69. Nec dubium est, quin cum e
 Patres Nicæni Cōcilij definierunt Christum filium e
 Dei ÆQVALEM esse Patri, essentia et maiestate, e
 Christus fuerit in medio eorum: quia tunc sequuti e
 sunt nō suas ipsorum opiniones, sed sententiā Spiri= e
 tus sancti in sacra scriptura traditā et patefactā. Quid e
 hīc poterit respōdere Osius, qui tanta impudentia et
 iactātia, literis mandare ausus est, Brentum esse dia= e
 bolico ingenio, quod tacere voluerit Christum esse
 æqualē Deo, cum ramen appareat eum disertissimè
 laudasse eos, qui definierunt Christum esse æqualē
 Deo? ATH. Heus Osi, quis nā erit dicendus homo
 fallax & Diabolico ingenio, Brentiusne an tu? HI.
 Alium locum adducā, ubi frigidissimā malignissi= e
 māq; Osi cauillationē videbis ferē eadē in re. Et in= e
 uocāt solum patrē D. N. Iesu Christi. Quod est hoc
 nouum locutionis genus, inuocāt solū patrē? Quid e
 si inuocent filiū? Quid si Spiritū sanctum inuocent? e
 iā eos nō cōuenisse dices in nomine Christi? An nō e

N ī hoc

DIALOGVS SECUNDVS.

hoc paulò antè dixeras , quòd non conuenit in nomine Christi: si cantetur Missa de Spiritu sancto, huius inuocationem excludi vis? Fortassis aliquid cum Serueto commune habes? A TH. Video calumniam: Nam cùm Brentius dixerit, inuocandum solum Patrem D.N.Iesu Christi, ut excluderet sanctorum mortuorum (ut ego arbitror) inuocatōnem, quæ tam frequenter Papistis est in vsu , Osius malitiosè interpretatur, quasi Brentius nolit Filium & Spiritum sanctum inuocari. HIL. Quod dicas non improbo, sed potest confodi & iugulari Osius uerbis ipsius Christi, quæ à Io. 17. Capite recitantur, nempè his, vt cognoscant te SOL VM Deum ue- rum, & quem misisti Iesum Christum. Osius ergo, stultissime loquitur, cùm ait, nouum esse locutio- nis genus , quod est vetustissimum. Verùm hoc quoq; audi . Brentius merito irrisit eos , qui initio Cōcilij canerent (ut dicunt) Missam de Spiritu sancto : Nam reuerà ridiculum est, ut in illa tam putida consarcinazione blasphemiarum , Missa nimirum, sumē exosa Patri, Filio & Spiritui sancto , Spiritus sanctus inuocetur. At cauillator Osius, ergo negas, inquit, inuocationem Spiritus sancti. A TH. Iesu, nunq; tantam futilitatem imperitiamq; , tanta cum malignitate coniunctā vidi. HI. Audi & hoc, Vi- disti q; grandi & horribili conuitio iste modō nix- us fuerit inspergere et cōspurcare Reges, Principes, ordines et status, omnes in summa, qui projecto Pa- patu,

patu, puriorē filij Dei doctrinā sectamur, quod scilicet propediem negaturi simus Christum esse Deum, quod perinde est, ac si diceret, nos uelle Mahometanam impietatem, abnegato Christo, suscipere. Hic malignitatem atrocissimam & incomparabilem uides, futilitatem uero in his audies, quæ statim subiungit: Quam etiam ob causam & Christi matis usum, & cruce signandi morem tot lædorijs & scommatis insectantur. A TH. Praeclara uero consequentia: negamus Chrisma & usum signandi cruce fuisse a Christo uel ab Apostolis institutum, ergo breuiſſiemus Turcae, aut Arriani, et Christum esse Deum negabimus, quis non stomachetur usq; adeo ne existimat suum rancidum oleum, seu Chrisma, morem q; illum cruce signandi externum esse cum Christi diuinitate coniunctum, ut hanc protinus neget, quicunq; illa externa signa, ab hominibus superstitionis inuecta, nō probauerit? A TH. Haud dubie iste Osor uenatur sibi imperitorum & vulgi Papistici plausum, cum tanta acerbitate, qui ricatur, quod isthec leuicula de suo Oleo, deq; signo crucis nostris scriptis reprehendamus. HIL. Hoc quidem uenatur, sed Papæ in primis gratiam: atq; una huc spectat, ut deformet & diffamet Lutherum, Melanthonem, Brentium, aliaq; organa, per quæ nobis Pater cœlestis, ut scripturas intelligamus, aperit sensum: Nam Brentio non modo id, quod nunc audisti, impudētissime impingit, quod

N. iii. scili-

DIALOGVS SECUNDVS.

scilicet Arrianorum blasphemis patrocinetur, sed aliud quoque itidem falsissimè. A TH. Quid id est? HIL. Quid de Eucharistia Brentius sentiat, nostis? A TH. Noui, cum Luthero scilicet, ut Brentij scripta omnia testantur, non est dubium, neque vñquam fuit. HI. Tamen Osius, ut eum accuset, levitatis atque incōstantiæ, affirmat illum nunc esse in Sacramentariorum partes propensiorem (vtor Osij verbis) et paulò post inquit: Sicut in alijs nonnullis ita & in hoc videris ab Augustana Confessione dissentire, quæ substantialiter in pane cōtineri Christi Corpus affirmat, si modo eo sensu prolatæ est de Eucharistia Confessio, quem in Apologia sua Philippus assert. A TH. Si quis ab Osiō quereret, quæ nam sint illa nonnulla alia in quibus audet dicere, Brentiū à Confessione Augustana dissentire, quid nam responderet tuo iudicio? HI. Meum iudicium est, quod Osius ignoret quid dicat. Brentius enim à Confessione Augustana neque in articulo de Eucharistia dissentit, neque in alio (ut diximus) A TH. Mirum, istum nō metuisse proditur alicundè hominem, qui de tam crassis mendacijs, quibus suos libros scatere intelligo, eum cōuinceret. HI. Mirum quidem hoc est, sed illud eque mirum, aut fortassis magis, quod in tanta luce Euāgelij, adhuc audet mordicus retinere, acerri meque tueri quedā absurdissima et enorūmissima, que ipsimet Papistæ sciunt, defendi nullo modo posse. Ostendam enim istum laudare, & mordicus tueri illas

illas tam multas gesticulationes, totumq; illum, ve-
luti sc̄enicum ornatum sacrificiorū, quo vtuntur
missificantes, deinde baptismum, seu benedictionē
Campanarū quoq;. A T. Iesu. H I. Imo totum illud
proluuium abyssumq; ineptiarū et blasphemiarum,
quæ in libro, cui titulus Pontificale, continentur,
A T. Serione loqueris? H I. Serio loquor atq; inge-
nuè, nō vtor calumnijs, ut Osius facit. Quid multis?
an nō audisti heri vocem ipsius, qua dixit, se velle il-
lam fidem adultum tenere, in qua natus est? Est aut,.
haud dubiè, natus, multò ante ortum solis Euange-
lici, in dēsissimis tenebris. In summa, quod ad illum
attinet, nec vsum quidem aquæ salitæ (ipsi benedi-
ctam nominant) fineret sibi extorqueri. Quid ergo
nōnulli adhuc expectant Paparū Concilia, in quib.
ipsimet Pape unā cum istis Osoribus, Asotis, Cani-
fis, Staphilis, Aujs, alijsq; huius farinæ hominibus
futuri essent iudices? totum Papatū strenuissimè re-
integraturi, nisi forte ad pristinas Idolomanias ali-
qd essent addituri, vt sane crediderim? A T. Vtinā
totus Christianus orbis hæc intelligat: nam simul
intelligeret, nullam vñquam, in tanta Euangelij lu-
ce, moderationem nullumq; pacis studium potuisse
se in istos induratos Osios penetrare, sed summam
atq; in dies maiorem in illis esse insolentiā atq; per-
tinaciam, qua nec tantillum ex his, quæ ipsimet sci-
unt (vt dixi) defendi nullo modo posse, condona-
rent, vt Rempublicam Christianam grauissimis dis-
fensionibus vscq; adeo exagitatam atq; concussam
tandem

DIALOGVS SECUNDVS.

tandem aliquando pacificarent atq; instaurarent.
Sed uaticinor fore, ut istis nunc idem eueniat, quod
antè XL annos contigisse uidimus. Cum enim ferè
superbissimi homines null'o modo potuissent, ut
uel abusus & nundinationes suarum indulgentia-
rum, uel potius imposturarum taxarentur, effecit
admirabilis Dominus Deus noster, ut ea occasione
tanta strages in papatum, per machinam uerbisui,
suerit inficta, quantam omnes uident; sic & dein-
ceps fiet. Cum enim isti Osores absurdissima quæq;
uelint mordicus retinere, cunq; audeant se iactare,
quòd nec leuiculis quibusdam medijs, aut indiffe-
rentibus rebus pacem redimerent, idem Deus, qui
opus cœpit, perficiet, lōgiusq; gloriam suam, quam
haec tenus fecerit, promouebit haud dubie. **HILA.**
Mi Athanasi, cogor tecum agere, quemadmodum
egisti mecum heri, & petere, ut boni consulas, quòd
nequeam hodie diutius tecum cōferre, abripit enim
me negotium satis graue. **ATHA.** Quid ni boni
consulam? Sed quando speras fore, ut rursus conue-
niamus? **HIL.** Cras manè (si Dominus uoluerit)
& conueniam te in tuis ædibus, feramq; ipsum Osij
librum, & reliqua audies, quæ annotauit aliquanto
ineptiora & monstrosiora his, quæ audiūsti.

ATH. Expectabo te, & prandebis
postea mecum. **HILA.**

Non recuso.

Dialogus

DIALOGVS TER[’] T I V S.

HIL. Salve Athanasi. ATH. Tu quoqz salue
 Hilari, video te fascem librorum ferre sub ala, ut
 rusticus agnum. HIL. En tibi librum, de quo heri
 & nudius tertius tam multa. ATH. Satis grandem.
 HIL. En tibi alium eiusdem autoris, satis fœcundi.
 Nam tres vno partu edidit. Lege titulum. ATH.
 De expresso Dei verbo libellus valde vtilis ac his
 temporibus necessarius, cum gratia & priuilegio
 Imp. HIL. Titulus, propter quem vadimonia de-
 seri possint. ATH. Ita est, nisi sciremus esse Dilinge
 impressum. Id miror, ubi ait necessarius, nō additū
 fuisse ad SAL V T E M: Nam puto Dilingensem
 Purpuratum omnino credere, hunc librū esse ad
 salutem necessarium, vt sunt fidei articuli, in Sym-
 bolis comprehensi. Vidistin tu? quid ait tandem?
 HIL. Inspexi duntaxat aliquibus in locis, & for-
 tassis ostendam tibi vnum atqz alterum: hoc autem
 in primis mihi videtur agere, ut, quantum possit,
 extenuet Dei verbum, & sacræ scripturæ autorita-
 tem detrahat, vt non sit ex expresso Dei verbo, quo
 sentiunt se vrgeri & iugulari, iudicandum, sed ex
 Traditionibus, aut interpretationibus Paparum
 suarumue creaturarum. Visum est mihi veluti
 quoddam Epitome istius maioris voluminis. A T.

O Sepona-

DIALOGVS TERTIVS

Seponamus obsecro : Nam videor mihi sentire te-
trum odorem. **HIL A R.** Lege istius minoris titu-
tulum. **A T H A.** De eo, num calicem Laicis, & v=
, xores sacerdotibus permitti , ac diuina officia vul-
gari lingua peragi fas sit. **HIL A.** Hunc perlegi.
A T H A. Quid tandem : **HILA.** Nullo modo
potest pati, ut calix Laico, vt vxor sacerdoti permit-
tatur, atq; ut diuina officia (ut ipse vocat) vernacula
lingua peragantur. **A T H A.** Ista pertinacia atq;
arrogantia proderit gloriae D. Dei nostri promo-
uendæ , ne dubita. **HIL A.** Obstupeceres autem,
si videres , quām ineptis & frigidis, in primis quām
à uera pietate alienis argumentis vtatur. Prodit se
quòd Euangelium summè oderit , ut uerè est illi o-
dor mortis, ita conatur illud, quacunq; ratione po-
test (ut dixi) deprimere & extenuare, ut etiam con-
iecturis aliquando agat , quo destruat apertum Dei
mandatum. **A T H A.** Coniecturis ne contra aper-
tum Christi mandatum : obliterantur ne Christi
mandata ullis coniecturis : **HIL A R.** Sic ipse ex-
istimat , ait enim fortassis Ephesini Concilij autori-
tate vsum vtriusq; speciei fuisse abrogatum , sed
acta eius Concilij integra non extare , quibus hoc
potuisset clarè euincere , sed tantum fragmentum,
& affert, non reñciendas(ut ipse dicit) coniecturas.
quibus doceat Ephesinum Concilium statuisse , pro-
sen-

sententia Papatus. A THA. Licuisset ne Ephesi-
no , aut Calcedonensi , aut Niceno , aut cuius de-
mum Concilio abrogare mandatum Christi ? V=
num velim scire , quid iste respondeat Gelasio ,
cuius in magno (ut appellant) Decreto verba sunt
inserta, quæ habent : Aut integra Sacra menta per-
cipiant , aut ab integris arceantur ? HILAR.
Sentit se valde urgeri a Gelasio , ut video , est enim
valde sollicitus , quomodo ab eō se explicet . A TH.
Quid ait tandem ? HILAR. Multa , inter alia,
eos , qui ante nos cum Papistis de hoc articulo
contenderunt , Boemos in primis non fuisse vsos
Gelasij autoritate , citra autem dubitationem ullam
libenter fuisse vsuros , si vidissent Gelasium pro se
facere . A THA. Ridiculum caput , ergo non li-
cebit nobis aduersus Papistas , ullis scripturis , ar-
gumentis , & autoritatibus vti , nisi illis ipsis præ-
cise , quibus vni sunt alii ante nos ? Vnde hausc
istud topicum ? HILARIVS. Ex peruersita-
te sui cerebri , qua Gigantum more pugnat cum
Deo. Deinde ait , uerba Gelasij ad solos Sacerdotes
pertinere . A THA. Vnde illi constat , cum nul-
la sit apud Gelasium sacerdotum mentio ? HILA.
Glossatorem , inquit , Thomam de Aquino , & Ar-
chidiaconum , explicantes ea verba , ab integris
arceantur , dixisse , ut aut ambo , panem scilicet &
vinum consecratum accipiant , aut abstineant à
O. ñ celebra-

DIALOGVS TERTIVS.

celebratione missarum , vt neutrum conficiatur.
ATH. Meræ nuge, En tibi Gelasij verba, quæ me-
moriæ teneo, cum summè mihi placeant. Comperi-
mus, quod quidam sumpta tantummodo corporis
portione, à calice sacrati cruoris abstineant, qui pro-
cul dubio , quandoquidem nescio qua supersticio-
ne docentur astringi, aut integra Sacra menta percis-
piant, aut ab integris arceantur, quia diuisio vnius
eiusdemq; misterij sine grandi sacrilegio non potest
prouenire. Quid hic audis, quod possit ad sacerdo-
tes, vel confidentes (vt aiunt) detorqueri: loquitur
enim de laicis, procul dubio, qui sumpto pane seu
corpore, abstinent à Vino, seu sanguine, vt in Pa-
patu fit. ATH. Non est dubium, & ipse met Osius
tandem videtur agnoscere interpretationem, quam
attulerat, esse alienam à verbis Gelasij, quare accurrit
ad aliam anchoram ; satis infirmam : Ait enim non
reperiri integrum eam Gelasij epistolam, vnde Gra-
tianus ea verba produxit . ATH. Quis possit sinè
nausea audire tam putida : Dicat mihi Osius, putat
ne Gratianum sibi confinxisse istud epistolæ frag-
mentum (si modo fragmentum est) & non potius
ex integro descripsisse: HIL. Aliud eodem in loco
annotavi æquè ridiculū, aut magis fortassis. Quan-
do nihil ex ea Epistola habemus præter fragmen-
tum istud, quod adfert Gratianus, quo alio sensu
verba hæc accipi oportet, quam quo Gratianus eis
vñsus esse videtur; Porrò quo sensu sit eis vñsus, ex a-
liquot

quot canonibus, qui præcesserunt in ea distinctio= e
ne, facile quiuis perspexerit, qui non de alijs, quam c
de sacrificantibus loqui videntur. Sunt Osiana ver= c
ba, in quibus primùm falsum puto, quod in præce= c
dentibus canonibus, non de alijs, quam de sacrifi= c
cantibus loquatur: Nam de laicis quoq; mihi vide= c
tur loqui. Deinde an num absurdissimum illud est,
quod ait, nos debere illius fragmenti verba eo sensu
intelligere, quo à Gratiano sunt adducta: Quid si
Gratianus aliquid male intellexisset in alijs Patrum
sententijs & scripturis diuinis, quas compilauit (vt
solet male intelligere, atq; errare, qua de re extant bo
ni libelli) cogerentur ne lectores sequi Gratiani in= c
scitiam, & non potius verum sensum verborum,
quæ sunt adducta: A T H. Portentosum est, in tam
paucis verbis & ferè in uno paragraphe apparere
tot fēdos lapsus. Sed cūm meminerit glossatoris hu
ius canonis, cur non produxit eiusmet verba: quæ
scio huiusmodi esse, vt si Papistæ possent ea dispu
nere, aut supprimere, valde libenter facerent. A T.
Quæ nam ea sunt: H I L. Omnidō contra id, quod
ipsi de Eucharistia sentiunt, sed ea nunc missa facia= c
mus. Audi quid eodem in loco Osius: utinam, in= c
quit, apud istos Gelasij valeret autoritas, nulla nunc c
de speciebus Sacramenti esset altercatio: atq; vbi c
hoc dixit, & Gelasium magnum fuisse virum, & o
mni laude dignum affirmauit (quod nos non dif= c
fitemur) producit verba, quibus Gelasius monet:

O iii debere

DIALOGVS TERTIVS.

debere inconuulsum firmumq; constare, quicquid
Patres semel sanxerunt secundum scripturarum
tramitem. Adducit ergo Osius diserte contra se
& pro nobis: Nostrum enim est hoc axioma, ut
manere debeat inconuulsum firmumq; quod Pa=
tres & maiores nostri sanxerunt, S E C V N=
DVM S C R I P T V R A R V M T R A=
M I T E M, At Osi & reliqui Papistæ con=
tendunt, debere inconuulsum manere, quod ma=
iores nostri, etiamsi non secundum diuinæ scrip=
tuæ sanxissent: satis enim putant, si maiores no=
stri aliquid sanxerint, hoc tantum spectant, hoc
adorant, quicquid Christus Dei Filius sanxerit.

A T H A. Dixisti mihi statim initio, istum esse iu=
dicio prauo, & semper magis in ea opinione con=
firmor. HIL A. Quæso te Athanasi sine me ad=
huc expaciari in hoc campo, vt agnoscas, quām sit
pertinax iste Hypocrita. Animaduerto primum
Carolum Quintum Cæsarem, deinde Paulum Pa=
pam eius nominis ij. cum omnibus Cardinalibus,
hoc est, cum tota Romana Ecclesia (vt ipsi interpre=
tantur) deinde Aloysium Lippomanum, Vero=
næ Episcopum, quem Osius suscipit & summis lau=br/>dibus effert, Postremò ipsum Asotum Dominica=br/>num, quē idem Osius vbiq; venerabilem & insignē
virum prædicat, animaduerto inquam, omnes hos,
quorum maxima & incomparabilis est apud O=br/>sium autoritas, censuisse calicem laicis esse permit=br/>tendum,

tendum, & tamen non commouetur Osios, vt cum
illis consentiat, vscq; adeò est durus & solitarius,
quin & fascinatus Papalibus præstigijs. A T H.
Scio de Carolo Quinto, qui in libello, quem Inte-
rim appellant, nō solum calicem laicis, sed ministris
Ecclesiistarum vxores, Cæsarea autoritate, permisit, de
reliquis, quos nominasti, an ita senserint, me latet.
H I L. Paulus iij. Anno virginiei partus M. D.
X L V III. Pridie calendis Septembris, tres in
Germaniam legatos misit, quibus mandatum, de
consilio & assensu omnium Cardinalium (sic enim
habetur in bulla) dedit, vt potentibus sibi permitti
calicem, aut usum utriuscq; speciei, non denegarent:
ea bulla passim extat, impressa Basileæ, curante Ver-
gerio, apud Oporinum. A T H A. Memini nunc
istius legationis, hunc titulum iactabat, pro redu-
ctione multorum populorum Germanicæ natio-
nis, & memini etiam, eam multos, magno cachi-
no, usisse prosequutos, & nec mulierculam quidem
fuisse inuentam, quæ voluerit ad Papatum reduci.
H I. Ea ipsa Legatio est. A T H. Sed vnde scis Lip-
pomanum Veronæ Episcopum sentire, calicem lai-
cis esse permittendum? certè in ea ad Illustrissimum
Radziuillum, cuius suprà meminimus, Epistola ali-
ter sentit. H I L. Quicquid in ea Epistola videatur
sentire, is fuit unus ex tribus legatis, qui bullam &
mandata, de quibus dixi, per Germaniā circumfere-
bat,

DIALOGVS TERTIVS.

bat, cedo, passus ne fuisset legationem ad se deferri, in qua contra suam ipsius conscientiam calicem laicis permitteret: non est credibile de viro, quem Osius tantopere admiratur. A T H A. Sed de Asoto quomodo docebis idem sentire? Nam de reliquis, quos nominasti, videris mihi belle docuisse. H I L. Cum libellus, de quo dixi, cui titulus INTERIM quem nonnulli sphingem, nonnulli chymeram appellant, monstrum cerre fuit horrendum, fuisset in comitis Augustanis, anno M. D. XLVIII. lectus, non dico perfectus, sed cum pauca quædam eius verba lecta fuissent (nota est historia, quā multi non libenter audiunt, cum recitatur, ne in memoriam hominum reuocetur, quo artificio penè opprefsi aliquando fuerimus) is mansit aliquandiu penes Asotum, qui in plerisque locis eum inuertit, suo modo, atque corruptit; cum vero non attigerit locum, in quo calix laicis concedebatur, ergo probauit quæ non expunxit: ut placet hoc genus collectionis? A T H. Quid ni placeret? Sed Osius patronus, seu curator Asoticus abs te primum quæreret, unde scias libellum fuisse corruptum? H I L. Responde rem, à bonis & grauibus viris, quibus licuit eum legere, antequam ad Asoticos unguies peruenisset. A T H. Quid si deinde peteret, vnde scias ab Asoto fuisse corruptum? H I L. Responderem, is fecit cui prodest, proderat monacho Asoto, ad auctupandam Paparum gratiam, si corrupisset, ergo is fecit. A T. Quid

Quid si Osius amplius urgeret peteretq; , quomo= do scias libellum in potestatem Asoti peruenisse? HIL. Quia propriè ad Asotum, qui tunc fuit à Cō= fessionibus Caroli Quinti, pertinebat , eius Mon= stri curam habere , imo multi sunt in ea opinione, quòd Asotus libellum conflat, adiutus tamen ab illo præclaro triumuiratu , Flugo, Sidonio, & Isle= bio Agricola. Sed si plura adhuc Osius à me in hac causa peteret, ablegarem illum tum ad multos Prin= cipes , tum maximè Augustam Vindelicorum, vbi res gesta est, & quotquot sunt aliqua autoritate viri affirmabunt, verissima esse quæ dixi. Quin causam quoq; adducerent, quamobrem Carolus V. Aso= tum loco amouerit & proiecerit à se. A TH. Quam causam adducerent; HIL. Quòd Asotus perpetuò & importunissimè in auribus Cæsar is instillaret, & latera eius urgeret , eum saluum fieri nullo modo posse , nisi omnes Lutheranos gladio absumeret. A TH. Memini me idem à grauissimis uiris sæpè audiuisse, quanquam alia quoq; causa affertur, quòd scilicet Carolus V. præsensisset Asotum effutiuisse nonnulla , quæ in Confessione ipsius Cæsar is audi= issent, & puto utrancq; esse veram : sed digressi vide= mur à libro Osiano. HIL. Minimè gentium, om= nia enim hæc pertinent ad detegendam incompa= rabilem impietatē & pertinaciam Osij, qui nec Cæ= saris, nec Papæ , nec Cardinalium , nec aliorum vi= rorum, quos ille maximi facit, autoritate permoues= tur,

P
tur,

DIALOGVS TERTIVS

tur. At in quo demum articulo? Certe in eo, qui
multo minus potest à Papistis defendi, quam qui-
uis alius ex controuersis. ATHA. Facit ad rem,
non nego, ut facit etiam, quod de Asoto, quem O-
sius tantopere admiratur, attigimus: sed dic mihi
Hilari, potes ne mihi indicare, quid iste de Concilijs
scribat: HILAR. Possum, ait in summa, omnia es-
se sacrosanctissima, nos autem rejecere, quicquid illa
statuerunt, audi eius verba. Quicquid à sanctis pa-
tribus traditum, quicquid Conciliorum autoritate
constitutum, quicquid incredibili totius orbis Chri-
stiani consensu, tot seculis est receptum, id tanquam
hominum commentum rejeci voluistis. ATH. Falsa
omnia, Proh Nefarium criminatorem Osium; Non
enim rejecimus promiscue quicquid Patres, quic-
quid Cœcilia, quicquid Christiani orbis consensus in-
uexerit, imo multa quæ sunt in Patribus reuerenter
suscipimus, & multo sunt plura ea, quæ suscipimus,
quam quæ rejecimus, ut suscipimus etiā multa à Cō-
cilijs constituta, & à Christiani orbis consensu cōpro-
bata. Sed duntaxat rejecimus, quicquid alienum à
uerbo Dei inuestum fuerit, siue à Patribus, siue à
Concilijs, siue à toto terrarum orbe, siue ab Angelis,
siue ab Apostolis fuisset inuestum, quod ita nos di-
uinus Spiritus per Apostolum moneat, ubi inquit,
Si Angelus ē cœlo, aut nos, nosti reliqua. HIL. Iste
omnino cōtra. Cum enim Euangelium habeat, BI-
BITE EX HOC OMNES, homines autem
nescio

nescio qui mitrati et laruati, sedentes in Conciliabulo Basiliensi & Constantiensi, effutuerint hæc verba: Licet Christus instituerit sub vtracq; specie, tamē hoc NON OBSTANTE (sic enim prouersus, diserte derogant mandato Christi) statuimus, ut cōtrarium fiat: Eccē, diuinus Spiritus monuit, necq; Angelis, neq; Apostolis Iesu Christi licere, contrā mandatum Christi, quicquam statuere, sed anathema esse, qui securus statuisset, isti contrā, feriunt enim anathemate, et in ignem coniiciunt eum, qui Christi institutionem prefert ordinationi hominum, & quorum demum hominum carnalissimorum et crudelissimorum. Sint quidē quanta volueris sanctitate & virtute, nunq; licebit eis, nunq; à Christi institutione, vel latum vnguē, ullam ob causam, discedere: sed quales Patres, quales laruæ, in Conciliabulo Cōstantiensi fuerint, apparet ex multis quidem, sed pricipuè ex ea condemnatione, quā tulerunt in Ioan- nem Hussium & Hieronymum de Praga, quos ad se, sub fide publica (si Dñs placet) vocatos, in teterimum carcerem illico condiderunt, O venerabiles Patres: post annum vero, cum vidissent illos tenebris, squalore, inedia, & frigore bene fuisse maceratos, & excarnificatos, audierunt quidē pro se dicentes, sed tanta impatientia & indignitate audierunt, quanta testatū reliquit suis literis Poggius Florēnus, homo Papista, ne quis forte putet è nostratisbus eū fuisse, cū illos martyres Christi sumōge laudet, &

P. n̄ durissi-

DIALOGVS TERTIVS.

durissimè cum illis ætum fuisse demonstret, deinde
de flammis crudelissimè vtruncȝ absumperunt, ad
hunc ne modum celebrantur Concilia: In istis ne
præsidet Spiritus sanctus: Ista ne præfert Osius cla-
ro & aperto verbo Dei: Quod nam autem clarum
& apertum dicendum erit, si hoc nō erit, BIBITE
EX HOC OMNES: & apertum esse fatetur
Decretum ipsum conciliare, in quo ita habetur (ut
modo dixi) licet Christus instituerit sub VTRAVC
specie: sub utracq; inquit, Christum insti-
tuisse, imo fatentur quoq; in Primitiva Ecclesia fu-
isse usum duplicis speciei, tamen hoc non obstante
contrarium decreuimus. O elegantes homines: Cur
autem contrarium decernitis? Quia, inquit Osius,
institutio Christi, tacito quodam consensu totius
Ecclesiæ Catholicæ, fuerat abrogata. A TH. Dicit
hoc Osius: HIL. Audi num dicat, & quidem diser-
tissimè: Ex quo tempore, Germaniæ pars, que nobis
est vicinior, Christi recepit Euangelium, ex eo usus
utriuscq; speciei, tacito quodam consensu totius Ec-
clesiæ, fuisse videtur abrogatus. A TH. Miseret me
hominis, qui cùm legerit apud iureconsultos, leges
ciuiles, tacito cōsensu omnium, per desuetudinē ab-
rogari, idem putat potuisse fieri de institutionib. &
præceptis Christi, o præposteri iuditij hominē. Quid
potest magis blasphemum dici: Verbum enim Do-
minii manet in æternum, non potest præscribi, non
potest abrogari, nec tantillum mutari, necq; ab An-
glo

ff. de legi-
bus, L. de
quibus.

geliſ quidem, aut ipſiſmet Christi Apostoliſ (ut mo-
do diximus) cur ergo poſſit ab iſtiſ Oſijs: HIL. Sed
miſereat te eorum Patrum quoq; , qui in Concilio
Constantiensi & Basiliensi fuerunt: Nam licet hi mi-
nimè vtantur eiſdem prorsus verbis , quibus vtitur
Oſius, quòd ſciliſet, tacito quodam conſenſu homi-
num, poſſit abrogari mandatum Christi, tamen idē
prorsus pronuntiant, en tibi verba. Cum huiuſmo-
di conſuetudo (de danda ſciliſet vna duntaxat ſpe-
cie) ab Eccleſia & sanctis Patribus rationabiliter in-
troducta, & diutiſſimè obſeruata ſit, habenda eſt pro
lege. Et totidem uerbis agunt Basiliensēs quoq;,
quid attinet recitare;. A T H. Miseret me eorum
quoq; ſed magis Oſi, qui incidit in magnam lucē,
& foelicitatem ſcripturarum, & tamen uſq; adeo ce-
cutit. Sed cum iſti Patres Oſiani recipiant atq; ap-
pellent rationabilem atq; laudabilem eam conſue-
tudinem , quaē fuerat inuecta contra tam apertum
verbum Dei, ablego illos ad eorummet Canones,
qui ſunt in decretiſ, diſt. 9. in omnibus enim illis cō-
tinenter , & ſunt decem numero, clarissimiſ verbis
pronuntiatur. Non debere conſuetudinem rationi
& veritati p̄ferri , Abolendam eſſe conſuetudi-
nem, quaē eſt veritati contraria . Dixiſſe Christum
ego ſum veritas, nequaquam ego ſum conſuetudo.
Conſuetudinem ſine veritate errorem eſſe, verita-
tem ualere, inuaſcere, & in æternum uiuere, Chri-
ſtum ſolum audiendum, & non debere nos ſpecta-

P ij re quid

DIALOGVS TERTIVS.

, re quid aliquis antè nos faciendum putauerit , sed
, quid primus, qui antè omnes est, Christus fecerit, &
multa huiusmodi præclara , modò ab illis seruaren=
tur, In summa latissimum cāpum, in quo aduersus O=
sium excurrat, habiturus est, qui prouintiā suscepere rit
respondendi, in hoc præsertim articulo. Sed redeo
ad id, quod modò interrogaram, obseruasti ne quo=
modo is definiat concillum, cui credi oportear? **HIL.**
Antequam de hoc respondeā, quælo, sine me unum
adhuc atq; alterum locum ex eodē Dialogo afferre.
A T. Affer quicquid vis, audio. **HIL.** Osius est in
numero superstitionis morum illorum hominum,
qui nullo pacto ferre possunt, ut Biblia in uernacula=
lam linguam uertantur. **A TH.** Bonum ingenium
narras, & verè Episcopale. **HIL.** Multò minus, vt
in templo, cùm preces fiunt, aut officia (vt ipse vo=
cat) diuina peraguntur , sonet vlla vox vernacula;
satis enim esse putat, si verba diuinarum scriptura=
rum aures nostras, licet obscura et non intellecta, fe=
riant. **A TH.** Apostolus longè aliter sentit. **i. Cor.**
14. cui oportet nos credere , Paulo ne, an isti Osio?
HIL. Mirè cauillatur contrà locum Pauli , & de=
mum dicit licuisse Ecclesiæ id, quod Paulus docuit,
mutare. **A THA.** O ineptum , imo blasphemum
hominem. **HIL.** Sed aliud audi etiam absurdum
> atq; blasphemum, Si , inquit , creditum est à geni=
> bus , quod quædam carmina , quas præcantationes
> appellant, quibus istud artis est , insusurrantes , no=
minibus

minibus quibusdam compellatis , quæ nec ipsi quidem , qui inuocant , norunt , ex solo vocis sono uel sopiantur serpentes , uel etiam de cauernis per trahantur abstrusi . A T H A . Iesu , Iesu , quid audiamus . Ergo Osius vult , ut imitemur quod fecerunt Ethnici , nō quod Paulus docuit , atq; ut per sonum sacram Scripturarum non intellectarum popellus incantetur , ut incantantur serpentes : H I L A R . Rem tenes , quare non recito reliqua , quæ hic subiungit Osius , sed alibi sic ait : Angeli assistentes in conspectu Domini , & videntes faciem eius , libenter & gratae accipiunt , si semper verba scripturæ , & horum nominum appellationes veluti carmina quædam & præcantationes ex nostro ore proximamus . Et paucis interiectis : Si ergo vides , o auditor , aliquando legi scripturam in auribus tuis , quam non intelligis , & sensus eius tibi videtur obscurus , interim scias te hanc primam suscepisse uitilatem , quod solo auditu , velut præcantatione quadam , noxiarum virtutum , quæ te obsident , & quæ tibi insidiantur , virus depellitur , & fugatur . Obserua tantum , ne efficiaris , sicut aspides surdæ , & obturantes aures suas , ne auditant voces incantationis & beneficij . A T H A . Iesu , Iesu , iterum exclamo , plenus magno stupore : Nam video istum omnino putare , uerba diuina non intellecta , in templo pronuntiari pro incantatione , & pro

DIALOGVS TERTIVS.

& pro beneficio, an in eum usum fuerunt nobis dicitur Dei descripta? HIL. Teget se auctoritate Origenis, qui ad eundem modum videtur sentire, cuius etiam uerba recitauit. A TH. Quasi Origenes, in ea duntaxat re, fœdissime lapsus fuerit, an non nosti Hieronymum Origenis multos errores acriter infestatum fuisse? ergo solet saepè & grauiter errare. HIL. Non est dubium, quin hic quoque errauerit, Sed Osius, ut est praui iudicij, in eo potissimum Origenem sequitur, in quo errauit, Sed audi haec quoque, Si non promendae sunt, vel non audiendae precationes, nisi quas intelligas, quid ex eo consequetur aliud, quam nullum fore in Ecclesia Dei Psalmorum usum, quos David conscripsit? Quotum quemque enim reperies, etiam ex doctioribus, qui sententiam eorum assequatur, quacunque tandem lingua promantur? Hactenus Osius, qui magna contumelia afficit Spiritum sanctum, & Davidem, cum dicat eum dedisse Ecclesiae Psalmos, qui non intelligantur, sicut alibi vociferantur isti, sermonem diuinum esse ambiguum, velut Sphingos ænigmata. Non diffitemur pleraque in Psalmis esse, paulo obscuriora, sed multo maxima pars, si à doctis & prijs viris fuerit diligenter, in vernacula linguas, conversa, etiam à vulgo plane intelligi, & cum dulcissima consolatione & magno cum fructu legi & decantari videamus. A TH. Omnipotens ineptè & stulte raciocinatur Osius, si non promouendae sunt vel non

non audiendæ precationes, nisi quas intelligas, nulus futurus est in Ecclesia Psalmorum vsus, quod pauci eos intelligent. Quorsum ergo putat esse à maioribus institutum, ut decantetur in Ecclesia res obscura & non intellecta: HIL. Quorsum: nonne audisti modo, ut talibus præcantationibus, & ueneficijs populus præmuniatur à noxijs & veluti incantetur: A TH. Verè incantatur & dementatur ab istis nugis & præstigijs Osianis, HIL. Audi que sequuntur: Habemus, in linguam vernaculam conuersam orationem dominicam, quam multos au tem inueniri putas, qui vel tertium illius uerbum, saltem ad literam intelligent: certè ex imperita mul titudine vix centesimum quemq; vt interim de sen su taceam, Quis non videat Osium liuore & odio hinc latrare, ut diffamet usum vernaculæ linguae in precibus: A TH. Vnica duntaxat ratione posset excusari, si quis videlicet diceret orationem Dominicam non fuisse diligenter & verbis perspicuis in linguam Polonicam conuersam, si enim fuerit recte conuersa, falsissimum est, vt nec tertium verbum, saltem ad literam, intelligatur, HIL. Statim subiungit: Apud Russos, neq; græcæ, neq; latinæ linguae in sacris vsus est. Nunquid autem, quæ pronunciat sacerdos è populo quiuis intelligit? pleracq; ne sacerdotes quidem ipsi, nemo tamen apud eos quiritur, officia diuina, lingua non intellecta decantari. Expende Osiaticum argumentum. Russi non que-

Q runtur

DIALOGUS TERTIVS

runtur officia diuina, lingua non intellecta, decantari, ergo male faciunt reliqui populi, qui cuperent ea decantari tali lingua, quæ posset ab ipsis intelligi. A TH. Hoc perinde est, ac si quis diceret, Varmensis Episcopi Diocesani libenter versantur in illis te-nebris, in quibus ab Osio continentur (exceptis tam en Elbingensibus, ut sunt boni viri) ergo reliqui Poloni non deberent desciscere (ut faciunt indies) à Papatu. Mirum certè istum Mitratum non pudere tam putida literis mandare, quo dénum seculo r' il-lustri certè Euangelij lumine, & pereruditio: perge de vernacula lingua ex Osio, si quid habes. HILA,
Pergam. Narrat Selauicam linguam plus etiam,
quàm quartam Europæ partem cōplete: Hac enim
uti Bohemos & Morauos, & Cassubos, & Russos,
& Moschos, & Suetios, Dalmatas, Boznenses,
Croatas, Rascianos & Serbos. Hactenus uerè, nisi
quòd non omnes adhuc recenset populos, qui Sclauica lingua utuntur, Recensentur ferè omnes à Ge-
neroso Domino Sigismundo, summa prudentia
& virtute Barone ab Herberstein, in commentarijs
rerum Moschouitarum, Mox ait Osius, istas na-
tiones uariare dialectis. Hoc quoq; uerè. Postremò
inquit: Si voluerimus tam multas & varias trans-
lationes diuinarum scripturarum adornare, quæ
omnibus istis nationibus satisfaciant, vix rectè pro-
uideri poterit, quis enim præstabit, si sua quæq; g̃es
dialecto sacras precatiōes, & lectiones versas ha-
buerit,

buerit, ut nullus error in vertendo committatur.
Hoc inepte & calumniose, & à sentinis Ecchianis
mutuatū (is enim simile nescio quid) neq; enim to-
tidē versiones essent curandæ, quot sunt Sclauicæ
linguæ nationes, cùm sint tam multæ, & varient re-
uera dialectis, sed quemadmodum in Germania, in
Italia, in Gallia, in Hispania sit, attemperandæ essent
versiones, ea scilicet dialecto, quæ communior est,
ut multis simul vna versio posset satisfacere, quod
non esset valde difficile factu. Deinde quod Osius
ait de periculo, ne quis error in uertendo committat-
tur, ergo esse à versionibus abstinendum, prodit se,
quod timeat, ne populus Sclauicus, si legerit, aut au-
dierit Biblia, intelligat se haec tenus fuisse ab Rasis &
Vnctis enormissimè deceptum. A T. Posset ne fer-
re, quod credas, Osius, vt Biblia in Sclauicam ling-
uam verterentur, iuxta veterem & vulgatam ver-
sionem, quæ Papistis est in vsu, optima fide, ita, vt
nullus error, ut ipse intelligit, committeretur: HIL.
Nihil minus, audi quid dicat: Est vsu compertum
versiones istas literarum sanctorum in lingua gen-
tis alicuius vernaculam, multum Ecclesiæ Dei in-
cōmodi attulisse. A TH. Debuerat dicere, Ecclesiæ
Paparum, nā huic multum reuerà imcōmodi attule-
runt, vt vicissim plurimum cōmodi Ecclesiæ & glo-
riæ Iesu Christi. Sed cùm neq; hoc possit ferre, quor-
sum attinebat dicere, non posse commode fieri tot
versiones, & metuendos errores, si fierent: HIL.

Q ñ Rem

DIALOGVS TERTIVS.

Rem percepisti, hoc ipsum volebam dicere de Osio,
qui delirat nugatur cę extra causam, vt suus est mos,
Sed audi reliqua, Eccius, in loco communi penul=timi,
garrit nescio quid de Hieronymo, ex cuius
impertratione, Missæ fuerint Sclauica lingua cele=bratae. Fabulam narrat, Nam longè post tempora
Hieronymi, nimirum ante sexcentos duntaxat an=nos, tempore Methodij & Cyrulli, qui Morauiam
ad fidem Christi adduxerant, cæptæ sunt Missæ
Sclauorum lingua peragi. A TH. Quid tibi nunc
cum isto inepto Eccio? cur adducis? HIL. Mane &
videbis, Eccius itaqz, post illam fabulam, sic ait: At
gens huius linguæ dudum cessit suo priuilegio, &
se latinæ conformat Ecclesiæ. A TH. Mihi videris
negare; Nam capite abnuiſſ? HIL. Sic est, nego con=stanter, Gens huius linguæ minimè cessit suo priuilegio
(si modo id fuit priuilegium) & minimè se
conformat latinæ Ecclesiæ. A TH. Certo neſciis?
Audistin tu Missas Sclauica lingua? HIL. Verge=rius, primum habuit in Illyria, Modrusiæ ſcilicet,
deinde patriæ ſuæ Episcopatum, qui est in Italia,
nēpē citra Arſiam fluuium: Nam ibi nunc est Italæ
terminus, qui aliquandò fuit ad Rubiconē: à Ver=gerio itaqz ſæpè audiui, quod in vtracę diocesi Iusti=nopolitana & Modrusiensi, Missæ alicubi latina,
alicubi lingua Sclauica peragantur, ac non modo
illuc, ſed in Carnia, in Carniola, in Croatia & alibi
quocę, & eſt planè notorium, En tibi Eccij, quo O=
ſius

suis tam sœpè vtitur duce & præceptore, in scriben=do fidem; quales fraudes, qualia nugarum portenta fuisset nobis obtrusurus, si de terris nuper repertis, vel de Moschouitis eum verba facere contigisset, cùm de istis scribens, quæ fiunt X V. ad summum, dierum ab hinc itinere, non in quopiam angulo, aut in tenebris, sed in ipsa ferè luce Italiæ, conatus fuerit lectoribus imponere, quò crederent, nusquā locorum esse vernaculæ linguæ in Ecclesia vsum.
ATH. Cùm feceris mentionem Vergerij, quem audio antè triennium cœpisse curare, vt in linguam Sclauicam nouum Testamentum conuerteretur, quomodo successit labor: HIL. Probe, iam nouum Testamentum prodijt, iam Christus cum Sclavis quoq; loquitur, Testamēto accesserunt, etiam Sclauice, aliquot Loci cōunes, quin Postilla quoq; in nomine Domini, autore P. Trubero. Sed audiamplius, quandoquidem ista versio seruiet dntaxat Carniæ & Carniolæ, & vicinis quibusdam prouintijs, Vergerius nunc est in opere, & curat uerionem vtriusq; Testamenti, quæ ità sit dialectis attemperata, vt à reliquis quoq; nationibus Sclauicis intelligi possit, saltem à præcipuis, atq; in primis à Dalmatis. ATH. Quām iniquo animo feret Papa cum suis Osij, vt doctrina filij Dei genuina & pura, ad tam multas nationes propagetur. HIL. Non est dubium, quin iniquissimo animo latus sit, sed cur nō succensuit Serenissimo Ferdinando Cæsari,

Q. ij. qui

DIALOGVS TERTIVS.

qui ante triennium iussit, non mediocribus sump-
tibus, excudi nouum testamentum caracteribus &
lingua Syriaca, quod Episcopo Ephesino dono mi-
sit, ut suis Diocesanis, & vicinis Episcopis commu-
nicet; scis enim Syriacam linguam esse illic uernacu-
lam, atq[ue] eam ipsam vernacula, qua Iesus Christus,
qua eius mater & virgo, qua Apostoli & omnes re-
liqui illic vtebantur A T H. Scio, sed multi pruden-
tes viri suspicabatur, ne quid monstri aleretur, præ=
sertim cum Io. Lucretius à Vidman editioni præ=
esseret. HIL. Puto me scire rem totam, nam domi ha-
bui Mosen Meridinem, natione Syrum, qui è Ro-
ma fuerat Viennam accersitus, in hoc, ut editionem
curaret. A T H. Quid ille: quem nam dicebat scrip-
sisse lingua Syriaca nouum testamentum? HIL A.
Ignorare se aiebat autorem, sed codicem fuisse valde
vetustum, nec dissentire (saltem in re, quæ fuerit a=
licuius momenti) à Græcis & Latinis editionibus.
A T. Audiui tamen de nescio qua impostura, qua
vsus dicebatur ea in re Lucretius. HIL. Possum ti-
bi de ea quoq[ue]. Ab eodem enim Mose audiui, Ioan-
nem Lucretium, præter Euāgelium Syriaca lingua
scriptum, habuisse seorsum aliquot folia, etiam Sy-
riacè, sed quæ ipse Moses aperte videret fuisse non
multorum annorum, Lucretium tamē ea quoq[ue] cu-
rasse excudi, vnā cum ipso Euangelio, testatum īp-
fuisse in suis præfationibus, ea non multò post tem-
pora Apostolorum scripta fuisse. A T H A. Quid
nam

nam erat in illis solijs; H I L. Index, qualem solent
Papistæ affigere editionibus noui Testamenti, hoc
est, quod nam fragmentum Euangeliū debeat legi in
die dedicationis templorum, in die mortuorum,
in festo virginis, & aliquorum sanctorum, nugæ in
summa. A T. Imo Sathanicæ imposturæ: Apostoli
nè sciderunt & comminuerunt Euangelium in fru-
stula & fragmenta: Apostoli ne aut de dedicatione
temporum, aut de die mortuorum vñquam cogita-
runt: H I. Sic censuit Lucretius, addiditq; quatuor
præfationes, benè Papisticas, in quibus de illo Indi-
ce, quasi fuerit non multò post tempora Apostolo-
rum scriptus, prolixè disseruit: scio, qui habuerit in
animo contrario scripto se obijcere, sed cum Lucre-
tius, statim post eā editionē, diē suum obijisset, amico
meo nō visum fuit luctari cum laruis. A T. Haben-
da erat ratio viuentium, quos commonefieri, ut ab
impostura cauerent, fuissent profecto operæpreti-
um, vtinam adhuc scriberet. H I. Fiet fortassis. A T.
Si Osios in istum librum incidisset, haud dubiè vo-
luisset vti eius autoritate. H I L. Quid ni: cùm alio-
rum quoq; librorum fictitorum atq; apocripho-
rum autoritate niti soleat. Illud miror, neminem ex
Papisticis adulatoribus & propugnatoribus hacte-
nus exitisse, qui adduxerit illum Lucretianum Indi-
cem versum ex Syriaca lingua, vel pro Purgatorio,
vel pro Ecclesiarum dedicatione, vel aliquo huius-
modi articulo constabiliendo. A T H A. Fortassis

eos.

DIALOGVS TERTIVS.

eos puduit. **HILA.** Non puduissest Osium, ut potè quem nihil pudet, si modo in librum incidisset. Nunc si uis, ad maiorem librum redeamus, sed tamen antequam ad id responderem, quod de Conciilijs petere institueras, vellem quod promisi exsolvere: promisi enim me locum ostensurum, ubi Osius & vsum nescio quarum vestium, quas sacras nominat, quib. scilicet vtuntur Missificatores, & multas eorum gesticulationes, aliaçp ineptissima et blasphemia laudat & mordicus nititur retinere. **A T.** Vspq adeò parum timet, quod & missam & Papatum ab radicibus ipsis ruente videat: **HI.** Timeat uero, imo audacior & arrogantior est factus. Conqueritur ergo de Caluino quod plura abrogari, quam Luthe, rus, en tibi verba: Fecit quod adhuc à Luthero & sectatoribus suis factum non fuit, ut & sacras uestes, cum res diuina fieret, & luminarium vsum, & campanarum pulsum proorsus reijceret. **A TH.** Cur non addidit, O rem indignam & detestandam, aut ali quid huiusmodi, ut solet esse importunus exclamator, quanto autem verecundius & grauius fecisset, si in tanta luce Euangeli, istas nærias dissimulasset? **HIL.** Aut saltem, si non alias effutiuissest multo maiores, quales nunc perstringam, Nostri sacrificulum solere, ante altare, vt plurimis illis gesticulationibus & consignationibus, præter multiplices illas uestes, quas noster Osor sacras appellat: quia fuerunt respersæ aliquot guttulis aquæ lustralis, aut falsæ.

salsæ. Osius ergo, veluti in contemptum & contumeliam patris cœlestis, qui, missa Euangelijs aurora, laruam detraxit istis hypocritis, patefecitq; ridiculas ipsorum superstitiones atq; nugas, celebrandum si bi putauit, pro re grauissima & sacrosancta, totum illum habitum atq; ornatum, totamq; illam iocula- rem actionem seu gesticulationem sacrificiorum, Ait enim Missificatorem esse ministrum reconcilia- tionis inter Deum & homines, quam non mo- dò verbis prædicat, verum etiam habitu, & actione repræsentat, ac, quemadmodum ea facta sunt in cru- ce, sub aspectum astantis populi subiicit, atq; omnia facit, vt fidei suæ commissus populus reconcilia- tionis in cruce factæ fructum consequi possit. A T.

Vix putassem esse tam ineptum & tam leuem, qui ingereret nobis leuicula ista & putida, eo potissi- mum tempore, quo agitur de summa rerum, hoc est, de Rom. meretrice funditus perdenda, non mo- dò de cincinnis dec̄p fuso eius abolendo. Sed cum stulte dicat, sacrificulum suo habitu, suisq; gesticula- tionibus repræsentare Christum in cruce penden- tem, ideoq; ista esse instituta, vt populus reconcilia- tionis factæ fructum consequi possit, quotum quemq; reperiet Osius in populo, imo in grege ip- so sacrificiorum, qui intelligat illam mutam trage- diam: HIL. Ostendam tibi mox Athanasi locum, in quo iste noster ineptus adducit autoritatem li- bri, cui titulus PONTIFICIALE. ATHA.

R Monstro-

DIALOGVS TERTIVS

monstrosissimi illius Romani: HIL. Illius prorsus, ubi, tanquam ex Stygia palude, scatent foetidissimæ ineptiæ, atq; horribiles blasphemiae. Quocirca miror non adduxisse hoc in loco nominatim alterius perridiculiblasphemicis libri autoritatem, cui titulus RATIONALE DIVINORVM officiorum, cum in eo reddatur ratio omnium istarum nugarum & næniarum, quas hypocritæ ad obruendam & sepeliendam piam doctrinam somniarunt, & Missæ inseruerunt: quanq; si non adduxit nominatim, apparet tamē ex ea sentina multa eū hausisse, & pro suis recitasse: Nā alibi quoq; hoc facit & secum disputat, cur sexta feria à delicatioribus cibis abstinentia esse iussit Rom; Ecclesia, cur die dominica corpora largius reficienda. AT. O grauitatem Osianam, HI. Cur oleo crismatis admisceatur balsamum, & alia huiusmodi, nec tamē sentinæ meminit, vnde hausit. Sed ad mutā fabulā, scis illius nostri historiā, esse sudē, in istorum oculis, potissimum quia nō raro histrionicas illas ineptias, modo ex professō, modo obiter atq; aliud agens bellè salseq; perstringit, vt fecit alicubi de ista muta fabula. AT. Novi illum locum, quo plurimum delector. Sæpè volui ingerere quibusdā hypocritis, quos ita vidi furere, vt penè discerpserint librum, cum viderent se illic graphicè atq; ad viuū depictedos. Sine ego recitē, HIL. Recita obsecro. AT. Ingens autem erat hominum cōcursus, maximè iuuentutis, nā his omnibus nouum erat spectaculum & inauditum, multos ibi raso

raso vertice, nouo genere vestitus, cātare simul quæ
nemo intelligat, cēreos atq; lampades ardere in ipsa, e
quod dicit, meridie, fumigationes atq; fūssitus exci
tarī thuribulī, Sacrificum astare cum ministris ad a= c
ram, pronuntiare omnia sermone peregrino, varijs c
vti geniculationibus atq; gestibus, inclinari strictis c
manibus, modo distendere, modo reducere brachia, c
subinde sese conuertere, nunc esse clamosum, nunc c
magno silentio quædam demurmurare, suspicere in c
altum, esse prouum, consistere nō vno loco, nunc in c
dextrā nunc in leuam partem altaris comigrare, mi= c
care digitis, inhalare in calicē, eumq; tollere in sub= c
lime, postea reponere, certis locis nominare, nunc c
viuos, nunc mortuos, panē azymum frangere & in c
calicem innittere, pectus ferire pugno, suspirare, clau c
sis oculis representare somnum, rursus expurgisci, c
manducare partem vnā panis, alteram haurire cum c
vino totā, ne qua guttula remaneat, abluere manus, c
patellam deauratā auersum, extenso brachio, demon c
strare populo, admouere eandem frōti atq; pectori, c
deosculari nunc imagunculam, materiæ vel metallo c
inclusam. Ista igitur iocularia & blasphema, quod
peius est, audet in tanta Euangelij luce, noster Osias
defendere & celebrare (si Dīs placet) O iudicium, an
putat hæc quoq; esse ex traditione Apostolorum:
HIL. Sed audi, vt multò pluribus alio in loco agat
de istis verè mutis fabulis. Ea quæ per chartam
& atramentum Prophetæ scripserunt & Apostoli,

R. ij Ecclesia

DIALOGVS TERTIVS.

Ecclesia non modo, viua voce, suis tradit liberis, ver
rum etiam dierum obseruatione, Signis, Simula-
chris, Habitū, Gestu siue actiones sacerdotum, prae-
cipue Sacris operantium, ac vario rituum ac cære-
moniarum genere, quasi præmansum infantium o-
ri cibum infondere cupiens, pīs omnibus quālibet
imperitis inculcare conatur. A TH. Valde ergo ru-
des Apostoli fuerint oportet, qui cum de prædican-
do, per vniuersum orbem, Euangelio mandatum
habuissent, nunquam potuit illis in mentem veni-
re de isto veluti præmanso imperitorum ore inse-
rendo. Nunquam enim signis, nunquam simula-
chris, nunquam vlo speciali habitu, aut gesticula-
tionibus (quemadmodum nec vllis Missificatio-
nibus) representarunt populis, quod in Prophetis
legissent & à Christo didicissent. O Leuicum O-
sium, qui in tanta vndique erumpente (quod libet
centies repetere) luce Euangeliū, fretus nescio qui-
bus verborum, illecebris atq; sophistica, adhuc spe-
rat, se posse nobis persuadere, vt reuocemus vsum
istarum næniarum. HIL A. Dic blasphemiarum:
Nam Spiritus sanctus diserte in scripturis condem-
nat obseruationē dierum, imagines & statuas, quæ
in templis ad cultum atq; ad adorationem prostent:
& tamen Osius istam dierum obseruationem, etiam
alio in loco, veluti sacrosanctam & valde utilem Ec-
clesijs celebrat, vt vsum etiam imaginum & statua-
rum quoq;. Audi eius verba. Quo tenacius insigi-
possit

possit mentibus mortaliis beneficium mortis Christi, deinde resurrectionis eius, Ecclesia statuere voluit, ut sexta feria abstineremus à cibis delicioribus, quasi compatientes Christo pro nobis passo & mortuo. A TH. Magna reuerà parumq; dissimilis passioni Christi & nostra passio, si per totā septimanam, vno atq; altero prandio à carnibus abstineamus. Nihil potest dici insulsius. HIL. Audi reliqua, Deinde, ut die Dominica corpora largius reficeremus recrearemusq;, quia gauisi sunt discipuli viso Domino. A TH. Putat ne eos tunc largius refecisse & recreasse corpus delicioribus ferculis? O iocularem hominem. Et cum dixerit sexta feria à cibis delicioribus abstinentium esse, est quod valde miremur, hominem alioqui superstitionissimum nō diserte dixisse à carnibus abstinentum. Profectò haud placebit hoc Papis: Videlur enim sentire non habendum esse delectum ciborum, cum quis ieuniat, sed satis esse, si minus delicatis cibis vescatur. HIL. Quod verò ad statuas & imagines attinet, Osius adducit nescio cuius cōciliij decretum, in quo elegantes aliqui Patres ausi fuerunt pronuntiare, ex Traditione Apostolorum, esse habendas in templis imagines & statuas Christi & sanctorum, quæ ad cultum atq; adorationē prostent: Quin etiam templa eorum inuisenda & sepulchra & reliquias, ex quibus morborum sanationes emanant. A T. Proh Deum immortalem, h̄c quoq; imo h̄c potissimum

DIALOGVS TERTIVS.

vtamur nostro dicto intercalari, in tanta luce Euangelij, post tot doctissimorum hominum elucubratiōnes atq; disputationes, adhuc audet iste tam futilia, & tam blasphema ingerere. HI. Diceret trecentos & amplius Patres in concilio legitimo cōgregatos, hoc est, Spiritum Sanctum ipsummet ad eum modum affirmasse, q; scilicet Apostoli viua voce docuerint, imagines in templis ad cultum atq; adoratiōnem collocandas esse, & templa & sepulchra et ossa & vestes sanctorum colendas: Ergo nō posse negari, quin sit verissimum. A TH. Responderem, summam et corpus ipsum doctrinæ Christianæ proisus repugnare, & historias non Apochriphas, quæ de Apostolorum temporibus scriptæ ad nos perueniunt, Quare decretum Concilij, quod recitat, nō fuisse Spiritus Sancti, sed carnalium hominum decretum: quia à doctrina Spiritus Sancti & à veritate dissentit. H IL. Diceret, concilium legitimè congregatum non posse errare. A TH. Responderem non posse errare, si sequutum fuerit sensum Spiritus Sancti, sed cùm possimus videre & palpare hoc, quod recitatum est, non fuisse sequutum diuini spiritus sensum, habeat sibi Osius & iactet sua concilia quantum voluerit, nos à talibus abhorremus, toto pectori. Sed quod ad imagines & statuas attinet, obseruasti ne, an Osius id quoq; approbet suo calculo, vt à Mitratis benedicantur, aut consecrentur, antequām in altaribus ad cultum & adorationem collocentur?

centur: HILA. Nullibi hoc expressè, sed possem
irrefragabili argumento statim docere, quod Osius
statuarum quoq; atq; imaginum C O N S E= S
C R A T I O N E M suo calculo approbet,
ATH. In tanta luce Euangeli: HILA. In tanta
luce Euangeli: ATH. Proba obsecro. HILA. Ea
consecratio aut benedictio extat in libro illo puti= S
dissimo, quem vocant P O N T I F I C A L E,
Osius hunc approbat, Ergò statuarum atq; imagi= S
num consecrationem approbat, qua nihil potest ex= S
cogitari execrabilius: Nam inter alias blasphemias,
quibus vtuntur Episcopi cōsecrantes, hæc vna est.
(audi Pontificalia verba & valde rudia.) Qui= S
cunq; hanc misericordiæ Reginam, gratiosissimam.
Dominam nostram, coram hac effigie, suppliciter.
honorare studuerint, & de instantibus periculis e= S
ruantur, & in conspectu diuinæ Maiestatis tuæ, de
commissis & de omissis veniam impetrant, atq;
mereantur in præsenti gratiam, quam desiderant a= S
dipisci, in futuroq; perpetuā saluationē cum electis.
tuis valeat gratulari, Quid ais Athanasi: A T. Aio,
hanc esse cōpendiariam viā ad impetrandas gratias,
impetrandā remissionem peccatorum, impetrandā
deniq; vitam eternam, si quis aliquam Diuæ virgi= S
nis effigiē vel accensa candelula, vel preculis suppli= S
citer honorauerit, aut fortassis etiā tabella aliqua ap= S
pensa, vel corolla, vel cingulo, vel veste aut torque,
aut annullo: hoc enim Papistæ appellant honorare,
sed velim recites verba, quibus Osius Pontificale
laudat.

DIALOGVS TERTIVS.

Iaudat. HIL A. Ea statim audies, sine prius recitem
quæ præcedunt. Quòd si liber extaret, quem Ignat=
tium scripsisse de traditionib. Apostolorum narrat
Eusebius, inde certò certius, ita rem se habere cog=
noscere liceret. A TH. Subsistit obsecro. Qua de re
agit, quæ certò certius constaret, si Ignatij liber non
interiisset: HIL A. De benedictione olei & aquæ
Baptismatis. A TH. Desinat ergo eam usurpare,
dum liber Ignatij, ex quo certò certius de eo consta=
ret, in lucem alicundè prodeat. Quamuis, si prodi=
ret, fictitius quispiam prodiret Ignatius, ut fictitius
est Clemens, Dionysius & alii quidam. Nemo enim
nisi fuerit crassus papista, & Osor spiritum habuerit,
persuadere sibi poterit, Apostolos Iesu Christi vel
oleum Chrisimatis, vel fontem baptismatis benedi=
xisse. HIL. Deinde subiungit, Porro qua forma
consecrari solitus fuerit vel fons Baptismatis, vel o=
leum Chrisimatis, non satis constat ex veterum scri=
ptis. A TH. Mirum, perisse eam formulam, si fuit
ab Apostolis tradita: valde oscitâtes fuerint oportet
Apostoli contemporanei, & qui paulo post in re=
gendis Ecclesijs successerunt, cum tanti momenti,
tamq; necessariam rem (vt ipsi iactant) non custo=
dierint, sed passi fuerint interire, ita, vt alia quedam,
haud multis ante annis fuerint concinnanda. HIL.
Quis non videat ex his, quæ adducit Osor, esse va=
nissimum, quod papistæ de istis benedictionibus
souhait, quòd scilicet fuerint ab Apostolis tradi=

tæ. Nā omnia, quæ ab isto adducuntur, ipse met uide-
det, usq; adeò incerta esse atq; inania, ut demum co-
gatur dicere perissé nescio quem librum, ex quo co-
gnoscere liceret, rem ita se habere, ut ipsi nugantur,
quin addit (vt modò audijsti) quòd ex veterum
scriptis nihil constet (ut reuerà non constat) de for-
ma, qua consecrari solitus fuerit, uel fons baptismatis,
uel oleum chrismatis, ideo subiungit: Audi, num
Pontificale disertè approbet, interea quæ nobis in
Pontificali Romano præscripta est, ea rectè v= c
timur. A TH A. Omnino approbat, proh pudor:
Quis enim ignorat, quām putidæ ineptiæ, qualia
deliria, quales magicæ diabolicæq; incantationes,
quām deniq; horrendæ idolomaniaæ atq; blasphem-
iæ congestæ sint in illa tetrica sentina: HIL.
Imo crediderim multos adhuc ignorare, ut in ani-
mo habeam dare nunc excudendum mōstrosum il-
lum librum: Nunquam enim fuit in Germania ex-
cusus, quod scia. HI. Eset profecto operæ precium,
atq; in fronte, maiusculis literis, collocare Osij iudi-
cium de eo, quod scilicet tam impudenter, in tanta
luce diuinæ doctrinæ, scripserit. R E C T E vtimur
ista forma. H I L. Adhuc putidius aliquid habeo,
quo istum non puduit suos libros exornare, Scis
Papistas solere campanas baptizare. A T H. Iesu, an
hoc quoq; laudabit Osius: HIL. Mox audies, sed
sine prius tibi in memoriam adducam, quemadmo-
dum soleant baptizari, & regustabis delicias ex Pō-
S tificali

DIALOGVS TERTIVS.

tisicali. Lauant Episcopimet, aqua salita atq; incan-
tata, mox tergunt diligenter noua tella, deinde con-
signat semel oleo sancto infirmorum, statimq; post
consignationem, seu crucem factam, lintheo mun-
do abstergunt, deinde eodem oleo septem cruces
exterius faciunt, pollice dexteræ manus, in dorso
campanæ, & quatuor interius, oleo chrismatis, pari
distantia. A TH. Confirmantur ergo, ut pueri in
fronte: HIL. Postremo (intermitto hic multa, ut
imprecations & incantationes in primis, quæ illic
sunt plurimæ, ne sim tibi tædio) turribulum sup-
ponitur, in quo adoletur thus, myrrha, & thymia-
ma, & necesse est, ut totus sumus recipiatur (sic dicit
textus) à campana. A TH. Quæ nam erit magica
impietas, si hæc non est: solent dicere, hoc genus
cæreniarum esse ex Apostolorum traditione.
Sed cùm Apostolorum temporibus, nullus fuerit
campanarum usus, qui admodum recens est, quo
pacto defendant istas incantationes: HIL. Hic nullæ
faciunt Apostolorum mentionē, sed Mosis dunta-
xat. A T. Quid putant ne Mosem usum fuisse cam-
panis: HIL. Non, sed tubis argenteis, Dauidem
autem Cythara, tubis uero & cytharæ successisse
campanas, certè tubarum & cytharæ meminerunt
in hac cærenia. A TH. Dicunt fortassis Mo-
sem tubam, Dauidem cytharam lauisse, vnxisse &
suffitu curasse, vt isti Campanas: HIL. Non hoc
dicunt,

dicunt, sed alia. A T H. Quæ nam s' non effugies,
 quin mihi hic dicas aliquid de verbis ipsis, quibus
 utantur Mitrati, cùm suas campanas baptizant, oro
 te, dic, si in memoria habes. H I L A. Habeo, ad hunc
 modum precantur : vbi cunq; sonuerint huius va-
 sculi tinnitus, procul recedat uirtus insidiantium
 vmbra fantasmatum, incursio turbinum, percussio
 fulminum, læsio tonitruorum, calamitas tempesta-
 tum, omnisq; spiritus procellarum, & cum clango-
 rem illius audierint filij Christianorum, crescat in
 eis deuotionis argumentum. A T H. Proh Deum.
 immortalem, ista quoq; in tanta Euangelijs luce, lau-
 dat Osius, putatq; ex vi istius baptismatis, seu con-
 secrationis, tinnitus campanæ tam multa posse,
 præsertim augere in Christianis deuotionem. Cur
 ergo in singulis ædium culminibus non appen-
 dunt tales campanas, non modo in vna atq; altera
 curri, ut magis magisq; augeatur deuotio? H I L.
 Est & alia precatio, quæ sic habet. Quicunq; ad so-
 nitum huius campanæ conuenienterint, ab omnibus
 inimici temptationibus liberentur in corpore, & à
 prauis cogitationibus mundentur in mente. A T.
 Prodest igitur sonitus Campanæ (dum sit conse-
 crata) ad comprimentam vel extinguendam libi-
 dinem: H I L. Prodest (ut audis) Audi & tertiam
 precationem. Dum huius vasculi sonitus transierit
 per nubila, Ecceſiæ tuæ conuentum manus conser-
 uet angelica, fruges credentium, & corpora saluet.

S ñ prote-

DIALOGVS TERTIVS.

protectione sempiterna. A TH. Peto iterum an
Osius ista laudet. HIL. Quid ni laudaret. A TH.
Et laudat omnia ista, quæ recitasti de lotionibus, de
oleo infirmorum, de oleo Chrismatis, de thure, de
myrrha, de thymiamate, omnes deniq; has adiu-
rationes atq; incantationes? HIL A. Non recenset
singula, sed ait campanas esse benedicendas, iuxta
formam in Pontificali Romano præscriptam, Ec-
quid non satis expressit audi ipsius verba. Baptiza-
ri campanas mihi inauditum est, benedicuntur qui-
dem, iuxta formam in Pontificali Romano præscri-
ptam, verum de Baptismo, ne verbo quidem ulla fit
mentio. A TH. Reuerà satis expressit, cum ita scri-
pserit, o stolidum Aposcopum. Sed quid hic de
Baptismo dicat, non intelligo. HIL. Brentius in
Prolegomenis exprobrat Asoto, quod Papistici E-
piscopi baptizandis campanis, non legendis Bib-
lijs occupentur: Nam sic alij ante illum loquuti sunt
& nunc loquuntur, nempe campanas baptizari.
Ideò Osius respondens, ait, inauditum mihi est ba-
ptizari campanas, benedicuntur quidem iuxta for-
mam in Pontificali Romano præscriptam, sed illic
nulla est mentio de Baptismo. A TH. Nunc intel-
ligo, litigat de verbo, non de re ipsa bene est, cum
quod maius sit negari non possit. HIL. Omnia
de verbo litem mouit, Sic saepè solet effugere & ter-
giuersari, cum alias sentit se vrgeri à Brentio. Sed
cum ferè omnia, ceriè præcipua, quæ in Baptismo
hominis

hominis adhibentur , adhibeantur quoq; in istis
 campanis seu baptizandis , seu consecrandis , seu
 sanctificandis , seu benedicendis , non litigemus de
 nomine , apposite Brentius dixit , eas baptizari : un=
 guntur enim oleo chrismatis , perfunduntur aqua
 incantata & terguntur , ut nomina etiam illis ali=
 quando imponantur , quæ inciduntur in illo ære ,
 vt passim cernere est , & compatres etiam adhibean=
 tur , si non ex præscripta Pontificalis Rom. forma ,
 certè ex Episcoporum baptizantium traditione &
 consuetudine . Quare cum Osius conqueratur de
 Brentio (queritur enim valde) qui chrismatis oleo ,
 nescio quibus verbis , iniuriam fecerit profecto mi=
 hi videtur , quod Osius & reliqui Mitrati maiorem
 iniuriam faciant ipsi oleo , quam Brentius & reliqui
 nostri . A TH . Quia iniuria illud afficiunt Papistæ :
HIL. Qua: Ut illo ungant campanas , quanquam
 ungant etiam saxa & parietes , in Ecclesiarum scili=
 cet et altarium Iudaica illa , qua tam sedulo vtuntur ,
 dedicatione sacrationeç . A TH . Quid respondet
 Osius Brentio , quem dixisti chrismatis oleum per=
 strinxisse: **HIL.** Virulenta quædam & fatua , more
 suo , Audi: Merito iniustum habent chrisma , quos
 Christianorum appellationis pudet: Nam Christia=
 ni nomen ducunt à Christo , Christus à chrismate ,
 hoc est , ab unctione vocatur . Ne quid igitur habere
 commune cum Christo videantur , nihil magis apud
 illos abominandum est , quam ungi Chrismate , quo

DIALOGVS TERTIVS

& Reges & Sacerdotes ungi solitos fuisse, in Lege,
manifestum est omnibus. A T H A. Egregie argu-
mentatur, Reges & Sacerdotes, in lege, vngeban-
tur Chrismate, ergo, tempore gratiae quoq; debe-
mus ungi, etiam si Reges aut Sacerdotes ad eum mo-
dum, quo illi fuerunt, non simus. Cur non etiam re-
cta circumcidis? V ideo deinde, quod virus spargat,
nos scilicet nihil velle habere commune cum Chri-
sto, O sceleratum Osium, imo, quia omnia nostra
studia huc tendunt, ut cum Christo, non cum ho-
minibus, præsertim Osianis sit nobis negotium, ut
Christum, non ut homines imitemur, volumus eo
oleo perfundi, quo Christus fuit, non confecto scili-
cet, sed diuino Spiritu, hoc sumus contenti, ranci-
dum, & putidum relinquemus Osio, quo altaria,
quo parietes, quo suas campanas, & non modo ma-
nus & caput, sed etiam pedes & ventrem (si volue-
rit) sui similium, hoe est, carnalium hominum inun-
gant. HIL. Recte, sed audi hoc quoq; de Osio, qui
omnia proiuss à Papatu inuicta vult mordicus tu-
eri, qualiacuncq; ea demum sint. Tu scis, quām, con-
trā usum Apostolorum & veteris purioris Eccle-
siæ, Papistæ soleant inuocare Christi matrem, quam
faciunt reginam Cœli, quæ possit filio quæcuncq;
voluet imperare, ut nullus sit, apud eos, conciona-
tor, qui statim initio cōcionis non oret Angelicam
salutationem, vel illi, si securus faceret, ea est præcipua
nota, qua dignoscatur, catholicus ne sit, an Luthe-
ranus.

ranus, Osios ergo non modo laudat, sed censet ad salutem necessarium, ut quis vñia cum oratione dominica oret Angelicam salutationem. A TH. Ad salutem necessarium: HIL. En tibi eius verba: Itaque si sciat is, quis de vulgo est, Dominicam orationem, Angelicam salutationem, Symbolum, Decalogum & nonnihil præterea de Sacramentis, baptismi præsertim, pœnitentiæ, & Eucharistiæ, alia eum nosse mysteria de necessitate salutis non est. A TH. Sic res est, in summa, ut sœpè diximus, istum esse longè omnium, qui pro Papatu scripserunt, superstitionisimum impudentissimumque HIL. At ne faciam illi iniuriam, si hoc reticuero, audi, Tametsi in his cōtra Brentium & Vergerium libris, hoc, quod audi- sti, dixerit, necque vñquam faciat mentionem oratio- nis Dominicæ, quin faciat quoque Angelicæ saluta- tionis, ut crassissimi quicque papistæ solent, nihilominus in eo, de quo diximus, dialogo Dilingæ im- presso, facit Dominicæ orationis mentionem, & ibidem de salutatione Angelica prorsus tacet, ita, ut ipsem in dialogo videatur condemnare, quod in maiore volumine probauit. Præterea, quod dicat esse de necessitate salutis, ut is, qui de vulgo est, præ- ter orationem Dominicam, Angelicam salutatio- nem, Symbolum, & Decalogum, sciat nonnihil de Sacramentis quoque, Baptismi præsertim, Pœniten- tiæ & Eucharistiæ, est valde obseruandum: Nam propria confessione se ipsum condemnat, iugulatique Ofor.

DIALOGVS TERTIVS.

Osor, imo reliquos quoq; omnes Episcopos, qui sunt in Papatu. ATH. Quid ita; HIL. Quia vix ex decē millibus vnum, qui de vulgo sit, reperias, qui de Sacramentis quicquam norit, vnde licet aestimare, quanta sit istorum Apostolorum in curando grege fides & diligentia: Cūni enim fateantur esse de necessitate salutis, ut popellus aliquid sciat, etiam de Baptismo, de Pœnitentia, atq; de Eucharistia, nihil prorsus de his intelligit popellus, & non est dubium, quin id fiat Episcorum culpa. Postremo, in eo etiam hic errat Osius, quod videatur sentire, hominem, qui possit orationem Dominicam, Angelicam salutationem, Symbolum, & Decalogum recitare, & non nihil præterea sciat de Baptismo, de Pœnitentia, & de Eucharistia, iam esse extra periculum, ne saluus fieri non possit. Quid si non fuerit iustificatus: an poterit æternam salutem adipisci, quia quædam memorie mandauerit, potueritq; aliquid de Sacramentis loqui? ATH. Non poterit, non in his salus sita est, tametsi deceat ea scire hominē Christianum. HIL A. Iam licet tibi de Concilijs petere quod volebas, at boni consule, quod tam diu in istis leuiculis sim versatus: quid facerem? cūm futilia & putida Osius ingesserit, non poteram alia afferre, si debuisssem tibi morem gerere, & quid ille in suis libris garrisset, recitare. In summa, cūm Apostolum aliquando despere coegerit Pseudoapostolorum improbitas, nunc me iste Pseudoepiscopus ad similem

lem cum Apostolo Christi necessitatem adegit.
ATH. Admonemur esse tempus prandij, differamus Colloquium. **HIL.** Ego vero ac lubens: Nam cam stomacho atq; cum nausea versor in his ineptis atq; blasphemis. **A**TH. Multa neadhuc super sunt, quæ post prandium conferas? **HIL A.** Nimis multa, sed ut delectu & grauiora conferens proiniam leuicula.

DIALOGVS QVARTVS.

ATH. Cum cœpisses de Osiano libro nudius tertius differere, sanè credidi te, vna ad summum hora, potuisse me commonefacere de aliquibus inepijs, calumnijs, virulentis, atq; blasphemis, quas in eo obseruassis: Nec enim alias delitias expectabam, cum audisssem papisticum Episcopum produisse in certamen contra nos, noui genus, noui ingenia, que nos habent probardis, nec pilifaciunt, quare effutiunt in nos quicquid in buccam uenit insolentissimè. **HIL A.** Dicam ingenuè, me quoq; fuisse deceptum: Nudius enim tertius pauca adhuc legeram, nonnulla annotaueram, quæ tibi aperui, nec ferè putassem, me posse plura inuenire. Sed cum hoc biduo, ulterius legendò progressus fuisset, tales sentinas inueni, quales, ex eo æstimare potes, quod

T cum

DIALOGVS QVARTVS.

cum tam multa absurdā & blasphemā attulerim, tam
men illas nondum potui exhaustire & certescio, me
neque hodie exhaustirū, nihil certe minus, sed ve-
tar delectu (ut dixi) A TH. In nomine Domini, E-
lectis omnia cooperantur in bonum, etiam illa ipsa,
quae videntur esse summè noxia atque deterrima,
quare nihil dubito fore, vt ex his, quas tu vocas sen-
tinæ, nostræ Ecclesiæ sint aliquod non mediocre
luctum & commodum percepturæ. Hoc vero in
primis, quod cum multi fuerint, qui recusabant se
nostris partibus adiungere, quia adhuc aliquam mo-
derationem & pacis studium sperarent à Papatu,
nunc fortassis non sperabunt amplius satis dictum,
Antequam pergas, velim dicas, quid Osius respon-
deat Brentio, qui Adriani Papæ, delectorum quo-
rundam Cardinalium & Legatorum, qui præside-
bant in Concilio Tridentino, quorum nos quoque
mentionem fecimus, verba produxerat, quibus
qua doctrina & quibus moribus Papistici prælati
essent ornati, planum fecerunt orbi vniuerso: Ni-
hil nunc quaero quid ad verba Gregorij Nazian-
zeni, Basilij, & Bernardi, qui itidem aduersus
eosdem Prælatos stilum strinxerunt, sed dunta-
xat quid ad Neotericorum verba responderit, de-
inde de Concilijs petam quod voluero, HIL. Pri-
mum, eos de vita & moribus corruptis fuisse lo-
quitos, nequaquam de doctrina, A THA. De-
mus.

mus nunc , vt de corruptione morum duntaxat:
 Nam reuerà doctrinarum quoq; corruptionem
 videntur perstrinxisse , etiam inuiti , nimirum Spi-
 riitu sancto cogente & extorquente , sed demus ,
 vt dixi , Fatetur ne ea esse vera , quæ suus Papa ; sui
 Cardinales , sui Legati , aduersus corruptissimos
 prælatorum mores & vitia dominantia tam serio
 pronuntiarunt: H I. Non negat , sed ait . Quorsum
 attinet sic nobis exprobrare peccata , quasi vero vos
 non sitis grauioribus flagitijs cooperti: A T H. At
 Brentius autoritate ipsius Papæ , ipsorummet ex om-
 ni Concistorio delectissimorum Cardinalium pre-
 stantissimorumq; Episcoporum , deinde etiā Lega-
 torum Cōcilij , ex quibus duo fuerunt Papæ , vt dixi-
 mus , hoc est , testibus omni exceptione maioribus
 (vt illi sentiunt) probauit eos esse corruptissimæ
 vitæ , quo pacto docet Osius , nos esse grauioribus
 flagitijs coopertos: H I L. Iterat suam cantilenam ,
 qua valde videtur delectari , de Lutherò scilicet , qui
 dixerit , suos auditores decies esse Sodomitis pei-
 res. A T H A. Ad hoc respondimus , nihil est quod
 repetamus. Habet ne alia testimonia : H I L A R.
 Habet. A T H. Quæ : H I L. Ait se posse addu-
 cere testimonium Georgij Vicelij. A T H. Digni
 profecto , qui pro Sathana & Osio testimonium
 dicat. Cur non Staphyli quoq; , qui vñà cum Vice-
 lio agnitam veritatem proiecit , testimonio vtatur:
 cur non Gropetis: cur nō Canisij: cur non Sydonij:

T ï cur

DIALOGVS QVARTVS.

cur non Aujs; cur non Asotis; cur non Dilingensis
Purpurati, vt capitaliores nostros hostes comme=morem? Nihil istis impudentius, sed sine pergam.
Cum ergo ipsemet Papa, ipsimet Cardinales & Le=gatia affirment, & Osius non audeat negare totusq; terrarum orbis compertissimum habeat de magna sacrarum literarum imperitia, de turpisima vita, & corruptissimis moribus eorum Prælatorum, quo=rum opera Papa ait, se velle in Concilijs vti, quæro an in lectione istius libri obseruaueris, quid de hoc Osius, putat ne promissionem factam Apostolis, qui erant (vt omnes norunt) regenerati & verè ha=bebant Spiritum sanctum, pertinere ad huiusmodi papisticos Episcopos, ad huiusmodi laruas, quæ nō sunt nisi caro & mundus: HIL A. Hauddubie pu=tat, miror te dubitasse. Audi eius verba, vbi verò omnes conueniunt (loquitur de Mitratis) ibi præ=sens adest Christus, ibi præsens adest Spiritus sani=ctus cum omni genere gratiarum. ATH. Admo=dum clare, perinde est, ac si dixisset, statim è vestigio iustificantur, fiunt membra corporis Christi & filij Dei, statim euadunt in doctos & prudentes viros. Quid si Episcopatum emissent, alijsue malis artibus parassent, vt Romæ sit? diceret ne Osius, nihilominus affuturum Spiritum Sanctum, qui illos ex im=pruiso omnibus gratijs ornaret: HIL. Responde=ret, nihil referre, qua ratione quis creatus fuerit Epi=scopus, dum modo sit Episcopus. ATH. Ergo Spi=ritus

titus sanctus hæret mitræ. Ergo numerata pecunia
 emitur, quod voluit Simon Magus. Quid etiam, si
 quis inanem duntaxat titulum alicuius Episcopa-
 tus, qui sit ditionis Turcarum, sibi comparauerit: vt
 faciunt qui suffuranei dicuntur, vt est Gerardus
 Busdragus Episcopus Argolicensis, alijç huius fa-
 rinæ. An hi quoç, iudicio Osij, Spiritum sanctum,
 qui eos in Concilia comitetur exornetç repente,
 habiturisunt. H I L. Dixi iam tibi, siue quis de nulla
 tenensis (vt aiunt) siue emptum, siue permutatum,
 aut quocuncç scelere posse ex cogitari, paratum E-
 piscopatum habuerit, qui Episcopatum habuerit, v-
 na coniunctum Spiritum sanctum habiturus est,
 saltem, quando sumpta Mitra & pluuiali in cœtum
 aliorum Episcoporum ingreditur: hæc est Osiana
 regula, qua nihil potest stultius, absurdiusue exco-
 gitari. Verum audi, quemadmodum eam non nihil
 moderetur: Postquam enim dixit. Vbi simul cōue-
 niunt omnes, ibi præsens adest Christus, ibi præsens
 adest Spiritus sanctus, cum omni genere gratiarum, *
 statim subiungit: Nam quod vni deest, pensatur in
 altero, ac sæpe quod non reuelatur ducentis, aut tre-
 centis viris excellenti prudentia doctrinacç prædi-
 tis, vni alicui non doctissimo reuelatur, in cuius
 postea sententiam, sic impellente Spiritu sancto, pe-
 dibus eunt alij multò doctiores. Sic abscondit ple-
 racç Spiritus sanctus à vobis sapientibus & pru-
 dentibus, et reuelat ea pāruulis. A T H. Quid si nul-

T iii lus

DIALOGVS QVARTVS

Ius huiusmodi illic interfuerit, Paruulus cui scilicet Dominus veritatem reuelarit & alios excitet : nec sine causa hoc dico: Nam si Papis licuerit, pro eorum libidine, Concilia dirigere, confessim vbi per suos exploratores Monachos olfecerint, aliquot esse inter Episcopos, qui verè spiritu Dei agantur sintq; ex Paruulorum genere, hos non modo ex Concilijs, verum e vita quoq; curabunt eiſciendos tollendosq; tanquam pessimos hereticos: Quos enim alios nisi regeneratos, qui non possunt acquiescere illicitis cultibus, habent pro hereticis : Ecquid hoc non egerunt Papæ, ante paucos annos, ut ex cœtu Patrum Laruatorum ex Tridento aliquot proiecerint, quos suspicabantur nobiscum sentire: In summa, immane atq; horribile est, quod isti Osij de Concilijs audent iactare, ad ea scilicet Concilia pertinere promissiones de præsentia Christi & gubernatione Spiritus sancti, quæ ex carnalibus malisq; & sacrarum literarum rudibus viris constiterint, Proh pudor, quasi vero ea promissio fuerit facta carnalibus Phariseis atq; flagitiosis. H I L. Audi quid hic dicat Osius : Brentius ad hunc modum scripsérat. Scimus quidem veritatem Sacramentorum Christi, non pendere à dignitate Ministrorum, sed non esse requirendam gratiam Dei, aut virtutem Spiritus sancti in his, qui de vera sententia sacrae scripturae, seu verbi Dei iudicare debent, hoc demum est cœlestia oracula Spiritus sancti subiçere Epicureis &

& Sardina palis. A TH. Rectissimè Brentius atq;
 hoc in loco plane iugulauit Asotum, HIL. Osius
 verò respondet, etiam si sint Epicurei et Sardanapa-
 li, tamen dixisse Christum: Super cathedram Mosi
 sederunt Scribæ & Pharisæi, Omnia quæ dixerint
 vobis, seruate & facite, secundum opera uero eorum
 nolite facere: dicunt enim & non faciunt. A TH.
 Quæro ab Osio, an Christus hoc fuisset dicturus, si
 animaduertisset Scribas & Pharisæos, non modo
 fuisse animo Epicuræos, sed etiam male docuisse,
 atq; omnino contra id, quod docere debuissent hi,
 qui sederent in cathedra Mosis? HIL. Osius non
 posset negare, quod Christus, si vidisset Scribas &
 Pharisæos docere, contra Legem & contra cathe-
 dram Mosis, non fuisset dicturus, omnia, quæ dixe-
 rint vobis seruate & facite. A THA. Non est dubi-
 um, Christus in eo loco loquutus est de Scribis &
 Pharisæis, qui cùm fuissent vita dissolutiore, tamen
 nō aliena docebant à Lege. Quare si neoterici Scri-
 bæ & Pharisæi, Episcopi scilicet Papistici, volue-
 rint purum illud verbum Dei, puram illam doctri-
 nam docere, quam Prophetæ, quam Christus, &
 quam Appstoli reuerà docuerunt, audiemus eos,
 non præcidemus nos ab illis: Feremus enim infir-
 mitatem, si non fuerint usq; adeò boni exempli, quo
 ad mores attinet. Sed cùm non modo sint vita dis-
 solutissima, verum cum falsa & ex diametro pug-
 nantia cum doctrina filij Dei doceant, cur vellemus
 hoc

DIALOGVS QVARTVS

hoc ferre, si Christiani esse velimus? cur se ab illis nō separaremus, qui Christum conculcant? H I. Subiungit Osius, quod Christus baptizat, etiam si minister fuerit vita in honesta & sacrarum literarum rudis & quod Sacra menta non pendent à dignitate ministrorum. A T H. Fateor, baptizat Christus per talem, Sacra menta non pendent à dignitate ministrorum, si modo seruetur Christi institutio, non autem baptizaret Christus, si minister, seposita ea, quæ verè fuit Christi, institutione, aliam contrariam è suo capite excogitaret. H I L. Tandem Osius ad hunc modum colligit, si Christus etiam per malum concionatorem docet, si per malum ministrum baptizat, ergo etiam, vbi de illo iudicium sit, hoc est, in Concilijs, quāmuis ex malis viris atq; sacrarum literarum rudibus cōstiterint, nihil refert, quia adest nihilominus doctor & magister Christus, qui in illis loquitur, adducitq; hic Osius ea Christi verba, Non vos estis qui loquimini, sed Spiritus, patris vestri loquitur in vobis. A T H. Imò ista uerba, ab Osio adducta, totum hoc negocium contra Osium pulchrè definiunt: Nam in his clarissimè expressit Christus, per quos demum homines spiritus Dei esset in Concilijs loquuturus, nempe per illos, qui Deum habituri essent in patrem, per illos, qui in patris genuina doctrina, per filium eius dominum nostrum Iesum Christum manifestata, versarentur & ab illa non paterentur se abduci, tales exigit

exigit Christus , in talibus promittit loquuturum
Spiritum. Patrem autem intelligit per regenerationem, non per creationem, quis hoc ignorat: HIL.
Sed audi , cùm Osius probè sciret , quales demum
sint Episcopi , quorum opera Papa esset usurpatus in
suis Concilijs , accurrit ad sacram anchoram : Nul-
lum enim habet postea perfugium, atq; inquit : Hic
Spiritus potest loqui per Balaam , potest per Cai-
pham, potest per Iudam proditorem , deniq; potest
per Asinam, quasi dicat , Nostri Episcopisunt reue-
rà tales, sed nihil refert : per tales enim nihilominus
potest loqui spiritus Dei. A T H. Adduxit tandem
locum, in quo mihi cum eo pulcherrimè conueniet:
Nam, si ipse cum sui similibus velit esse Balaam, Cai-
phas , Iudas proditor , deniq; Asina , hoc illi haud
grauatim concederim, sit sanè huiusmodi, quando-
quidem ità vult, volentibus non sit iniuria , Quòd
autem dicat , posse Spiritum per illos in Concilijs
loqui , blasphemus essem , si negarem Deum posse:
Potest enim , si vult. Sed cùm nobis iudicandum sit,
ex scripturis, quid velit, aut nolit , nusquam legi pro-
mississe Dominum , si Caiphæ, si Iudæ proditores , si
Asini, si Mitrati, aut Cornuti, si Cucullati, si Galerati,
aut Purpurati conuenerint , velle per iugula & per
ora talium monstrorum docere, quomodo mysteria
et oracula diuini Spiritus sint intelligenda, quomo-
do sponsa filij sui gubernanda: verum legi , istam
promissionem fuisse factam (vt supra diximus) A=

DIALOGVS QVARTVS

postolis & factam fuisse reliquis, qui de eodem spiritu habituri fuissent, eundemque patrem in cœlis & mansuri in Christo, sicut palmes in vite atque in verbo eius, his, inquam, promisit, quod Spiritus patris esset in illis loquuturus. Sed dic mihi (vt ad id, quod dudum in animo habeo tandem veniam) Exprimit ne Osius, qua forma, quae ratione oporteat esse congregatum Concilium, ad quod, suo iudicio, ea promissio pertineat? **HIL.** Vult, vt sint Oecumenica, modo dicit plenaria & recte disposita, sic enim ait alicubi, Regem monens, ne permittat disputare de his, quae in Concilij Oecumenicis, recte dispositis, constituta sunt. **A TH.** Audio, sed quae nam censer esse recte disposita; hoc velim scire. **HIL A.** Haud dubie ea, quae autoritate Papæ fuerint congregahabuerintque Episcopos induitos sacris vestibus, & Mitratos, hoc est Osius recte dispositum. **A TH A.** Non sine causa de his interrogo, sunt enim haud parui ponderis: Nam Papistæ, aut non omnes norunt, aut, si norunt, non audent palam & aperte litteris mandare absurdissimam & plane tyrannicam quandam Concilij celebrandi rationem & formam, qua orbem Christianum & Christum, cum suo Evangelio ludificare atque opprimere habent in animo, vt ipsi possint dominatum exercere, atque in suis delicijs & luxibus vitam agere. Aperiam ergo quid id sit, aliqua interim forte repetens, vt spiritus iussit,

serit, tu postea dices mihi an Osius ea attigerit. Pa-
pistæ ita censem, Dum Papa indixerit vniuersale
Concilium, dum Papa per se, vel per Legatum
præfuerit, dum præmittatur Missa de Spiritu san-
cto, dum postea Patres sedeant mitrati & induiti
sacris vestibus (ut in eorum lege habetur, quæ est
in Cærimoniali & de celebratione Concilij loqui-
tur) ante omnia dum sint iurati & dum procul ab-
sint, tanquam prophani atque indocti, qui non fue-
rint ex Prælatorum & Coniuratorum numero,
censem, dico, Papistæ hoc demum esse vniuersale &
plenarium Concilium, huic Spiritum sanctum pre-
esse, huic, sine omni prorsus exceptione, esse crea-
dendum. Etiamsi (audi diligenter) etiamsi Papa,
qui indixerit & præsederit, fuerit Epicuræus quis-
piam, aut plane Atheos (ut ferè solent isti Papæ)
etiamsi vnius duntaxat nationis & paucissimi qui-
dam & delecti ab ipsomet Papa Episcopi (ut in
Tridentino accidit) interfuerint (Nam id in suā
volunt esse vniuersale & plenarium Concilium,
quod Papa dixerit esse vniuersale & plenarium, nō
quod reuera fuerit plenarium & vniuersale) etiamsi
patres fuerint, quantum ad studia attinet, præsertim
sacrarum literarū, rudes asini, deinde carnalissimi &
meri Sardanapali. Postremo, etiāsi quid pronuntiēt
cōtra clarum et apertū verbū Dei: singunt. n. (ut bre-
ue faciam) quod in tale, quale tibi pinxi theatrum

Vñ Spiritus

DIALOGVS QVARTVS.

Spiritus sanctus illico descendat, velit nolit, vigore scilicet promissionis Christi, perq; illas prophanas & sceleratas linguas doceat, quemadmodum sacrorum oraculorum verba intelligenda sint & castissima sponsa filii Dei Ecclesia gubernanda (vt tu dixisti) ita, vt nō possint errare, ita, vt in Spiritum sanctum, hoc est, ad mortem peccet, qui contra huiusmodi eorum decreta atq; oracula audeat hiscere. Utuntur autem istae ineptæ Apostolorum Symiæ hoc argumento, vt demonstrent Spiritum sanctum inter eas esse, cum celebrant Concilium: Nam, inquiunt, cum Petrus, cum Paulus & reliqui Apostoli celebrarent Antiochiæ Concilium, testati sunt Spiritum sanctum ibi affuisse, quia ad hunc modum pronuntiarunt, **VISVM EST SPIRITVI SANCTO** & nobis, Ergo nobis quoq; inquiunt, idem diuinus Spiritus adest, cum nostra Concilia celebрамus, Attigit ne hoc Osius: **HIL.** Maximè. **A T H.** Et putat huiusmodi Concilia esse sacrosancta: **HIL.** Sacrosanctissima, additq; quod in Spiritum sanctum blasphemet ac perinde sit, ac si velit esse similis altissimo, quod cupiebat Cherub ille, qui detractus est in profundum lacu, quicunq; asseruerit probandos esse spiritus talium Conciliorum & non statim acquieuerit illorum decretis, aducens hanc, quam tu dixisti rationem, quod scilicet Apostoli dixerint sibi affuisse Spiritum sanctum, statimq; congerit proluvium quoddam ineptiarum blasphe-

blasphemiarumq; atq; in primis cōtorquens locum
Ioannis , quem adduxerat Brentius de probatione
Spirituum, contendit illum debere intelligi de Spi=
ritibus singulorum extra Concilium. A T H. Sed
quid tibi videretur respondendum ad id, quod ait,
Apostoli testati sunt, Spiritum sanctum illis adesse,
ergo adest omnibus Concilijs: A T H. Adest om=
nibus Concilijs, in quibus interfuerint homines or=
nati eodem Spiritu , quo Apostoli fuerunt, etiam si
non eandem mensuram , dummodo de eodem Spi=
ritu habuerint. HIL A. Sed quid ad illud, quod ad=
dit , responderes , locum Ioannis , de probatione
Spirituum non esse intelligendum , nisi de Spiriti=
bus singulorum, extra Concilium: A T H. Iстisunt
mirabiles & ad obscurandam gloriam Dei valde so=
liciti & ingeniosi , Spiritus sanctus per os Pauli di=
xit: iustificati gratis, sine operibus legis, isti, ne illu=
cescat misericordia & gloria Dei , statim affingunt
suam carnalem interpretationem, hoc est, sine cære=
monijs & operibus Forensibus. Idem Spiritus san=
ctus per os Ioannis inquit. Nolite omni Spiritui
credere, probate Spiritus an ex Deo sint , ilicò illi a= .
liam interpretationem addunt , singulorum scilicet
Spiritus seorsim , non tamen Spiritus nostrorum
Conciliarum , At falsa est utrraq; interpretatio: Nā,
vt mittam nunc de iustificatione loqui , quærerem
ab Osio , an liceret mihi diligenter inuestigare de
Concilijs, id saltem, num fuerit legitimè congrega-

DIALOGVS QVARTVS

ta: HIL. Responderet, licere hoc quærere, dum po-
stea acquiescas decretis, vbi videris fuisse legitimè
congregata. A TH A. Si licet mihi diligenter in-
uestigare, an fuerint legitimè congregata, licet eti-
am diligenter inuestigare, an reuerà affuerit Spirì-
tus sanctus, Vbi ergo hoc inuestigauero & con-
ferens scripturam, animaduero, decretum Con-
cilij pulchre cum scriptura, hoc est, cum voce ipsius
Dei, conuenire, lubens ac reuerenter acquiescam.
Quòd si inuenero inter vocem Dei, & decretum
Concilij repugnantiam, aut dissonantiam, tunc mi-
rabor quid hoc sit, conferam cum fratribus doctio-
ribus & quæram doceri, cur fuerit discessum à ver-
bo Dei, concederet ne hoc mihi Osius: HIL. Nihil
minus. A TH. Quid ergò facerem, cùm viderem
repugnantiam, aut dissonantiam: HIL. Osius re-
sponderet, te debere, in obsequium sanctæ matris
Ecclesiæ Romanæ, captiuare intellectum & credere
non esse repugnantiam, eam quæ tibi & tuis fratri-
bus, etiam doctioribus te, repugnantia videretur.
A TH. Quid, siluce meridiana clarius apertissimè
viderem repugnantiam esse? Quid item, si scirem à
carnalibus maliscere hominibus decretum, stabiliente
illorum tyrannidis gratia, cōflatum fuisse: exempli
gratia, video Iesum Christum, sapientiam patris, di-
xisse, BIBITE ex hoc OMNES, video vas ele-
ctionis Paulum ad Corinthios scripsisse, ut probent
se, & tum demum de pane illo edant & de CALI-
CE

CElibant, video primitiuam Ecclesiam usam fuisse
 calice, video veteres Patres in eo cōsentire et eorum
 ætate calicem fuisse Laicis concessum, Sed quid vi-
 cissim, video fuisse inuestā manifestissimam corru-
 ptelam & aliquibus, nec tamē omnibus in locis, de-
 situm fuisse, calicem dari Laicis, deniq; video à qui-
 busdam personatis Patribus in Constantiensi, dein-
 de Basiliensi Concilio pronuntiatum fuisse (vt tu
 superius dixisti) licet Christus ad eum modum in-
 stituerit, licet primitua Ecclesia ad eundem usam fu-
 erit, nos eam, quam alij corruptelam nominant, af-
 firmamus, esse laudabilem consuetudinem, quid
 hic captiuem intellectum in re apertissima atq; cla-
 riſſimā: Eat Osius &, offusa suis sophismatis præ-
 stigñsc̄ caligine, nitatur obscurare & implicare
 negotium quantum voluerit, certè, si suos Carna-
 les hypocritas̄ remorabitur, non detinebit nos,
 quin velimus causam diligenter cognoscere, atq;
 vbi cognouerimus, anteferre gloriam Dei & veri-
 tatē, falsis interpretationibus atq; imposturis homi-
 num. Quocirca (vt ad id quod interrogasti, veniā)
 quicquid Osores veritatis & viperæ sibent, verba
 Ioannis tum ad singulorum seorsum, tum ad Cōcili
 orum spiritus probādos pertinēt, ut potè ad ea, quæ
 posse errare manifestum est, Ergo an errauerint licet
 nobis inuestigare & ad Lydium lapidem, hoc est,
 ad Christi verba eorum decreta exigere, vt, si quidē
 inuenerimus, bona retineamus, si mala, rejiciamus.

HIL.

DIALOGVS QVARTVS

HIL. Asotus atq; Osius hærent in eo, quod tamet-
si singuli seorsum Episcopi possint errare in dicen-
da sententia , nihilominus , si multi simul conueni-
ant, errare minimè possint. A TH. Dicant mihi isti
Asoti atq; Osij, quem maiorem caperēt fructum ex
decem, aut viginti Morionibus , qui de rebus gra-
uibus , deliberandi gratia , in aliquem locum à suis
dominis mitterentur , quām si singuli eorum seor-
sum consulerentur. Certe (sireuera fuerint Morio-
nes) idem Consilium dabunt seorsim, in eorum do-
mibus, quod daturi essent , si vñā in templo omnes
sederent cum benē longis vestibus , nec vestium
mutatio, aut locus quicquam prodesset, intelligis ne
Hilarit. HIL. Maximè, vis dicere, Episcopos, quos
sibi Antichristus Tyberinus ad Concilia missurus
deligit, eodem esse Spiritu, cū domi sedent, quo
sunt, cū sumptis mitris sumptocq; pluuiali in Con-
cilio sedent, quare cur non liceret pījs & bonis vi-
ris probare & dījudicare tales Moriones & larvas,
vbiq; demum essent, siue domi, siue in templo,
loquor de his, quos Antichristus (vt dixi) seligit a-
mariore in nostram doctrinam Zelo, quos ad Con-
cilia mittat, non de omnibus, qui sunt sub papatu:
scimus enim illic esse nullos pīos, sed quicunq; sunt
huiusmodi non modō non mittuntur ad Concilia,
sed si accesserint, profligantur, vides autē me nō po-
tuisse hic susprium continere , & quidem ex imo
pectore. A TH. Imo volui abs te petere quid id es-
sec.

set. HIL. Quia quanto magis versor in hac causa,
 tanto difficultorem eam esse video, quam quæ pos-
 sit (humana quidem prudentia) in concordiam re-
 digi; dissentimus enim in ipsis adesto principijs, sex-
 centis in locis, à nostris aduersarijs, qui nulla ratione
 patiunt se à malo proposito dimoueri. ATH. Quasi
 dolendum & ingemiscendum sit, quod non pos-
 simus conciliare iustitiam cum iniuitate, lucem
 cum tenebris, Christum cum Beliale. Lætandum
 potius, præsertim cùm, hauddubie, vincamus indi-
 es. HIL. Nunc venit in mentē ex eo Osij libello, cui
 tibi ostendi esse titulum de expresso verbo Dei, lo-
 cus, non indignus, quem tibi explicem: idem enim
 sentit quod nos, hanc causam esse suapte natura hu-
 iusmodi, quæ nullam moderationem, aut concordia-
 am pati possit. ATH. Libenter audiam, ut gu-
 stem cuiusmodi hic quoq; libellus sit. HIL. Cerie
 gustabis eadem esse amarulentia eademq; futilitate,
 qua alij duo, de quibus dixi, omnes congruunt, v= ,
 num cognoris, omnes cognoris (vt ille ait). En ti= ,
 bi verba. Iam vero Petrus Paulus Vergerius, qui ,
 proximo superiore anno, non aliam ob causam in ,
 regnum tuum venerat, quam, vt in eo seditionem ,
 concitaret. ATH. Tanti ne facit Vergerium, pri= ,
 uatum homuncionē, inopem, peregrinum, vt eum ,
 putet potuisse amplissimum regnum commoueres; ,
 non est cuiusvis hominis hoc agere, perge. HIL. ,
 Protulit in medium literas ad quosdā scriptas, quas ,
X etiam

DIALOGVS QVARTVS.

etiam typis excudi fecit. An autem hoc fuit boni vi-
ri officium? Certè si quid frontis habuisset, si qua mi-
ca probitatis in eo fuisset, tale aliquid facere nunquā
aggressus fuisset. Sed videtur hic homo expers hu-
manitatis, & vitæ communis ignarus esse, cum in
medium proferre literas ab aliquo scriptas, nihil ali-
ud sit, quam quod ille dixit, tollere è vita vitæ socie-
tatem; tollere amicorum colloquia absentium. A T.
Nihil intelligo, nisi quòd Vergerium valde atrocis-
ter insectatur. Quid designauit tandem? HIL. Hæc
sunt Osiana artificia atq; flagitia, vt non plane ex-
primat quid repræhendat, vt qui legerit, horren-
dum aliquod facinus Vergerium in Polonia pa-
trasse existimet. Quare possum totidem verbis cum
Osio agere: Certè, si quid frontis habuisses Osi, si
qua mica probitatis in te fuisset, tale aliquid dicere
nunquā aggressus fuisses, sed videris expers hu-
manitatis & vitæ communis ignarus esse, qui tam
malitiosè et rabiose innocentem proscindis. ATH.
Dictandum quid id est? HIL. Dicam paucis: Alo-
ysius Lippomanus (de quo diximus) Papæ inter-
nuntius Serenissimum Poloniæ gem clanculum
sæpè viserat, vt aliquot ex præcipua nobilitate, qui
videbantur velle à Papatu desciscere, capite plecte-
ret, atq; inter hos D. Io. Bonarum, præstantissima
pietate, virtute, & autoritate senatorem, Eius Ma-
iestas à sanguinario Consilio (vt est summa clemen-
tia) aures auerit abhorruitq;. Interea cum quid
Lippoma-

Lippomanus moliretur patefactum suisset , pessime in toto regno audiebat , odioq; habebatur peius cane & angue. Lippomanus itaq; , scriptis ad Papam , siue ad quempiam ex eius Secretariis , aut Consiliariis (ut fit) literis , deplorauit suum statum , sumiq; periculum multaç; de legatione , quæ parum fœliciter illi succederet , conquestus , supplex petiit , ut liceret sibi primo quoq; tempore Romam redire . Has literas , in quibus Papæ & ipsius Lippomani quædam non parui momenti consilia scribebantur , Romam misit , quæ vbi fuerunt à Papa lectæ , comunicabantur postea (ut fit) nonnullis Cardinalibus atq; Episcopis , ita , vt , nonnulla earum Exempla in Germaniam atq; in Poloniam vsq; deuenient (ut saepè vidimus contigisse) fuerintq; demum Cracoviæ Italica lingua , qua scilicet scriptæ fuerant , excusæ . Vittenbergæ autem Polonica , in quam ornatissimus pietate prudentiaç; vir D. Iustus Ludouicus Decius eas conuerterat . A THA . Habes ne exemplum HIL . Habeo . A TH . Quid si legeremus ? HIL . Cum venerim ad te eo animo , vt hunc Osij locum ostenderem , putauit mecum deferendum . A TH . Recte fecisti , profer , lege . HIL . Legam duo præcipua loca . Inscriptio sic habet . Magnifico & Clarissimo D. Petro contareno Patritio Veneto , Sanctiss. D. N. familiari , Domino colendissimo . Audio hunc postea esse creatum Episcopum Paphiensem in Creta : est enim Paulo

DIALOGVS QVARTVS.

III. valde charus & à consilijs intimus : Subscriptio sic habet. Aloysius Lippomanus Veronæ Episcopus, indignus Nuncius. Datum huiusmodi est, Louithj die XX.Iulij, M. D. LVI. Audi precepitum locum (omitto enim multas alias eius nugas) Cum anno M. D. XL VIII, vñacum Reuerendissimo Fanensi Episcopo nunc benemerito Cardinali, & cum Reuerendissimo D. Episcopo Ferentino essem nuncius Apostolicus in Germania, vt post Cæsaris victoriam, Principes & populos ad sedis Apostolicæ Romanæ obedientiam colligeremus (hic enim erat nostræ legationis titulus, licet parum fœliciter successerit & valde paucos collegerimus) erant, eo tempore, Cæsari captiuoi Io. Fredericus, Elector Saxoniæ, et Philippus Lanctruanus Hassiæ. Quare ego & mei collegæ tanquam filij obedientiae (Nam id à sanctissimo D. N. in mandatis habebamus) Cæsari & simul Rom. Regi consilium dedimus, vt duos illos Principes, utpote capita & Protectores hæreticorum, iuberet capite palam mulctari. Hac enim ratione posse statim omnes è Germania hæreses extirpari. AT H. Proh homicidam, proh sanguinarium Antichristum, Proh homicidas & sanguinarios eius legatos, Proh omnium mortalium imprudentissimum Osium, quem tam nephariae tyrannidis & crudelitatis memoriam non puduit nunc refricare, perge. HIL. Non fuit visum Cæsari, neq; Rom. Regi acquiescere nostris Consilijs

Consilij, atq; idèo res nostræ, in Germania, quoti-
 diè in peius ruerunt. Cùm ergò sanctissimus D.
 N. mihi mandasset, vt idem Consilium Serenissi-
 mo Regi Poloniæ suggererem nempè, vt iuberet
 capite plecti octo, aut decem ex præcipuis Domi-
 nis Polonis, qui Lutheranismum exsuscitant; hanc
 enim esse compendiariam atq; certissimam ad extir-
 pandas hæreses viā, feci hoc quoq; diligenter, sug-
 gessi tale consilium, cumq; viderem nonnullos, qui
 nobis valde addicti & alicuius autoritatis in aula es-
 se videbantur, hos rogaui, vt vna mecum Serenissi-
 mum Regem instigarent. ATH. Crediderim, quod
 istum Osium in primis rogarit: Nam istius consue-
 tudine & cōsilijs Lippomanus in primis vtebatur.
 Exclamo iterum, o Homicidas, o Sanguinarios Pa-
 pas, Lippomanos, Osios, An non excitabitur ali-
 quando totus Christianus orbis, vt eos pro crude-
 lissimis tyrannis & homicidis agnoscat? perge. HI.
 Iam, Restanta, quam maiore silentio tectam opor-
 tuit, quam fuerit vlla vñquam alia, ne maiorem in-
 uidiam maiusq; odium in sanctissimos Christi Vi-
 carios excitaremus, vereor ne sit patefacta: Nam Il-
 lustriß. Palatinus Viln. eam mihi in suis literis obij-
 cere visus est, necq; est dubium, quin alijs quoq;
 sit communicaturus. Quare V. Magnificentia co-
 gitet in quo statu nunc sim, et an iure cupiam ab hac
 legatione reuocari: Qui enim hæreses promouent,
 sunt multi & potentes. Cum ergò per me non stete-

DIALOGVS QVARTVS

rit, quo minus ipsorum sanguis fuerit fusus, merito
debeo ab illis metuere. A T. Valde humanè et Chri-
stianè se gesserunt D. Poloni, qui tam atroci iniuria
prouocati, tamen nō putarint vlciscendum, sed pas-
si sint Lippomanum e Polonia exire incolumem.
H I L. Alium locum ex eisdem literis audi. Nunc
sum conuocatus Synodum Episcoporum, in qua
dabo operam, ut bona pecuniæ summa è toto clero
Poloniæ colligatur ac spero sanctiss. D. N. (ut ad
me scripsit) contributurum quoq; Nam carere pe-
cunia non possumus, præsertim ad placandos im-
portunos; hanc enim esse optimam rationem, qua
multos nobiscum, hoc difficillimo tempore, retine-
amus, sæpè sumus experti. A T H. O Nebulones,
Vide quibus artibus nituntur Papatum sustentare
& doctrinam atq; gloriam Dei pessundare, hinc
crudelitate & sanguine, inde largitionibus & cor-
ruptionibus. Et audet Osius Vergerium reprehen-
dere, quòd tales literas, talia Antichristi suorumq;
ministrorum consilia curauerit nostris fratribus
communicanda: H I L. Tu vides an audeat. A T H.
Ergo nostris non licebit consilia hostium Christi
patefacere; nō licebit fratres, quacunq; etiam ratio-
ne, excitare & commonefacere, vt quales soleant es-
se isti Paparum Legati intelligent, qui altera manu
videntur de cogendis concilijs agere, altera faces
gerunt, quibus Principum animos, vt nostrum
sanguinem fundant, accendant atq; inflament: H I L.

Tantum

Tantum abest, ut Vergerium hoc nomine accusandum, ut etiam illi gratias summas agendas putem, Osium contrà esse malum virum & pestilentem, qui hanc rem suis mendacijs inuoluat et quod summè fuit laudandum, tam calumniosè reprehendat, Protulit in medium, inquit, literas ad quosdam scriptas. Ad quosnam? Cur non dicit id, quod est: nempe ad Papam, vel ad eius Consiliarium scriptas? Et cum postea dixerit, literas ab aliquo scriptas, cur etiam non dixit id, quod est, nempe à Lipomano satellite Papæ, scriptas? Sed expende, ut rem peruerter atq; exageret nebulo. Cum in medium proferre literas ab aliquo scriptas nihil aliud sit, quam quod ille dixit, tollere è vita vitæ societatem, tollere amicorum colloquia absentium. A TH. Reuerà ita accusat, ac si Vergerius Serenissimi Regis, aut Priuatas alicuius literas intercepisset atq; in medium protulisset. HIL. Facit suo more, falsissima, magna virulentia, impingens, sed Vergerius nullas, nec publicas, nec priuatas intercepit, quicquid mentiatur impudentissimus Osor. A TH. Promiseras locum, vbi Osius non esse in hac causa, sperandom villam concordiam scripsisset. HIL. Mane, non sum oblitus, verum ordine progredior, statim vbi de his literis, ad hunc modum pergit. Etiam Pauli Quarti Pontificis literas, & quidem binas typis excusas perulgavit. Vide quam rem malignus Osius hic quoq; vitio det, circumferebatur

DIALOGVS QVARTVS.

tur passim binarum literarum , quas Papa ad Senatores Laicos regni Poloniæ & ad Illustrem D. Tarnouium scripserat, exempla, hæc Vergerius typis excudi fecit, vñā cum scholjs, At Osius ita exclamat, ac si Serenissimi Poloniæ Regis, aut Consiliariorum arcana quædam peruulgasse fuisset deprehensus Vergerius, Non modo, inquit, literas ad quosdā, ab aliquo scriptas, in medium protulit, verumetiam Pontificis & quidem binas typis excusas peruulgauit, A TH. Cur non addidit, o indignum facinus ? O cælum, o terra, o Maria Nepturni ? Reuerà desipit Osius , prærabie, quasi non liceat nobis Antichristi teterrimi hostis nostri literas & consilia , ad commodum Ecclesiarum , pro gloria Dei, peruulgare atq; insectari, perge . HIL. • Quin & scorjus quibusdam suis obscurauit , ac mirabiliter deformauit, quæ p̄e sancteç scripta fuerant, secus interpretando. A THA . Quid potissimum scripserat in illis literis Papa; HIL. Se velle etiam si bella futura essent , vniuersale Concilium propediem celebrare, Vergerius vero in suis scholjis affirmauit eum mentiri. A TH. Recte. HILA. Ac nō modo, si bella futura essent , sed neç in summa quidem pace concilium celebrare eum habere in animo, nec posse celebrare, si haberet in animo. An hæc fuerit falsa interpretatio res ipsa clamat : Nam nec celebravit, nec celebraturus est. Pergit Osius Vergerij verba recitando. Audi quid scribat, in suis in

in priorem Epistolam scholijs. Dixerit, inquit, quis-
piam : Si quidem possemus Papam eo adigere, ut
velit assentiri, vt ministri Ecclesiarum haberent v-
xores, lingua vernacula in administratione Sacra-
mentorum vterentur, atq; vt vtramq; speciem po-
pulo exhiberent, in reliquis vero articulis et doctri-
nis cum Romana Ecclesia consentiremus, (quem-
admodum hactenus consensimus) an non consul-
tum putares, vt tunc acquiesceremus : atq; vt haec
prius lucro apponeremus, deinde paulatim labente
tempore, vt etiam de reliquis articulis lucrifacienc-
dis cogitaremus : Respondeo. Minime mihi con-
sultum videri: Neq; enim in eo res sita est, vt mini-
ster vxorem habeat, vt populari lingua in Ecclesia
vtratur, vt vtramq; speciem porrigat, sed, vt habeat
viuam fidem, vt sit membrum Christi Ecclesiae, atq;
vt eam rectam doctrinam teneat, populoq; annun-
ciet, quam filius Dei dominus noster Iesus Chri-
stus attulit è sinu patris. Quæ esset haec contamina-
tio doctrinæ : quod monstrum : si consentiremus,
vt esset pastor animarum nostrarum Missarius sa-
crificulus, vincitus & inauguratus ab aliquo Apo-
scopo & Antichristi membro &c. A T H. Quid ad
haec Osius, an non furit istis stimulis agitatus : H I.
Ait Vergerium mox petere iugulum cause. A T H.
Irridet fortassis H I L. Serio ne dicat, an irrideat, ne-
scio, magis puto irridere, omnes enim pili facit præ-
se Thraso iste. A T H. Mihi (quicquid Osio videa-
tur)

Y tur)

DIALOGVS QVARTV S.

tur) reuerà iugulum causæ mox petere videtur, qui explodendam reſciendamq; censet istam ne-phariam pestem, Missarios scilicet sacrificulos, unctos atq; inauguratos ab aliquo Apostolo & Antichristi membro, (quale est exempli gratia Osius) nec potest pati, vt tam feræ Belluæ sint pastores animarum. HIL. Pergit Osius: Verum audi quid paucis interiectis addat: Postquam enim hic homo nimis in aliena Republica curiosus. A TH. Subſiſte. Aliud est politica Respublica, aliud Ecclesia Christi, in politica Respublica merito reprehenditur, qui in ea voluerit esse curiosus. Verum si quis ad ea loca accesserit, vbi instituta ſt. Christi Ecclesia, præſer-tim vocatus, is, si quid illic molitur pro gloria Dei, nihil minus potest appellari, quam in aliena Respub-lica curiosus, quare ſtulte hic quoq; Osius. Perge. HIL A. Et ad excitandas ſeditiones natus. A TH. Qui gloriam Dei, pro virili, promouere studet, is Pharisæo Oſio ſeditiosus eſt. An non veteres quoq; Pharisæi & Christum & Apostolos ſeditiosos vo-carunt, eodem ſciliget Spiritu, quo Oſius ſt. Perge. HI. Hortatus fuerat Polonus, vt ſi maximè cōcederent illis hæc tria, conſtanter ea responderent, Scias, inquit, Polonia, cauſam hanc, quæ de religione cō-trouertitur, minimè poſſe ullā moderationē aut cō-cordiam pati. Vide quid dicā & memori mente te-neto. Sunt enim qui dicant: An non poſſet aliqua ratio inueniri, qua cōcordia ſanciretur? Respondeo. Nullam

Nullam prorsus posse inueniri. Si enim Papatus
maneat incolumis, non potest doctrina Iesu Christi
manere incolumis. Etrursus; si vicerit, quam nos
profitemur Iesu Christi doctrina, corruat totus Pa-
patus ab radicibus necesse est, ita, ut nulla alia sit sta-
bilienda veræ Christi Ecclesiæ, & concordiæ in-
eundæ ratio & spes, quam si vniuersus Papatus,
cum omni sua tyrannide & impia doctrina tollatur
è medio. Hactenus Osius Vergeriana recitat. A T.
Putat ne ista saltem iugulum causæ mox petere?
HIL. Nihil de iugulo amplius. Sed ad hunc mo-
dum respondet: Quod scribit Vergerius causam
religionis moderationem, seu concordiam pati non
posse, quin verissimè scribat inficias ire non possu-
mus, atq; idem paulo post ter, aut quater repetit.
ATH. Mirum, cùm vscpadeo Vergerium oderit,
quod sustinuerit scribere, Vergeriū in retanti mo-
menti verissimè sentire, nec viderit, quid ex hac
confessione colligi possit: Nam si nulla est de con-
cordia spes, consequitur nullam prorsus reliquam
esse Papis, de recuperanda pristina autoritate et po-
tentia, spem. Non per Concilium, cùm omnino im-
possibile sit, ut de iudicibus Concilij conuenire vn-
quam possimus. Per armaverò atq; per uim, ipsimet
sciunt, quid iā possint proficere, per gratiā Dei, qui
in eum statū res nostras, imo suas ipsius, adduxerit.
Pergemus igitur vincēdo, hauddubie, hoc fateatur

Y ī Osius

DIALOGVS QVARTVS.

Osius (si rem benè expendas) necesse est, cùm fateatur nullam esse concordiæ spem. Sed obsecro te, relinquit ne inultum Vergerium, quem videt tam claris verbis dixisse, si vicerit quam nos profitemur doctrinā, corruat totus Papatus ab radicibus necesse est: & subiunxit, nullam aliam esse stabiliendæ veræ Ecclesiæ & concordiæ ineundæ rationem & spem, quām si vniuersus Papatus cum omni sua tyrannide & impia doctrina tollatur è medios. Nonne hic saltem mox petit iugulum causæ Vergerius? HIL. Non sinit inultum, nihil minus, inultum ne hoc sineret Osius, qui solet minima quoq; sectari & magna contentione & rabie tueri: atq; etiam maledictis proscindere eos, qui nihil huiusmodi scripserunt. Quid pluribus? non pepercit Francisco Lismanno. A TH., Pio illi atq; prudentissimo seni? HIL. Illi ipsi non pepercit, quo nihil est modestius & placidius. A TH. Sed quid tandem in Vergerium? Nam vehementissimum aliquid hic dixerit oportet. HIL. Ait esse rudem & imperitum. A TH. Quid ad rem? ergo in Papatu non est impia doctrina, neq; Tyrannis? sic isti solent respondere. Sed sit sanè rudis & imperitus, dum Christum & hunc crucifixum sciat, Vergerius floccifacit, si non habeat, qualē multi sibi arrogant, & pluris faciunt quām Christum ingenij, doctrinæ, atq; eloquentiæ laudem. HIL A. Sed ait, quòd si quis ab eo quæreret, quānam sit Christi, quam profitetur doctrina, non habiturum

habiturum quod respondere queat. A T H. Vergerius lætatur & tanquam, pro incomparabili (ut reuera est) beneficio, gratias summas agit æterno Patris D. N. Iesu Christi, quod tantum ex eius doctrina norit, quantum ad consequendam cælestem hæreditatem satis sit, & id parum, quod ex ea nouit, ad Dei gloriam nititur conferre. Quod vero nouit Osium, totum id locauit Sathanæ & Antichristo Tyberino, sed audi quid statim, plenus odio & veneno, subiungat de Vergerio. Nam, quantum è scriptis illius colligere licet, modo cum Picardis, modo cum Lutheranis, modo cum Zuinglianis facere videtur. A T H. Exprimit ne, recitat ne vlla Vergerij verba, in quibus aliquando cum Picardis, aliquando cum Lutheranis, aliquando cum Zuinglianis facere videatur: HIL. Non exprimit, non recitat. A T H A. Ergo certissime scias, Osium nulla vidisse in scriptis Vergerij verba, qualia designat, quæ scilicet modo hoc, modo illud, modo tertium quiddam dicant: Nam si vidisset, haud dubie, ea in medium protulisset magna letitia atq[ue] insolentia, sed mendax est, vt Diabolus pater eius. Vnde autem huius calumniæ occasionem sumpserit, video mihi posse paucis aperire, Valdensium confessio oblata, anno M. D. XXXV. Serenissimo Ferdinandi Cæsari, qualis sit nosti, HIL. Noui, eandem continet doctrinam, quam Augustana, nisi quod non ita perspicue & fœliciter quædam docet,

DIALOGVS QVARTVS.

vt Augustana. Sed hoc fœlicitati huius temporis, in quibus bonæ literæ magis florent, quam ante centum & amplius annos, cum Valdensium Confessio dictaretur, tribuendum est. ATH. Sic res est. HIL. Quare Lutherus & Philippus, grauissimis differuntissimisq; verbis, eam commendarunt, passim extant vtriusq; testimonia, Deinde cum in articulo de Eucharistia, eadem Confessio habeat moderata quedam verba, ut, quasi de industria, visa fuerit uelle fuge contentiones: dicit. n. quod in cœna sumatur verum corpus & verus sanguis Christi, nec disputat quomodo sumatur, Bucerus & Musculus eandem confessionem, suo quoq; calculo, in eorum scriptis, quæ passim extant, grauissimè approbarunt. Vergerius igitur, ut aliquam concordiæ (cuius est studiosissimus) viam in eo articulo, pro uirili, inciperet aperire, hanc Picardorum Confessionem, seu Valdensium proximo superiore anno, Tubingæ dedit recudendam, adiunxitq; Martini & Philippi, deinde Buceri & Musculi testimonia. Postremò ipse Vergerius quoq; præfatus ait, Valdenses, seu Picardos habere in suis Ecclesijs seueram disciplinā, cum pura doctrina, coniunctā & esse bonos uiros, Hinc ergo A T. Nihil dicas amplius, Rem totā intelligo, Osius vidit Confessionē sub nomine eorū, qui nominant Picardi à Vergerio editā, testimonia vero sub nominib. duorū, qui Lutherani, et aliorum duorum, qui Zuinglianī censemunt, et hanc ob causam, affirmare nō est ueritus, Vergeriū modo Picardum esse

esse, modo Lutheranum, modò Zuinglianum, quæ
est Osiana calumnia, flagris digna. An nō pudet istū
hypocritā? H I. Pudeat verò: imo gloria ē eo nomi-
ne: Nā his artib. putat se uicisse, usq; adeò habet nos
probardis et caudicibus, qui debuissemus ignorare
quomodo essent explicādæ eius tricæ patifaciēdæ cþ
imposturæ. A T. Certè qui eius uerba legisset, necþ
hoc uicissim, quod de Vergerio recitasti, sciisset,
potuisset sibi persuadere, Vergeriū scripsisse librum,
in quo aliqua Picardorum, Lutheranorū, et Zuing-
lianorum diuersa pugnātia cþ inter se dogmata ap-
probasset, sed rē audiui, Osum scilicet esse imposto-
rem H I. Illud adde, quòd Osius in hac re perindē lo-
quitur, ac si Picardi in eorum Ecclesias diuersam, aut
contrariam ab ea, quæ est in Confessio. August. do-
ctrinā docerent, et tamen nō est diuersa, aut contra-
ria. Cur. n. eam approbasset Luthe, & Philip? Nam
quod administratorum Ecclesiae coniugium attinet, iam
nobiscum sentiunt, Ministri Ecclesiarum apud
eos fiunt mariti, nec dubium est. Sed legamus Oso-
ris uerba, quib. Vergerio respondet ad id, quod di-
xerat Papatum esse ab radicib. extirpandum. ATH.
Huc te expectabam. H I. Huc spectant istorum con-
silia, ut ordinem omnē è medio tollāt, ut principum
autoritatē in odium et contemptū adducāt, ut Anar-
chiā quandam inducant. A T. Quām delecta ē mēti-
one istius Anarchie et rebellionis. H I. Quia turbu-
lētum est illi ingeniu, alio aut in loco dixerat, nos ce-
pisse cōsilia de Cesareatu (sic, n. loquit) quoq; tollēdo
&

DIALOGVS QVARTVS

, et non minus apud nos probrum esse Cæsaristam,
quam Papistam appellari. A TH. O elegantem A= poscopum, qui inter caput & membra, inter Cæsa= rem & Principes Germaniæ, quantum in eo est, spargit semina odiorum & litium, An hoc est b*on*i viri officium? Fortasse verum est, quod, cum aliam Cæsar, aliam Principes Protestantes, doctrinam profiteantur, solemus nominare Cæsarianos, aut Cæsaristas eos, qui sunt doctrinæ, quam Cæsar de= fendit, addicti, ad differentiam scilicet Protestantum, aut Euangelicorum, Sed quod in odium & contumeliam nostri Cæsaris, ea voce utamur, men= titur bellua Varmiensis, furens rabie & veneno: Nam Cæsarem, ut legitimum summum c*on*siderandum à Deo constitutum, Magistratum nostri Principes & sta= tus summe reuerentur præstanti*cum* illi omnia liben= ter, quæ debent, officia. HIL A. Tandem contrà Vergerium, qui dixerit, Papatum esse ab radicibus extirpandum, ad hunc modum argumentatur. Lu= therus scribit in quadam epistola, in Papatu esse ve= ram scripturam sacram, verum Baptismum, verum
Sacramentum altaris, veras claves ad remissionem
peccatorum, verum prædicandi officium, verum
Catechismum, veram Christianitatem, imo verum
nucleum Christianitatis, Vergerius cupit è medio
sublatum Papatum, ergò cupit sublatam verā scrip= turam sacram, verum Baptismum, verum prædi= candi officium, & reliqua omnia sanctissima modo
enumerata.

enumerata. Quale tibi hoc videtur argumentum
 Athanasi. A TH. Asoticum, Osianum, Varmien-
 se, Embricense, hoc est, non modo sophisticum, sed
 putidum, falsum, fatuum. HIL. Respondeas cathe-
 gorice. A TH. Indignum est, cui respondeatur, sed
 sibilis explodendum & proscindendum est. HIL.
 Audi aliud simile, adhuc in Vergerium. Omnes
 Lutherani Germani (Germanos Lutheranos vo-
 cat Illyricum & Merlinum cum suis) execrantur
 Osiandri doctrinam, Vergerius sectatur Osiandri
 doctrinam, ergo Germani Lutherani execrantur
 Vergerium, statimq; hæc verba subiungit: Et erit
 quisquam, qui sibi persuaderi patiatur, Iesu Christi
 doctrinam esse, quam profitetur Vergerius, quam
 non Christiani modo detestantur, verum etiam
 Germani Lutherani execrantur. A TH. Quomo-
 do Minorem probat, quod scilicet Vergerius Osi-
 andri dogma sectetur. HIL A. Adhunc modum.
 Brentius sentit cum Osiandro, Vergerius est admi-
 rator Brentij. Ergo Vergerius vñā cum Brentio &
 cum Osiandro sentit. A TH. Cur non adhunc mo-
 dum quoq; argumentatur? Brentius Patrocinatur
 Arrianis (nam ostendi tibi, hoc dixisse mendacissi-
 mum Osium) Vergerius est admirator Brentij, er-
 go Vergerius est Arrianus: vis vno verbo dicam
 Hilari: Audiui Osium esse magna senectute, quare
 crediderim repuerascere. HIL. Repuerascit quidem,
 sed interim agitatur spiritu Sathanico, cùm tam hor

DIALOGVS QVARTVS

ribilia conuitia atq; mendatia spargat, & quidem in
Iesum Christum ipsum, in eius membra, inq; eius
doctrinam, sed, sepositis alijs fatuis argumentis.

Quomodo ad illud responderes? Lutherus dicit, in-

Argumentum
Olj.

Papatu esse veram scripturam Sacram, verum Ba-
ptismum, verum Sacramentum altaris, verum præ-
dicandi officium &c. quare cum Vergerius cupiat
sublatum Papatum, cupit sublatam veram sacram
Scripturam, verum Baptismum verum Sacramen-
tum altaris, verum prædicandi Officium &c.
Quid, inquam, saltem, pro infirmioribus susten-
tandis, ne ab Osio deciperentur, hic respondendum
putares, si loco Vergerij esses? A THA. Negarem
Lutherum audiendum, nisi que dixerit, aut scriptu-
ris, aut rationibus comprobet. Quid hic posset re-
plicare Osius? HIL. Te tuic; similes adorare ver-
ba Lutheri: Hoc enim de Vergerio quoq; sigilla-
tim dixit. A TH. Sicophantica calumnia. Quan-
quam alio etiam modo possem respondere, nempe,
Lutherum non eo sensu scripsisse, quo cauillatur
Osius: Osius enim Serenissimo Regi persuadere
nititur, quod Lutherus Papatum habeat pro re sa-
crosancta, in quo sit vera scripturæ interpretatio,
verus Sacramentorum visus, yere claves, ad peccato-
rum remissionē, pura verbi Dei prædicatio &c. sed
quis iam nescit, Lutherum toto (vt aiunt) cœlo ab
hoc dissentire? Quorsum hic attinet loca ex eius li-
bris adducere? Cum ergo Osius, super falsissimo
verborum

verborum Lutheri intellectu, voluerit ædificare, to-
ta corruit fabrica, totum argumentum. H I. Corruit
reuerā, Lutherum autē ad eum modum loquutum
fuisse manifestum est, vt cōpesceret atc̄p frenaret du-
os Plebanos; Nā ad eos scribit, quos videbat respu-
rebaptismum in Papatu suscep̄tum, vt fuit semper
acerrimus Anabaptistarum hostis, Deinde non ne-
gamus, ex ea Ecclesia, quam postea Papatus tam hor-
ribili tamc̄p sacrilega tyrannide occupauit contami-
nauitc̄p, dimanasse, in multas Christiani orbis par-
tes, verum Baptismum, vera Sacra menta, verum
prædicandi officium, & verus nucleus (vt Luthe-
rus ait) Christianitatis. Sed hæc tā magna bona non
promanarunt ex Papatu, sed ex vera Ecclesia Chri-
sti à Papatu (vt dixi) oppressa. A T H. Assentior,
Sed non possum satis mirari tum peruersitatem in-
genij, tum impudentiam Oſj singularem, qui post
XL. annos, quibus tota hæc causa, summa diligen-
tia, agitata est, vt iam sit in omnibus terrarum orbis
angulis notissima, ausus fuerit prodire & hoc
quoq̄ iactare, atc̄p in Serenissimi Poloniae Regis
auribus instillare, nos veram sacram Scripturam,
verum Baptismum, verum Eucharistiæ Sacramen-
tum, veras claves ad remissionem peccatorum ve-
rum prædicandi officium, verum Catechismum, ue-
rā Christianitatē, verum deniq̄ nucleus Christiani-
tatis cupere sublatum, An nō prodibit alicundè qui-
spiam, qui eius Regiam Maiest. coram moneat ista-
rū imposturarum Varmiensium & Diabolicarum:

DIALOGVS QVARTVS.

HIL. Hac autem cantilena , quòd scilicet Lutherus dixerit, in Papatu esse verā sacram Scripturam &c. vñq; adeò delectari videtur Osius , vt eam non modo in hoc paruo, sed etiam in maiore, de quo sumus loquuti libro, occinere voluerit, magna cum lætitia atq; insolentia, nec pudet tam inania & tam falsa repeteret & Sophisticari. A TH. Sunt ne huiusmodi reliqua argumenta , quibus in hoc libello vtitur:

HI. Dixi tibi, me tantum inspexisse : Non enim fuit ocium, quo licuerit perlegere, sed in paucis illis paginis, quas legi , olfeci putidissima esse pleraq; omnia. Vnum nunc audi. Tu scis quām futilest ratios & causæ à Papistis recenseantur , quamobrem nolint, vt laici è calice bibant. A TH. Scio, commemorantur à Gersone Cancellario Parisiensi, qui cùm in præclaro illo Constantiensi Concilio interfuerit, audiuit ab ipsis patribus , cur licite & rationabiliter, (sic enim ipse loquitur) Christi mandatum de danda vtraq; specie intermitti potuisse existimarint.

HIL. Scio in hoc tuo Musæo esse Gersonis libros, oro legamus locum : neq; enim cōmodius possum Osianā impudentiam leuitatemq; patefacere. A T. Legamus, statim inueniam est in prima parte. Ad est, accipe. HIL. Tu lege. A TH. Vnde dicunt eorum plurimi , qui super hoc fuerunt simul congregati , quòd consuetudo de non communicando Laicos sub vtraq; specie, licite & rationabiliter, fuit introducta, præsertim post multiplicationem fiduum.

lium. **HIL.** Quasi Christus cùm cænam institueret
diceret, q̄ib; bibite ex hoc **OMNES**, ignorauerit fo-
re, vt fidelium numerus cresceret, O stultos atq; im-
pios homines, in quorum numero ostendam tibi
mox Osium esse, qui istas Patrum Constantiensium
rationes à Gerſone recitatas, vt pote iustissimas gra-
uiſſimāsc; commendat, perge. **A TH.** Et hoc prop-
ter euitationem multiplicis periculi, irreuerentiæ
& scandali circā ſuſceptionem huius benedicti Sa-
cramenti, primum periculum eft effusionis. **HIL.**
Pudet profecto audire, nedum de his verba facere,
quare ne expeſtes, vt ſingulas rationes confutem.
Perge. **A TH.** Secundum in deportatione de loco
ad locum, Tertium in Vasorum ſordidatione, quæ
deberent eſſe ſacra, nec paſſim tractata, vel tacta à
Laicis, & multò minus deberet vinum consecra-
tum vendi Apothecis, ſicut fit, apud tales, vt dici-
tur. Quartum in barbis longis Laicorum. **HIL.**
Non possum me continere, quin hic aliquid dicam.
Non ne Osius hoc ſaltē in loco grauiſſimè ſentit,
vt Laici barbati arceantur à calice, ne qua vini, aut
ſanguinis guttula foriē hæreret in pilis: o ineptiſſi-
mum Scriptorem, Sed cur arcentur qui non lon-
gas barbas, aut qui nullam habent, in primis cur fe-
minæ: perge. **A TH.** Quintum in conſeruatione
pro infirmis, quoniam poſſet in vase Acetum ge-
nerari, & ita deſineret ibi eſſe ſanguis Christi, nec
ſuſcipiendum eſſet, nec nouiter conſecrandum, ſinè

DIALOGVS QVARTVS.

Missa & fieri posset, quod daretur acetum purum,
pro sanguine Christi. HIL. Iesu, Iesu quid audio.
Potest ne quicquam magis putidum, magisue pa-
pisticum excogitarit & tamen hoc quoque laudat O-
sius, præsertim quod è calice diffugiat atque euane-
scat Christi sanguis, si vinum cœperit acescere? per-
ge. A TH. Addito, quod in æstate Bibiones, aut
musce generarentur, quantumcumque esset vas clau-
sum, quandoque etiam putrescerent, aut fieret veluti
abominabile ad bibendum, & hæc ratio est efficax
valde & ex alia ratione, quando multi præbibissent.
HJ. Proh pudor, En, in quas foueas, in quæ deliria
præcipites ruunt, qui deserunt purum verbum
Dei. Perge. A TH. Et queritur in quo vase fieret
consecratio tanti vini, quantum requireretur in Pa-
scate pro decem, aut viginti millibus personarum,
sextum damnum esset in sumptu vini, saltem apud
multas partes, in quibus vix inuenitur vinum ad
celebrandum, & alibi charè comparatur. Esset præ-
terea, periculum in congelatione, hactenus Ger-
son, Ecchius vero ad istas addit duas rationes, au-
di utrancque, Rem miraculis testamat refert Alexan-
der de Ales, quod cum religiosi instarent, pro sum-
ptione sub virga specie, dum Sacerdos esset in acti-
one Sacramenti, apparuit patina plena sanguine,
quod videntes religiosi obstupuerunt, quo signo,
petitio eorum cessauit. Porro credendum est, a pri-
mitiva Ecclesia, incepisse Laicos communicare sub
altera

altera specie, & quod sit vnum, quod ueniat ex Traditione Apostolorum: quia initium huius monstrare nemo potest, Nihil est in summa his rationibus stultius, aut stolidius, nihil falsius, quorundam attinet confutare: HIL. Itanè censes: ATH. Quasi tu alter sentias, HIL. Non sentio aliter & nihilominus Reuerendum Patrem D. Osium, mox Cardinalem futurum, in tanta, quam vndiq; videmus inclarescere (sine, ut hic quoq; repetam) luce diuinæ doctrinæ, in hoc seculo tam emuncto atq; erudito, pronunciare non puduit, istas fuisse iustissimas grauissimasq; rationes, quam obrem à mandato Christi discederetur ATH. Boni consule, vix tibi credo, fuisse tam insanum & tam leuem, ut hoc scripserit. HILA. Credas ergò verbis eius, quæ tibi adducam. Cæterum si iusta ratione factum es se putas, quod ab omni sacramentali participacione Christi corporis & sanguinis arcet infantes Ecclesia, cur non itidem de illa tibi persuades, quod Calicem quoq; dare Laicis intermisit, non eam fecisse, nisi iustissimis grauissimisq; rationibus ad ductam: ATHA. Non recenset rationes sigillatim, HILA. Quid attinebat: quas enim alias adducit Ecclesia Papistica, quam eas, quas ex Gersone & Ecclio recitaui: ATH. Consentio, Osius reuera non potuit de alijs rationibus intelligere, has ipsas appellat iustissimas, grauissimasq; (si Deo placet)

Sed

DIALOGVS QVARTVS

Sed illud quoque ineptum esse animaduerto , quod
hic dicit, si iusta ratione Ecclesia arcet infantes ab
Eucharistia , iusta quoque ratione calicē negat Laicis
HIL . Est reuerā ineptum atque absurdum: Nā quod
infantes sumoueantur à cœna & à participatione
corporis & sanguinis Christi, videtur fieri autorita-
te verbi Dei: Apostolus enim exigit, vt seipso pro-
bent, qui de pane illo manducaturi, & de calice bi-
bituri sunt, Sed non potest corpus domini dñjudica-
re, qui rationis est expers, Quod vero Calix dene-
getur Laicis , est omnino contrā Dei Verbum,
ATH. Non est dubium , Quare iusta ratione Eu-
charistia infantibus , iniuste autem Calix Laicis ne-
gatur. HIL . Cum multa simus de his loquuti, vt sit
iam desinendum, Audi aliam grauissimā Osij sen-
tentiam, à qua intelliges quanti ipse hos duos articu-
culos faciat de Calice scilicet Laicis, & de vxore Sa-
cerdoti permittenda. Ait, quod his duobus articu-
lis concessis , euerteretur Papatus vniuersus , hoc
est, vniuersus Christianismus aboleretur. ATH. Ie-
su, quale iudicium, iocatur fortasse? HIL . Minimè
gentium, maximo serio loquitur, audi ipsam besti-
am loquentem ATH. Nimium urges, qui bestiam
cum appellas. HI . Vocaui etiam superius, non ne
obseruasti? cum ipse sanctæ memoriae M. Luthe-
rum, eo nomine salutare veritus non fuerit. Audi
igitur ipsam bestiam loquentem. Toto coelo (quod
aiunt) errant qui dicunt: Si Calix Laicis , vxores
Sacerdo-

Sacerdotibus permittatur, inter Christianos & Lutheranos facile concordiam esse coituram. Egregia vero concordia, per quam non vitia Papatus, quod ferri tamen possit, verum ipse Papatus vniuersus euertitur, hoc est, Christianismus omnis aboleatur. A TH. Dispeream si non videor mihi somnare & quodammodo dubitare, num quæ audio, audiām reuerā, usq; adeò, præter id, quod putaram, video esse futilia & putida, sed missum facientes istum minorem ineptiarum gurgitem, reuertamur ad maiorem & pergamus de Concilio, vnde discessimus, conferre. HIL. Ut lubet, Veneramus ad eum locum, vbi Osius cum suo Asoto vult, ut promissio de præsentia Christi & gubernatione Spiritus sancti pertineat æquè ad omnes, qui ad Concilia conueniunt Episcopos, siue sint boni viri, siue mali, siue docti siue indocti, Demus nunc (posito & non concessso) quod ad papisticos & Carnales Prælatos ea promissio trahi posset, quo nihil punto posse absurdius dici aut excogitari, sed demus, inquam, quæro ab Osio, si Concilium autoritate Papæ, Tridenti, vel alibi iterum conuentiret, eius vero Episcopi omnino prohiberentur propriam eorum sententiam dicere, eorumq; conscientiæ satisfacere, verum id tantum cogerentur, clausis oculis, in sessionibus proferre, quod Papa, per suos Legatos, indies mandasset, putaret ne Osius Spiritum sanctum descendere in tales Episcopos, qui hę-
a rerent

DIALOGVS QVARTVS

rerent illic , vt mancipia , ac potius , vt muta per se organa , quæ aliunde spiritum expectarent , tanq; & q; tyrannidi turpissime seruirent : HIL . Osium negaret posse id contingere . A TH . Contigit tamen in Tridentino , quis iam nescit ? Sed singat posse contingere , an adhuc censeret tam turpi imposturæ , que fieret Ecclesiæ Christi , affuisse Spiritum sanctum : HIL . Crediderim tandem responsurum , affuisse , quocunq; demum modo res fuisset gesta , dum modo conuenissent , nihil enim referre siue de suo , siue de alieno pronuntiassent , etiam si id minime intellexissent , aut si contra conscientiam pronuntiassent . A T . Ego quoq; sic responsurum crediderim , vscq; adeò video hominem dementium fascino Papali . Sed aliud quoq; ab eo quæsierim , Toties iactat , quod Episcopi sint legitimi Apostolorum successores , quod semper ad Episcopos pertinuerit , de doctrina religionis , cognoscere , quod Episcopis , in Concilio congregatis , non possit non adesse Spiritus sanctus . Cur ergo patiuntur eam legem sibi impositam , qua Cardinalibus , qua Abbatibus , qua Prefectis , aut Generalibus (vt appellat) Monachorum & sectarum datur potestas , vt in Concilio tanquam iudices sedeat ? Nunquid hi quoq; sunt Apostolorum successores ? nunquid hoc genus sedit inquit in veteribus Conciliis ? cum neq; Cardinales , neq; Generales tunc ulli fuerint ? Quid putas Hilari ad hæc responsurum Osium ? Extat enim lex (ut scis)
quod

quòd Cardinales, Abbates, et Generales debeant esse vna cum Episcopis in Concilijs iudices. H I. Crediderim hoc Osio summè displicere, vt potè quod Episcoporum ordini sumnum præiudicium afferrat, eorumq; autoritatem extenuet, nec possit vlla ratione defendi, est enim inuectum ex mera tyranide Paparum, Osium tamen non ausurum mutire, vt est eorum adorator, adulatorq; maximus.

A T H. Quid si, vt hanc quoq; absurditatem tyranidemq; defenderet (vt tam multas alias solitus est) id adduceret, quòd Cardinales, non vt Cardinales, sed vt Episcopi sedeant in Concilijs iudices: habent enim Episcopatus quoq; H I. Responderem, fortassis esse aliquot Cardinales, qui nullum Episcopatum habēt, cur ergo hi de doctrina religionis cognoscerent dijudicarentq; sed quærerem ab eo aliud, à quo nunquam crediderim eum se posse extricare, cum multi sint Cardinales, qui tres, quatuor, et plures Episcopatus habeant, cur hi saltē, vt Episcopi, ad iudicandum in Concilijs à Papis non admittuntur, quamuis lex disertissimis verbis, vt admittantur, iubeat. H I L. Nesciebam hoc, non admittuntur reueras A T H. Non admittuntur H I. Et tamen lex, vt admitantur, iubet A T H. Iubet H I L. Admittuntur tamen Generales atq; Abbates. A T. Maxime. H I L. Quid hoc sibi vult A T H. Dicam, Romæ rarissimè videoas Cardinales conuenire, atq; vna versari, præterquam publicè in Concistorijs, ad que à Papa vocantur, adestq; ipsem Antichristus.

DIALOGVS QVARTVS.

HIL. An non agitant inter se cōuiuia multi simul?
ATH. Rarissimè, aut fermè nunquam, vix vnuſ, aut alter ſolet iuitari & hoc quoq; per rarò. HIL. Quid ita? ATH. Quia vident, id Papæ ſummè diſplicere. HIL. Fortassis quia nollit, ut magni ſumptuſ & luxuſ in conuiujs fiant. ATHA. Id curat ſcilicet, ut ſumptuſ & luxuſ cohibeantur. Sed diſplicent Papæ Cardinalium conuentus, ſiuē in Cōuiujs, ſiuē alibi fiant, quia nouit ingenia ſuarum creaturen, nouit eas ardere incredibili cupiditate & rabie Pontificatus adipiſcendi, & propterea ſolere multa machinari, quò per phas perq; nephas Pamē ſolio deturbent, quam ob causam prohiben- tur ad Concilia (vbi non interſit Papa quoq;) acce- dere. Bis, aut ter vidimus Concilium, à Paulo III. & à Iulio III. iudictum, & Epifcopos multos conueniſſe. Nunquid autem ullos audiuimus Cardinales affuiſſe, præter eos, qui pro Papa legatione fungerentur, modo tres, modo vnum duntaxat? HIL. Bone Deus, quales tricas, quales artes, aut practicas audioſiſtis Papis omnia ſunt ſuſpecta, viuunt dies noctesq; in maxima ſolicitudine, hinc venena, hinc conſpirationem etiam à ſuismet creaturis, metuen- tes, omnino ut Tyranni ſolent. ATH. Sed redea- muſ ad librum, ſi modo habes amplius, quod ex eo reſeras. HIL. Habeo adhuc vnum atq; alterum. Oſius iuſſat nobis, ſumma petulantia, centies repe- tendo, quòd præciderimus nos ab Ecclesia, iactat autem

autem se, quod in gremio Ecclesiæ, cum alijs Scribis & Pharisæis, conditus sit. A T H. Ea est vetus Papistarum cantilena, sed qui voluerit Osio, quod ad istud speciosum nomen Ecclesiæ, quo illi in primis se tuentur & mire exornant, exactè respondere, latissimum campum, in quo excurrat, habiturus est, & valde bonam causam. Certe nulla est tanta apud eos turpitudo, nulla tanta fæditas, quam non contentur sub isto umbraculo prætextuq; Ecclesiæ occultare & pro re sanctissima venditare, putantq; omnium, qui reprehendere aliquid in ea voluerint, ora claudere statim posse, ubi dixerint, Ecclesiam fecisse, Ecclesiam tolerasse. Quid autem Ecclesiam non minent, omnes sciunt, armentum scilicet illud Rassorum & Vnctorum, qui pascuntur in septem colibus, propè ripas Tyberinas: Nam in illum angulum redegerunt totam Ecclesiam vniuersalem. Illud autem in primis erit exagitandum ab his, qui Osiano libro, ubi inciderit locus de ista Ecclesia, voluerint respondere, quod sœpiissime sacrificulus, vel monachulus quispiam, aut etiam ex fece vulgi aliquis, crassissimam fabulam atq; Idolomaniam, e suo cerebello somniabit configetq;. Armentum illud, de quo dixi, non impediet, non reprehendet, Quare si Idolomania postea in immensum excreuerit, fueritq; inuentus aliquis bonus vir, qui spiritu Dei accensus reclamare voluerit, is confessim audit, non esse reclamandum, si Ecclesia non reclamat. Possent

a iij hic

DIALOGVS QVARTVS.

hic plurima exempla adduci, sed vnicum duntaxat,
quo res fiat planior, adducam·HIL. Est locus non
parui momenti, perge, attentè audio. A TH. Vix
vlla est in toto Papatu crassior fabula & turpior
impostura, quām quæ à Papistis de Idolo Lauren-
tano conficta est, aiunt enim Angelos, anno Do-
mini 1390. aut circiter, abscidisse ex fundamentis &,
ex Iudea, primum in Illyriam, deinde in Piccenum,
trans mare Adriaticum, in quandam syluam, dein-
de in quēdam montem, postremò propè oppidum
Recanatum portasse illud ipsum cubiculum (sine
vllis fundamentis dico) in quo virgo Christi ma-
ter fuerat nata, in quo æducata, in quo lætum nun-
tium ab Angelo accepit, in quo filium æducauit,
Domini Papæ, cum eorum Tyberina Ecclesia, aut
armēto, hoc, post natos homines, foedissimum hor-
ribilissimumq; mēdaciūm nunquam reprimere uo-
luerunt, imo indies conati fuerunt, pro summa eo-
rum auaritia, atq; impietate, conciliare illi fidem &
autoritatem, vt tota non modo Italia, sed Respub.
tota baptizatorum fuerit, per illam crassissimam de-
testandissimamq; idolomaniam, veluti dementia=ta,
necq; ullus unquam fuerit, inuentus, qui ausus fu-
erit mutire, vt etiam num nemo audet ex his, qui sub
Papatu degunt: statim. n. ad ignem, tanquam hēre-
siarcha quispiam, Christi incarnationem negans, ra-
peretur, qui auderet quempiam monere, vt ab illa
impostura atq; idolomania caueret, nullo enim mo-
do pati possunt, vt quis, quod Rom. Ecclesia tolerat
(quic-

(quicquid illud tandem sit) vel uno verbulo redarguat, Potest ne excogitari vlla oppressio, & tyran-
nis, quæ cum ista conferri possit? Dic Hilari quo-
modo hanc posset excusare tuus Osor, qui tam mul-
ta alia excusat tyrannidis & impietatis portentas
HIL. Si factus Cardinalis in Italia constiterit, credi-
derim eum, hunc quoq; laborem subiturum, ut fa-
bulam Lauretanā, vna cum Stigmatibus Fratricisci
pro re verissima, defendat, quare tunc visurus es,
qua ratione sit excusaturus, in primis nō est dubium,
quin dicturus sit, quod in his tribus libris suis fre-
quentissimè iactat vrgetq; Ecclesiam habere spiri-
tum Dei, quare non posse non uerum esse, quod ab
illa probatur, aut toleratur, tameisi id nobis falsum
atq; enorme videatur. A T H. Scio hanc esse Osij
doctrinam et normam perpetuam, sed quæro, num
reuerà possit dici Ecclesia Dei ea, quæ palam falsa,
palam absurdā, palam enormia & blasphemā tacite
vel expresse approbat: quemadmodum ea sunt, que
in Laureana fabula narrantur, imo si nihil aliud
haberemus, quo possemus euincere Rom. Ecclesi-
am nihil minus habere, quam spiritum veritatis
nihilq; minus curare, quam gloriam Dei, vnum
hoc satis esset, sine vlla dubitatione, quod tam fa-
bulosum idolum, tam enorme, tam blasphemum
in pulcherrimo omnium totius orbis theatro, hoc
est, in media Italia souere atq; colere non erube-
scit, ferro interim atq; igne prohibens, ne quis
eam esse fabulam & imposturam dicat, ATHA.

Sed

DIALOGVS QVARTVS.

Sed quid tu nunc de stigmatibus Francisci, an hæc quoq; inter fabulas recensenda putas? HIL. Quasi non noris. Proh Deum omnipotentem, quanta fu-
it hominum cæcitas, quanta impudentia & tyran-
nis Paparum, qui illud quoq; idolum, horribilissi-
mis quibusdam blasphemis, circumseptum orbi ob-
truserunt. vt non puduerit literis mandare, Franci-
scum fuisse alterum Christum, quinq; vulneribus
insignitum, quibus etiam homines saluari possent
Potest ne quicquam excogitari horribilius blasphe-
miasq; Nihilominus hoc quoq; prorsus Diaboli-
cum commentum, sub magno illo Ecclesiæ umbra-
culo atq; prætextu, contegunt atq; defendunt.
Quocirca (vt ad punctum veniam, neq; enim obli-
tus sum) cum Osor id sæpiissime vrgeat, quod se-
parauerimus, quod præciderimus nos à corpore
Ecclesiæ ad hunc modum illi respondendum pu-
tarem. A T H. Perquam libenter hoc audio: Nam
nihil aliud crepant aduersari, HIL. Vtor exemplo
Reipublicæ Venetæ, quam omnes norunt bonis
legibus, bonoq; ordine institutam, si vlla vnquam
fuit, vt vnum duntaxat illi deesse videatur, hoc est,
vt suis Ecclesijs ad normam Euangeli repurgatis,
subduceret se à Papraum idolomanis & tyrannide,
quod si faceret (vt facturam aliquando non despe-
ro) omnium Republicanum, Regnorum, & Impe-
riorum fœlicitatem superaret. Si forte contigeret
(quod absit) vt nonnulli ex Senatoribus, occupata
illuc

illuc perpetua dictatura conculcatisq; legibus, sum=
mam rerum ad se traherent, & pro libidine regnan=
tes cogerent reliquos turpiter seruire, postquam
autem eam tyrannidem per aliquot annos exercuis=
sent, Deus misisset occasionem, qua Respublica, eie=
ctis tyrannis, pristinam libertatem inciperet recu=
perare atq; gloriam: quæro ab Osio, quæm explo=br/>dendi & exsibandi essent tyranni, qui de ciuibus
enitentibus Reipublicæ libertatem instaurare, ad
hunc modum conquererentur: cur præciditis vos à
nostro dominatu? cur à Reipublicæ gremio disce=br/>ditis? HIL. Video quod spectes, vis dicere nos non
discedere ab Ecclesia Christi, imo cupere eam in li=br/>bertatem vindicatam instauratamq;, cum ab istis
Rasis & Vnctis fuerit diu miserè oppressa & penè
deleta, sed ab istis, qui eam oppresserant nos disce=br/>dere, hic est tuus sensus, ni fallor. A T H A. Non fal=br/>leris, isti Osij minimè possunt nos vocare deserto=br/>res & rebelles veræ Ecclesiæ, aut si vocant, iniquisi=br/>simè faciunt, verum nos, hoc nomine eos accusare
merito & grauissimè possumus: Nam, summa re=br/>rum per tyrannidem ad se delata, Euangeliū filij
Dei fædissimè obscurarant concularantq;. Gratias
autem agimus æterno Patri, Domini nostri Iesu
Christi, qui nobis tantam felicitatem elargitus est,
ut potuerimus tandem videre hæc tempora, qui=br/>bus Sacrilega & turpisima istorum tyrannis, so=br/>lè verbi sui, vscq; adeò patefacta & debilitata sit, vt

DIALOGVS QVARTVS.

tam multæ Ecclesiæ potuerint contra tantam vim
atq; potentiam instaurari, & multò plures propedi-
em instauratum iri non dubitemus. HIL A. Audi
quid hic Papistæ præsertim Osius dicat, si quid for-
te fuisset in religione corrigendum, non decuisse
nos de facto agere, sed expectare Paparum iudicia.
ATH. Scilicet, Respublica oppressa expectabit iu-
dicium tyranni, qui eam à seruitute eripiat. HIL.
Audi aliud in hoc genere videbisq; vt perget insa-
nire Osius. Si Princeps tuus Brenti, hoc sibi sumere
volet (vt scilicet Ecclesiæ suæ ditionis reforma-
ret) prius eum conuocare Christianum orbē opor-
tuit. ATH. Proh Deum atq; hominum fidem, per-
ge perge. HIL. tum te accusantem, orbem Christia-
num pro se dicentem audire, atq; ita deum vel tu-
am, vel catholicam doctrinam condemnare. ATH.
Ostultitiam singularem. HIL. Fortè posset hic ex-
cusari, quod per quandam exaggerationem & hy-
perbolice, vt aliquando fit, ad hunc modum cum
Brentio egerit. ATH. Excusa tu quantum volue-
ris, mihi despere videtur, qui ad hunc modum lo-
quitur. HIL. Audi alium locum consimilem, Ver-
gerius Serenissimum Poloniæ Regem reuerenter
monuerat, vt, de reformandis suis Ecclesijs delibe-
rationem susciperet, cum præsertim ipsemet Papa,
ipsimet delecti Cardinales, Episcopi, & qui in Cons-
ilio Tridentino præsidebant Legati, clarissimis
verbis pronuntiassent, Ecclesiam omnino habere
opus

opus emendatione , & tamen non modo nō emen-
darent ipsi , sed pro hæreticis haberent , & crudelis-
sime ferro flammisq; absumerent quotquot possent
deprehendere , qui vel doctrinam religionis , vel
mores cleri corruptissimos auderet taxare. A T H.
Hoc verissimum esse omnes iam sciunt , Papas , Car-
dinales , & Episcopos diserte fateri , Ecclesiam maxi-
ma reformatione indigere , nolle eos vel per Con-
cilium , vel aliam rationem , reformationem ullam
afferre , & tamen interea non desistere ferro atq; ig-
ne persequi eos , qui corruptiones atq; errores vel
reprehendant , vel deplorant , quæ est profecto
summa , & post natos homines , incomparabilis ty-
rannis. Quare Vergerius Serenissimum Regem
recte monuerat , vt sua Maiestas Ecclesiæ , quæ sunt
sub eius imperio , tandem reformaret ipsa. H I L A.
Rectè ne tibi videtur monuisse. A T H A. Rectis-
simè. H I L. Et mihi quoq; , & haud dubie omnibus
bonis viris ita videbitur. Sed audi quid Osio vi-
deatur , sic enim inquit. Vide autē Serenissime Rex
quām ineptum , quamq; sit absurdum & ab omni
ratione prorsus alienum , quod admirator Bren-
tij postulat Vergerius. Fides de qua controuerti-
tur , non est huius , aut illius nationis , multò mi-
nus huius , aut illius hominis , verum dicitur &
est Catholica , est omnium , Omnia , inquam , gen-
tium , Regnorum , Nationum , est orbis vniuersi
Christiani , Et de eo , quod omnium est , quod est .

DIALOGVS QVARTVS

, orbis totius Christiani, vult Vergerius, vt vnus a= , liquis Princeps, aut Rex, qui quotam illius partem , obtinet sibi, iudicium usurpet. Nunquid hunc ho= , minem tu vel micam sanæ mentis habere putas? E= , tiam communi sensu destitutus esse viderur. Quid tibi videtur Athanasie A T H. Videtur mihi Osium esse non modo garrulum, sed vere constare ex felle, Deum immortalem, quam prauum iudicium, & quantam amarulentiam hic video. Si Vergerius, quia ita sentit, non habet micam sanæ mentis, vt etiæ communi sensu destitutus videatur, sunt mente de= stituti aliquot clarissimi Reges, plurimi amplissimi Principes, multi honestissimi status & ordines, quos illud ipsum, quod Vergerius a Serenissimo Poloniæ rege postulauit, vidimus in omnibus eo= rum ditionibus fecisse, hoc est, suas Ecclesias emen= dasse, inuitis & frementibus Papis. Quare Verge= rius nō feret moleste, se à furioso, fanaticoq; Papista proscindi, quia id sentiat, quod sentit tam magna & tam illustris Europæ pars verbo Dei innixa. H I L. Verum ad id quod Osius adducit, fidem, de qua controuertitur esse Catholicam, hoc est, omnium gentium, regorum, nationum, quare non posse v= num aliquem Principem aut Regem, qui paruam aliquam eius partem obtinet, sibi iudicium de ea fide usurpare, quomodo putas Vergerium responsu= rum? A T H. Ad hunc modum: Quid ergo facien= dum esset vni alicui Principi, aut Regi, qui videret aliquid

aliquid esse in suæ ditionis Ecclesijs emendandum
 si dixeris, expectandum, vt reliqui quoq; Reges &
 Principes cōsentiant, velintq; Ecclesijs emendatas?
 Quād diu esset expectandum? Et tandem, si post
 diuturnam expectationem, reliqui ab emendatione
 abhorrent, quid faceret ille vnum aliquis Princeps
 aut Rex, cui gloria Dei esset cordis: deberet ne æter-
 nam suam & suorum populorum salutem neglige-
 re? HIL. Recte raciocinaretur Vergerius. Sed non
 est dubium, quin Osius responderet, illum vnum
 Principem, aut Regem non debere contingere
 causam religionis, necq; in sua quidem ditione, quā-
 tuncunq; illi videretur eā correctione indigere, sed
 debere ferre, quia reliqui Principes ferunt. A TH.
 Vergerius ad hæc diceret, quid si reliqui Reges aut
 Principes essent ex eo genere, qui nihil minus cura-
 rent quam religionem suamq; & subditorum æter-
 nam salutem? HIL. Osius responderet, quacunq;
 demum ex causa, reliqui recusarent in emendatio-
 nem consentire, nō licere vni alicui Regi, aut Prin-
 cipi ullam correctionem adornare, & curare num
 animæ sint perituræ. A TH. Credo Osium isthæc
 et longe absurdiora fuisse dicturum in gratiam eius,
 qui propè Tyberim sedet in colle Vaticano. Nam
 isti tyranno ingenium & calatum (vt diximus)
 turpissem locauit. Sed vnum verbum nobis dicen-
 dum est de eo, quod iste ait, Fidem scilicet, de qua
 controvèrtitur esse omnium gentium, regnorum

DIALOGVS QVARTVS.

& nationum, quale hoc tibi videtur? HIL. Osius sophisticatur; Hic. n. perinde loquitur ac si loqueretur de aliqua iurisdictione, quæ ad multos dominos pertineret; Nam de hac nullus ex dominis potest quicquam statuere, nisi reliqui consentiant; ponamus non posse, At in fide Catholica, hoc est, per totum orbem diffusa, longè aliud esse quis non videt? Papistæ enim usurparunt sibi (ut iam diximus) hoc nomen, ut velint esse, catholica Ecclesia, verum eam nostram esse constanter asserimus, ut nihil aliud velimus, quam quod vetus illa Christi & Apostolorum Catholica, seu vniuersalis, seu per totum orbem diffusa Ecclesia nobis præscripsit, (quicquid vllulent isti Osij.) Quare cum Vergerius Serenissimum Poloniæ Regem monuerit, ut de reformatis Ecclesijs deliberationem susciperet, nihil minus monuit, quam, ut Catholicam fidem proficeret, ut falsissimè interpretatur deprauator Osius, verum monuit, ut de abolendis abusibus, deprauationibus, & erroribus cogitaret, quos Papistæ inuexerunt, & pro Catholica Ecclesia venditant. A T. Hic obstreperet Osius, iterum negans (nosti ingenium) inuectas fuisse vllas deprauationes, aut vlos errores. HIL. Ego uero rursus obijcerem illi, non modo delectorum Cardinalium & Legatorum Concilij (de quibus sumus loquuti) sed Papæ Adriani VI. autoritatem, Audi Athanasi, cum Brentius huius Adriani, qui ingenuè statum Rom. Ecclesiæ, deplorauit,

uit, verba obiecisset Asoto, Osius vero videret sibi
phas non esse, quod suus Deus dixisset negare, vi-
cissim adduxit contra nos verba quædam M. Lu-
theri (ut suprà diximus) quasi vero nos tanti facia-
mus Lutherum, quanti ipsi suum Papam faciunt:
sed quod plus est, Lutherus nihil reuera cōtra nos,
at Adrianus Papa grauissima verissimaq; contra il-
los. A TH. Vidi aliquando, sed non memini præ-
cisè. HIL. Nihil facio libentius, quam, ut illa reci-
tem, audi Adrianum. Scimus in hac sancta sede, ali-
quot iam annis, multa abominanda fuisse, abusus in
spiritualibus, excessus in mandatis & omnia deniq;
in peruersum mutata. Omnia, inquit, omnia in per-
uersum mutata, tam in temporalibus, quam in spi-
ritualibus, sincera doctrina scilicet & verus Dei
cultus, omnia deniq; omnia (qui omnia dicit ni-
hil excludit) in peruersum mutata. A THA. Con-
feramus verba Oſij cum verbis Papæ, Osius ait, ut
initio ostendimus, antè non multos annos omnes
Christum vnanimiter professos fuisse, in hoc solo
gloriatos & nullum aliud Euangelium sciuisse, nisi
quod a Christi Spiritu profectum de Christo, per
Christi discipulos scriptum esset, & talem in summa
fuisse Ecclesiam, qualis fuerit Primitiua, Papa vero
ait. Scimus in hac sancta sede, aliquot iam annis,
multa abominanda fuisse, abusus in spiritualibus,
excessus in mandatis, & omnia deniq; in peruer-
sum mutata. A THA, Perge, HILARIVS.

Nec

DIALOGVS QVARTVS.

Nec mirum, si ægritudo à capite in membra, à summis pontificibus in alios inferiores Prælatos descendenterit. Omnes nos (id est Prælati Ecclesiastici) declinauimus, vnuſquisq; in vias suas , nec fuit iam diu, qui faceret bonum, non fuit vſcq; ad vnum. HIL. Tales Prælatos , quos Papa affirmat esse corruptis moribus , quos fatetur declinasse à quærenda gloria Dei , & quærere quæ sua sunt, tales, inquam, velint nunc nostri aduersarij nobis obtrudere pro iudicibus cælestis doctrinæ, hoc est, se ipsos obtrudere, Audi quæ sequuntur : Polliceberis nos omnem operam adhibituros , vt primum curia hæc , vnde forte omne hoc malum processit, reformatetur , vt siccut inde corruptio in omnes inferiores emanavit, ita etiam ab eadem sanitas & reformatio omnium emanet. Ad quod procurandum nos tanto arctius obligatos reputamus , quanto vniuersum mundum huiusmodi reformationem audius desiderare videmus. A TH. Ingenuè agit Flandrus iste Adrianus, cum fateatur omne malum processisse à curia Romana . HIL. Maiora audies . Subiçimus collatummæ dignitati , non ob dominandi libidinem, neq; ad ditandos propinquos nostros, sed ad diuinę voluntati parendum, ad deformatam eius sponsam Ecclesiam Catholicam reformandam. Heus Osi, tuus Papa, tuus Deus affirmat Ecclesiam Catholicam esse deformatam, rectissimè ergo facit , neq; est dicendus carere (vt tu de Vergerio dixisti) commun-

nisi sensu, qui vrget, vt reformatur. A TH. Vicitus
 est Osus. Sunt ne plura ex Adriano; HI. Sunt &
 quidem grauissima: Quanquam nemo mirari de-
 habet, si non statim omnia ERRATA & abusus
 omnes per nos emendatos viderit. Inueteratus ni-
 um morbus est, nec simplex, sed varius & multi-
 plex, pedetentim in eius cura procedendum est.
A TH. Dicit ne ERRATA; **HIL.** Dicit. **A T.**
 Papistæ fatentur esse abusus in Ecclesia, errores ne-
 gant, at Papa errores quoq; affirmat esse & inuete-
 ratos morbos, varios atq; multiplices: hic quoq;
 conferamus verba Osiij cum verbis Papæ. Osus di-
 cit, ante multos annos, fuisse in Papatu Ecclesiam si-
 milēm primitiæ Ecclesiæ, quæ nullum aliud E-
 uangelium sciuerit, nisi quod a Christi spiritu pro-
 fectum, de Christo, per Christi discipulos scriptum
 fuisset. At Papa contrà, nempe in suis Ecclesijs esse
 errores, & morbos inueteratos, morbos varios,
 morbos multiplices, quos tamen ait oportere non
 statim, sed pedetentim curare. **HI.** Vsq; adeò autem
PEDETENTIM in his curandis proceditur,
 vt cùm ista ante X X X. & amplius annos cæpe-
 rint dici, nihil adhuc profectum fuerit, vt pruden-
 ter & salse Lutherus, Quòd Papa dixerit pedeten-
 tim oportere procedi, sic accipiendum esse, vt singu-
 li pedes atq; passus interuallum habeant aliquot sæ-
 culorum: Conuerit enim hoc Adriani scriptum
 Lutherus sermone populari, addiditq; in margine

anno-

108 DIALOGVS QVARTVS.

annoratiunculas. H I. Libenter sæpè obijcio istam Adriani Papæ ingenuitatem nostris aduersarijs, & sæpè repeto, eos tyrannice facere, qui confiteantur esse morbos varios atq; multiples, esse abusus, esse errores penes se, nec tamen quicquam unquam correxerint, aut corrigant etiamnum, & interea non desistant, (hoc, hoc grauissimum est) fundere sanguinem eorum, qui emendationem efflagitant, libenter, inquam, ista inculco, quod videam aduersarios non habere quod respondeant & plurimos commoueri, cùm audiunt tam horribilem eorum pertinaciam atq; tyrannidem. A T H. Cum reuerà non habeant quid respondeant, scis quid fecerint? stomachaberis, si dixero. H I L. Est ne aliquid nouis? A T H. Maximè. H I L. Quid id est? A T H. Diccam, Hoc ipso anno M. D. L I X. ediderunt Romæ Catalogum, in quo connumerantur libri, quos ipsi profligatos atq; ex manibus & memoria hominum prorsus sublatos velint. H I L. Audiui non nihil de postremo hoc Catalogo, aiunt esse arrogantissimum & valde tyrannicum. A T H. Est sane ut dicas, sed, quod ridiculum est, suos quoq; met libros inseruerunt. H I L. Inter hæreticos ne? A T H. Inter eos, quos velint ex manibus atq; ex memoria hominum excutere, vt dixi, & sperarunt fore, ne illorum confessionibus vteremur amplius, aut frustra vteremur, cùm illis fidem nunc ademerint, vt ipsi stulte putant. H I L. Dic, an nominatim prohibuerint & condemnarint, ne legatur instructio Adria-

ni

ni Pape VI, de qua sumus loquuti? A TH. Nom-
natim. HI. Negant ne fuisse Adriani? A TH. Non
possunt negare, sed cum videant, se ab illa vrgeriac
iugulari, prohibent, ne possit amplius legi. HIL. Et
putant fore, ut propter eorum prohibitionē, nemo
legat amplius, nemo ea vtatur contra illos? A TH.
Quid ni putent, cum id sibi usurpent, vt sint orbis
terrarum Dominis? HIL. Venerunt ad extremam
insaniam, Vbi nā editus est huiusmodi catalogus?
A TH. An non audisti? dixi iam tibi, Romæ. HI.
Hoc ipso anno? A TH. Hoc ipso anno. HIL. Proh-
deum atq; hominum fidem, sciebam illos furere, sed
non vsc; adeo. A TH. Quid si maiorem adhuc fu-
torem istorum tibi indicauero? HIL. Dic cito ob-
secro, sed vix maiorem indicabis. A TH. Scis libel-
lum, cui titulus **Consilium delectorum Cardinali-**
um de emendanda Ecclesia? HIL. Illum ne, de quo
sumus loquuti & cuius verba recitauiimus? A TH.
Illum ipsum, illum inter libros vetitos, Lutheranos,
& Hereticos proiecerunt. HI. At ipsem, qui nunc
viuit Papa, fuit vnum ex autoribus & dictauit ipse.
A T. Sic res est. HI. Vnā cum aliquot delectis Car-
dinalibus? A T. Ita est. HI. Et hunc quoq; condem-
nant? A TH. Hunc quoq; condemnant. HI. Non
quod negent à se scriptum? A TH. Res est notior,
quam possit negari. HIL. Quis scit num Osius hoc
Consilium suggesserit? A T. Fortasse, Nā is in pri-
mis multa (vt vidimus, cōtra Instructionem Papæ
et cōtra consilium delectorum Cardinaliū effutiuit.

DIALOGVS QVARTVS

HIL. Gratulor profecto: Quanquam enim eorum furor atq; tyrannis satis dudum innotuerit , nunc tali Catalogo edito magis magis q; innotescet. AT. Dicam amplius , cum Romæ , incredibili quadam rigiditate atq; tyrannide , condemnarint omnes autores atq; libros , ex quibus nostra causa iuuari , aliquo modo possit , vicissim extollunt vsc; ad sydera , magnaç; solicitudine promouent Illusterrimam (sic enim appellant) quandam Academiam Venetijs , in hunc finem institutam , vt se nobis obficiat. HIL. Audiui aliquid de ea quoq; Sathan enim indignatus , quod videat suum regnum corruere , ad istiusmodi extrema remedia accurrit. Sed frustra ad hæc quoq; , & vincet Christus. A TH. Ad Osij librum reuertamur. Quantò magis considero , eo magis cōsultum puto , vt isti ordine respondeatur. Sed video Brentium & Vergerium valde laboriosam & duram prouintiam præ manibus habituros , si exacte respondere voluerint , cum liber sit valde nūgax , scateatq; tot ineptijs , tot mendatijs , totq; blasphematijs , quas omnes velle stilo persequi , & confundare propemodum infiniti operis fuerit. HIL. Hoc ipsum quæritur Vergerius , ait sibi videri propositas paludes non Pontinas , sed Venetas siccandas , quas neq; ipsi quidem potentissimi Veneti videntur posse vincere & siccare , sed tamen non deterrei , nec desperare , quin aliquid gratia Dei , sit profecturus (modo alijs negotijs , præsertim peregrinationibus ,

tionibus, nō auocetur ab opere) Brentium vix cre-
 diderim responsurum, vt quem viderimus satis in
 hoc genere laborasse, habere autem alia & mundio-
 ra, quae agat, quam, vt volvetur amplius cum istis
 Alostis atq; Osoribus. ATH. Satis fuerit, si alter eo-
 rum responderit, nec immoratus fuerit in leuicu-
 lis, sed vrserit in putidioribus & grauioribus erro-
 ribus istius hypocritæ conimonstrandis, proderit
 talis labor hauddubie, saltē infirmioribus, qui sunt
 in inclito Poloniæ regno, quos iste veterator sedu-
 cere in animo habuit. Tantum miror, quid illi in
 mentem venerit ex spæleis Massouïæ vscq; vbi Epi-
 scopatum habet in finibus Prussiæ, ablegare suum
 librum, qui Coloniæ excuderetur, cum in Polonia
 non desint Typographi. HIL. Cracouiæ non ha-
 buisset, Gropperos, Auios, atq; alios huiusmodi e-
 legantes artifices, qui adderent de suis coloribus
 decq; suo veneno. HIL. Putas ne, eum, ob eandem
 causam, duos alios, de quibus diximus, libellos Epi-
 scopo Dilingensi transmisisse, vt apud se mandaret
 excidi: ATH. Quid posset addere Dilingensis,
 cui tam curta est supplex: existimo tamen valde li-
 benter eum mandasse, vt apud se excuderentur, &
 fortassis suo sumptu. HIL. Quid ita: ATHA.
 Quia, vt nobis, pro suo amarissimo in nostram re-
 ligionem Zelo, insultet omnia istiusmodi venena,
 solet colligere traherecq; ad se, vt Cæcias nubes. An
 non vidisti cuiusmodi librum, etiam suo ipsius no-

DIALOGVS QVARTVS.

mine, hoc ipso anno ediderit? A TH A. Non vidi.
HIL. Titulus est de celebratione Missæ, A T. For-
tafsis eam defendit contra impugnationem nostro-
rum; HIL. Nihil minus, non putat esse opus, cum
videat eam maximo in pretio esse vbiqz, scilicet, sed
putidissima quædam ex sentenis Monachorum &
Scholasticorum hausta congesit: exempli gratia, si
quando corpus Christi in manibus Missificantis
miraculosè appareret in specie pueri, vel carnis crue-
tatæ (sunt verba ex eo libro) disputat, an debeat su-
mi & manducari puer vel caro. A TH. In tanta lu-
ce Euangeli tam crassa, tam putida, & tam blasphe-
ma; HIL. Aliud disputat absurdius, quod dicerem
tibi, nisi puderet. A TH. Dic, te obsecro, neqz te pu-
deat referre inter nos, cum non puduerit Cardina-
lem in publicum proferre. HIL. Dicam, tua veniam,
sed boni consule: quærit quid agendum sit, si Mis-
sarius post sumptionem (sunt ex eodem libro ver-
ba) ex infirmitate, statim emittat per secessum quod
sumpsit. A TH. Proh pudor, sed quid tandem defi-
nit; HIL. Audi: Reuerenter recolligantur species
panis, si discerni possunt: & reponantur in Sacrario,
vel sumantur ab aliquo, si adsit aliquis ad sumendum
dispositus, absqz nausea. A TH. Merito debuit te
pudere tam male olentia recitare, O iudicium, o gra-
uitatem hominis, qui in tanta renascentis Euangeli
luce (valde delector hoc intercalari) non veretur
contrectare istas feces, vt eas rursus nobis obtrudat,
sed

sed habeat eas sibi. Interea tibi gratias, Hilarimagnas
habeo atq[ue] ago, quod mihi gustum dederis libri O-
sianii, dabo ego alijs quoq[ue]: nec deero officio meo in
commonendis infirmis atq[ue] incautis, quo caueant,
ne contaminentur, aut inficiantur, si Osijli-
brum, ac velut lacunam, aut gurgitem
tetris fecibus & venenis re-
fertum contige-
rint.

FINIS.

ERRATA.

Prior Numerus paginam, posterior versum denotat.

Pagina 17. uersu 17. b. pro conterione lege contentione.
 ¶ 17. 18 b crederent ¶ 41. 27 b. proptium. ¶ 46. 5. 2
 loquuntur. ¶ 56. 9. b certe ¶ 64. 18 a fuisse. ¶ 65. 28. 2
 Pontificale. ¶ 68. 21. b Apostolorum ¶ 77. 15. b congregata
 ¶ 79. 18 a fuerint ¶ 91. 9. b putresceret ¶ 102. 23. b queritur.

0180.30

The commandments, sayings, &c. of the
prophets, & the apostles, &c. &c.

Permit me to add my hearty endorsement of your bill.

Digitized by Srujanika

卷之三

卷之三

ЗАИЛЕ



